

宋

會

要

宋會要 食貨二十

蠲放

光堯皇帝建炎元年五月一日赦應因戰守及差役被賊殺虜者特予免
本家二年支移折變應諸路人戶見欠稅租并倚閣欠賦及解納錢
物並予除放昨經大元帥府駐軍及一月以上去處應辦軍馬糧食勞費
又應天府係吳王之地理宜優異今年夏稅並特放免又訪聞自來放書
所放逋欠轉運使及州縣迫於調度依舊催納主民間有黃紙放白紙催
之語甚大朝廷寬恤之意今奉大恩與常赦不同兼務節用可以裕民如
益司州縣報放改運巧作名色依舊催科仰被科人戶越訴其官吏當該
重行貶竄 十一日曲赦應石戶曾被虜賊蹂踐耗蕩家產仰州縣寬予
蠲免今年夏秋租及科配 四年八月十八日 紹興元年正月一日二年
四月十九日三年九月四日四年七月一日德音曲赦並同此制 十一
月二十三日赦應曾紐金人或群寇蹂踐人戶見欠建炎元年夏秋稅租
並予除放應欠官物元非侵欺盜用者及雖係侵盜而本家并干繫保
保人內無抵當財產者並令本屬于赦到一月內保明中轉運提刑司本
司亦限一月保明開奏當議並與餘赦如違限不為依限申奏仰互經轉

運提刑司受理投訴依法施行其元非攷盜見勒于繫人攤納者失於催
理或誤行文違見攤在于繫人名下理納者水火損敗及納壯遭風水拋
失若被盜勘會分明各無欺弊見扣折請受者實貨場治委是不廢及不
顯侵欺係又課利見行催理者冒佃諸色官田戶絕田土坐業諸并般啟
章隱漏稅租見理納積年稅租課利等委是實關無可備納者並委本係
保明中轉運提刑司等特與除放訖奏在京中所屬依此施行 紹興元
年九月十八日四年九月十五日七年九月十八日十年九月十日十三
年十一月十八日十六年十一月十日十九年十一月十四日二十二年
十一月十八日二十五年十一月十九日二十八年十一月二十三日三
十一年九月二日赦並同此制 二年七月十九日詔州縣大水飛蝗為
害而最重之處仰百姓自陳州縣監司次第聽定保明開奏量輕重予免
租稅 十一月二十八日詔諸路合起夏發銀絹並更不起發如自來用
係省舊錢買發即將合用錢數還充清計以寬民力 三年七月二十日
詔太平池州及南康饒州管下浮梁等縣經賊燒劫居民逃避又以去秋
災傷米價踴貴令本路轉運司体究被災人戶依災傷法量分數減免
四年五月十八日詔福州人戶均認準條巡幸錢糧十萬貫石可並特予

蠲放官吏尚敢拘催重責典憲仍許越訴 二十二日詔越州會稽山陰
縣人戶未納建炎三年分湖田米並予除放 六月一日詔越州餘姚上
虞蕭山縣見欠建炎三年分湖田米特予蠲免 七月四日右正言吳表
臣言乞將應州縣經金人盜賊殘破去歲其去年秋料米納殘零租米後
錢並權與倚閣候將來秋熟別行催納從之 紹興元年三月十七日詔
南鄞州建州上供銀於合起二分數內更與蠲免二分 八月五日詔湖
州吉安縣人戶紹興元年夏料稅賦並以十分為率分三等減免被燒劫
及被殺人戶與減免七分被劫掠人戶減免五分不被劫掠人戶減免三
分以本縣人戶經部省陳乞故也 二十五日詔昨降德音將大現三年
額外增添數目特予三分中蠲減一分如逆路雖係大現二年修定格目
如大現三年為額認數起發即合依昨降德音蠲減令戶部申開行下逐
路轉運使照會施行以徽州路通判李樞言本州大現年增添緡額乞行
減免故也 九月九日詔昭慈獻烈皇后聖駕發引經由水路因堰開去
處淹沒禾稼可差官按視分數減放租稅 二年正月二十一日詔臨興
府諸縣人戶拖欠下租稅等物依去年明堂赦令合行倚閣者並特予放
免如官吏日後復行催納者當依沮格詔令科罪 二十四日諸路建炎

四年正月一日以前應未起上供等錢物糧斛並特予除放其形勢官戶
州縣公人本戶不經殘破之家納到殘租積欠仰具數以聞 閏四月三
日權發違與國軍王紇言本軍自經燒劫民力未復乞權免結與二年兩
限上供錢物詔更與免放結與二年夏稅一料六月二十二日知池州葉
煥言本州稅賦自建炎二年至今五年間積欠無慮數百萬貫足石已是
出達上限乞將今年本州合起發上供年餉錢細絹并一半折帛錢及准
衣細絹並減免合起發之數一半所有未斛並甘依限盡數起發詔於當
被賊馬燒劫人戶名下均減以本州十分為率不得過三分即不得稍有
情弊如違當職官嚴責人吏決配 二十七日金部言裁將鼎州建炎四
年合發上供錢物免其結與元年分只下上供數自來年為始分限三料
帶納從之以本州陳免故也 七月三日手詔比緣閭境凶濤作亂故違
師蕩平重念盜賊占據之地及焚劫剽虜之家用肆教者以蠲稅餉訪聞
州縣檢會條令不通三分甚非所以稱朕曲順需澤惠恤一方之意可特
依今來四月十一日敕降指揮並行赦免如有違戾去歲許民戶越訴官
吏重行覈責 八月七日詔温州年例借撥一半軍糧米一萬九千七百
四石只今認起一萬石餘數特予蠲免以尚書省言本州苗稅不多借撥

外州所得未比諸郡最少故也 九月四日知洪州李光言本州屬縣殘破收買上供淮衣紬絹無所從出乞更予蠲免一年從之 十月二日吳國軍言紹興二年夏稅并上半年上供錢物已蒙恩免放其下半年上供錢寔無所從出詔特予蠲免 十一月十七日詔武昌軍累經焚劫可以本軍所乞上供錢物全免一年 二十四日上謂呂頤浩曰近臨遣五使面諭丁寧非往時遣使之比有奏云欲將州縣已蠲放賦稅文簿盡行焚毀朕欲寬惠及民已依所奏示民不疑也同日樞密院計議官權鉉察御史江南東西路宣諭薛徽言歡望許諸路宣諭官於所至州縣取積年欠負案籍不以是名何色凡在建炎元年大赦前者重行點檢內有頸合蠲除者悉以焚棄絕其獎源使不敢歸案之人有以取信從之 十二月九日臣寮言乞今後除稅租免役和買依法准科以脩軍期不啻缺誤其餘非泛料配一切停罷本部言若遇災傷難以不行除放若寔因軍期亦有許收量添酒錢專令應付或因軍期所需多料其數別行支用以自盜贖論官員竄竊表人吏決配歿下諸路轉運司嚴責守令催科稅賦不啻違戾從之 二十五日金部郎官呂慶問言荆湖南北路建炎四年分未起上供米已降指揮蠲免其上供錢物乞例除放從之 三年正月十七日

知宣州沈晦言乞將本州及諸路所欠紹興元年夏秋二稅并和買權行蠲免或倚閣詔契所已將上三等戶權予倚閣一半第四等以下並倚閣仍分限三年帶納 二月十四日奉批奏昨日奉御筆臨安府民戶稅地兵火之後多為官司軍營店占而戶下輸納預買額不減今主者考究惠予蠲免呂頤浩等奏訪聞上戶往往已免下戶不能自陳尚有催理者宜如詔旨蠲除上曰凡施恩惠當先及下戶文王發政施仁必先四者彼豪強兼并之家雖立法推抑猶能侵剝細民不可不察也 二十七日戶工部言往都省札子江南路宣諭劉大中奏信州等處坑爐戶欠少官錢乞依赦蠲免詔遂部勘當申尚書省契勘坑爐戶戶借過官本錢以銀銅中納乞官自官典以來坑冶苗脉徵細緣鑄錢司引用元符三年九月十四日朝旨不作欠負依舊見行催理本部昨緣渡江燒毀案牘即無上件朝旨檢照外緣已降指揮諸路宣諭官于所屬州縣取見積年欠負內有顯今蠲除者悉以焚棄欲下江淮等路點檢坑冶鑄錢處饒州司將建炎以前年分所欠錢數依赦蠲免從之 三月二十七日詔臨安府仁和縣錢塘縣地基為官府營寨所占者許計家業錢蠲免納數 二十八日遣州官近蒙朝廷將建炎四年錢物全行放免其紹興元年上供并大禮當

給自來為始分三料帶起及二年分上供錢物今依條起發緣本州累經
巨寇人民歸業之初稅賦未甚就緒乞候將來橋發詔依兩中並予蠲免
四月六日知建州向伯魯言本州今年合帶發給與元年經制茶稅銀乞
減免戶部勘當欲將本州帶發給與元年拖欠上供銀數予放免從之
五月四日河南府等州鎮撫司幹辦公事雷震言自金賊犯順本鎮軍馬
屯守控扼軍中所須並取于西京管下諸縣供納至今首尾八年委是疲
困乞檢會應于近降手詔寬恤民間事件行下沿邊諸鎮曉諭人戶通知
乞使事平息日將西京管下諸縣民戶除合納稅賦外特賜蠲免諸般非
泛科率五年責得民心有望朝廷寬恤之意從之 十六日詔免岳州紹
興二年秋料并今年夏秋兩料役錢以知州范演數言本州經賊盜民力
未復故也 六月七日契勘利州路興元府洋州一帶郡縣經兵馬殘破
去歲仰所屬將歸業人戶應未起上供物帛錢斛並予蠲免 七月十八
日江南東西路宣諭劉大中言州縣曾經殘破人戶元不曾離業者紹興
元年秋料稅租役錢減放四分以前拖欠與濟州州縣引用通行法不得
過三分乞全行倚閣詔興國軍不曾離業人戶合納紹興二年分和買細
絹並特予全行放免 二十五日詔淮南路合發上供斛斗予免三年

九月二十日詔總兵府合發上供錢物特更免二年以上以知府韓之英言先時分鎮得旨蠲免上供三年近本府據縣湖北帥司知府不帶鎮撫使而五縣寇劫之後民戶稅役並無輸納乞將上供權免故有是詔十月十四日戶部言漢陽軍中本軍經殘破乞將合發內藏庫絹八千疋權行蠲免本部契勘難以施行詔特予免放一年十一月二十八日侍御史辛炳言訪聞福建路昨於建炎元年收列諸州軍人戶獻納錢銀共約計錢一十五萬六千餘貫并出買承信郎告共錢一萬七千餘貫並寄撥南劍州後來本州承諸司指揮取撥應付招募招殺建州軍賊葉漢并募槍仗手等並各支用淨盡近者戶部根括上件銀錢行下轉運提刑司共分認還一半餘一半令南劍州認還作三年六限帶納臣切詳上件錢銀除官告錢外其餘並是當時科率人戶以獻納為名收獲到數今支用既盡而勒令認納勢必再歛于民契勘南劍州已納到今年上半年兩限錢銀充若兩司續各納到兩限之數即還實官告錢已是增多數倍所有紹興四年兩年上下四限錢銀數目浩瀚數歛無窮乞特旨悉行蠲免仍下本路諸州縣揭榜民間如州縣却敢以催獻納錢糧為名追呼搔擾並許人戶赴臺撫司陳告中奏朝廷重行懲之從之四年正月二十五日

詔廣南東路轉運司依紹興三年二月十五日已降指揮將脩梅湖患四
州寔曾被劫人戶合納租稅疾速開具中尚書省特蠲免從左朝奉郎林
著之請也 四月十七日詔淮南路紹興四年分依格合發上供錢物予
蠲免起歷一年 六月六日岳州言乞免內藏庫絹軍臣米勝非曰本州
屢經盜賊殘破尤甚上曰將今年并以前者並特予蠲免免使州縣作過
官吏將稅歸業人戶妄行催納擾擾臣勝非等曰陛下愛民如此天下幸
甚 二十六日知鎮江府沈予求言契勘人戶積欠苗米一千三百餘石
除根括逃亡歸業人戶合豁除一年餘石其餘盡係貧乏下戶時零殘欠
乞候秋成于本府納到苗米內撥還詔並特予除放 十月十一日詔和
州今年合起天中節大祀銀絹特予蠲免以本州言經賊殘破從其請也
五年正月十五日內降淮南路德音壽春府真揚楚泗承泰濠滁州天長
建水軍人民各懷忠義團結山水寨保聚有功理宜優加存恤並予免放
稅役十年其不係團結人戶曾經賊馬蹂踐去歲予放五年妻逐州開具
保明聞奏 二十四日權知滁州何洋言本州累經殘破招集未能就緒
乞將合起上供并應合進供之物蠲免二年從之 二十九日詔令邊路
帥司約束所部應曾經殘破州軍縣鎮官吏遵依已降赦文如尚敢巧作

名目催理舊欠非理搔擾科率並仰按刻開奏官員除名勒停人吏決配
嶺外 閏二月二十七日荆南歸峽川荆門公安軍鎮撫使解潛奏本鎮
南北備敵事力未振歲貢上供委實無兩遂出乞更俟三二年民力稍寬
依格起發詔更予免二年 三月二日岳州言本州紹興五年上供芋錢
物緣殘破後委實無迭出欲望特賜蠲免迭之 八日詔黃州上供斛斗
予免三年以本州言累經殘破人戶方歸業故也 六月二十三日三省
言近因久旱降詔除稅租和預買及應付大軍之外應干科敷催驅等日
下並罷切德州縣却催理人戶累年積欠稅租詔令諸路監司帥臣嚴行
覈察如有違戾及失于案奉並取旨重行竄責 二十六日詔應諸路監
司州縣非奉朝廷指揮假作軍須名色之作科湏事件日下並罷如有違
戾州縣仰監司按劾監司令御史臺覈察開奏或隱蔽並重寘典憲 七
月三日權發遣蘄州馬羽言本州比年兵火被害尤甚民未歸業其上供
錢稅租米斛乞依黃州例免三年迭之 五日都督行府言勘會澧州兵
火不絕農事久廢今發上供錢物伏望自今年蠲免三年迭之 十九日
諸路軍事都督行府言湖南一路比緣少雨田壠亢旱欲將本路秋稅苗
米先次特予蠲免五分若將來檢覆災傷分數更重去處即令提刑司別

行開具減放從之 八月二十四日內降德音龍陽軍鄉林方廓人戶科
既差役係官屋稅之類已降指揮並免放五年尚慮不切遵奉仰本路帥
臣嚴行覈察如有違犯之人重行斷配如五年之後尚未就緒仰保明以
聞當議勘量更予免放 九月一日尚書省言勘會昨因亢旱已詣諸路
除應付大軍等事外應干科數並罷如漕司雜稅及常平等增收兩子錢
鈔旁勘合錢者戶長頗錢常平一分寬剩錢及正稅畸零剩稅並乞一例
罷詔依 四日詔要州合起紹興二年內藏庫索羅花羅並特予放免
十月十八日諸路軍事都督行府言湖南北州縣應干所入窠名錢貫並
係取撥應付大軍支用連潭州已行蠲免起發有其餘州縣亦望並行蠲
免詔兩路印契稅錢並特予蠲免 六年三月四日江南西路安撫劉置
大使兼知洪州李剛言洪州連年合發淮衣紬絹目建炎三年殘破後用
度缺乏不曾收括已免至紹興三年所有四年五年分委是無從收簇詔
與蠲免同日詔令諸路轉運司契勘管下去年旱傷及四分以上州軍拖
欠下紹興四年已前年分錢苗租稅等並予除放 二十日諸路軍事都
督行府言契勘和州田產兵火正當水陸之衝比之他處殘破至極竊見
蘄黃州並免三年舒州免二年令本州今夏起稅深慮輸納未前望特免

展免二三年候招集人民開墾田土稍成次第日起催施行詔更予展限
一年二十五日成都潼州府夔州利州路安撫制置大使兼知成都府
席並言四川去秋旱傷田畝所收多者不通四五分少者總一二分又緣
官中糴買壅遏未殺價例踴貴無從得寔又去秋四川水潦東川旱暵即
今粒食昂貴斗米錢兩貫利路近邊去處又增一倍即今人民飢流死者
相枕藉於道見行賑濟緣蜀民自來不曉陳訴災傷是致州郡漕司不置
依條減放間雖有檢放去處並不以寔望賜矜恤詔如委係災傷失于檢
放予權行倚閣一半其災傷至重去處全行倚閣並候將來秋成日依已
降指揮催理五月六日權戶部侍郎王侯等言諸路紹興四年已前拖
欠并合補發上供米斛並折斛錢物已權行依閣候將來豐熟帶發送之
八月十五日詔慶州諸縣管下曾經燬破之家委令佐札姓名本州覈寔
將日前欠負特予除放二十一日知廣州連南夫言本州連年賊盜侵
犯須贍兵馬中窳因此財賦缺乏所有秋夏二稅乞免一二年詔予蠲免
今年夏秋二稅及上供錢物九月六日詔荆湖北路管下州軍因旱傷
拖欠紹興四年分天申節銀二千五百五十兩進奉大禮銀三千三百兩
絹二千六百尺特予蠲免十月二十八日權發遣鄧州韓通言本州自

收復管下鄉村坊廓人戶雖薄有耕種並無舊米稅課簿籍係是創立其
夏稅所諭稅課比湖比差重乞許臣遵行裁減和糴和買拋買之類特免
三年從之

○年十二月一日

○降德音准西州縣民力凋弊除已累降

指揮放免租稅外其逐州應經今來賊馬殘破縣分更與免放租稅二年

應緣今來軍事調發人夫子免本戶科差一次 七年三月三日詔應駐

蹕及經由州軍見欠給與五年以前稅賦並予除放官司輒敢率催重寘

典憲仍令提刑司常切覈察其民間見欠官司給與五年以前錢物今逐

州長貳限三日條具以聞當議蠲免 同日詔太平州應實曾被火居民

戶予放今年屋稅 六月十九日三省言建康府已故院建炎元年至紹

興元年未起左藏庫錢帛等上曰建康兵火之後遺民無幾何忍更追取

積年通欠之物耶可並除之因謂輔臣曰朕嘗予趙鼎宣和以前宰輔非

其人費出無節諫求無藝四海之民困於科歛不得安業朕嗣位以來思

典之休息又以違事未盡軍需之資取辦于諸路者尚多斯民之災如此

倘他日兵侵朕當一切蠲罷雖租賦之常亦除一二年朕之此心天地鬼

神寔臨照之張浚等曰陛下聖志如此天必助順民之休息固有期矣他

日更在陛下選用大臣推行德音上曰然事亦在朕臣等曰陛下聖志既

定人誰敢違 七月二十一日後殿進呈張浚等奏禱雨脩至未獲休應
上曰應天須以寬如恤刑弛役之類當更有寬位可及民者朕曉夜思之
如積欠 事為民之害甚大比因移蹕西通州郡下屬除之令聞民間極
喜可將諸路紹興五年以前稅賦積欠及其他逋負議蠲之浚等退而條
具再取旨即施行焉 二十四日都省言建康府近緣亢陽缺雨其洛諸
州縣理宜一尋寬恤詔諸洛州縣民戶見欠紹興五年以前稅賦並予除
放官司錢物令長貳限三日條具以聞當議蠲免及諸州起發綱運赴行
在交納因估剝虧官并拋失少欠見今監理追納補放自紹興五年以前
虧官數目並予除放其催理去處取見詣寔如委無情弊一面先欠權住
催理具狀保明開奏當議亦予除放州縣因災傷巡移并不曾離業人戶
布種未盡田畝依已降指揮合免稅租訪聞州縣違戾以拘催上供為名
復行催納自今降指揮到日並免催理如違令提刑司覈察按劾以聞當
重科科斷其結與四年五年然前項人戶拖欠未納上供稅苗今提刑司
取見所免催理數如州縣委寔無從出辦具數保明開奏當議特予除放
諸路民戶買撲場務昨因拖欠淨課利錢物收執當折填外尚有欠少數
目委無可納者紹興五年正月以前數目亦予除放諸路常平司諸色田

產人戶承佃合輸租課紹興五年以前拖欠之數令長貳限三日條具以聞當議免其寬恤事務要寔惠及民如州縣巧作名目輒敢催理委提刑司按劾以聞當重寘典憲 二十八日尚書省言已降寬恤除放諸路州縣民戶見欠紹興五年以前稅賦等尚州縣奉行苟簡將合放稅租人戶錢物不行蠲免詔令逐路轉運司約束下州縣格意遵行務要寔惠如州縣敢有違戾或因緣追呼搔擾許人戶徑詣本路帥臣監司或朝廷臺部越訴若所陳自定官當取旨重行寬責人吏次配及令提刑司分委官巡詣州縣點檢覈察具違戾去處當職姓名按劾聞奏 八年三月二十二日詔建康復幸其浙西經由州縣應辦人戶見欠紹興六年十二月終以前稅賦並予除放官司敢本催重寘典憲仍令提刑司常切覈察 九年五月一日應天府路轉運司言亳州譙縣請解稅戶陳達等一百三人伏觀赦文內一項應新復州縣百姓各免鄉井並特予放免苗稅三年差徭五年致已止免差徭五年所有放苗稅情願便行依時送納資助國用詔降勅獎諭依已降赦文放免上因宣諭臣曰中原遺民久困暴斂肆歲之初特予蠲免三年雖人心喜於來歸誠意樂輸然斯民乍出金炭尤當加恤兼赦文之信豈可復渝宜降詔獎諭依赦蠲免 二十六日詔河

南諸路新復州軍上供錢帛斛斗及土貢物色及大札進奉銀兩並赦免
三年 八月十四日三省言給事中蘇符言已分屯銀珍軍馬乞罷免四
川對糴米脚錢等上曰四川自兵興以來橫歛既多民不堪命可令胡世
將張深相度蠲減以紓民力 九月六日樓炆言川陝既分屯人馬已將
自軍具以來糶生料賦悉行蠲免凡八十餘萬貫石上曰四川久屯大兵
不無料須今故地歸復兵各分遣得以減罷遂可愛養民力矣上欣喜見
于色 十年閏六月十五日詔順昌府民間租稅先降赦已放三年更予
赦免二年 十二年二月二十七日詔令廣南東西路要撫轉運司取見
寔經盜賊殘去處特予蠲免今年夏秋二稅應已前拖欠稅租並權位催
五月九日戶部言舒州經殘破兩縣人戶予免稅租二年其餘諸縣經
擾逃避人戶予免一年送之 十三日戶部言真州今年合發一半上供
有額錢物欲依通泰州例更予權放行免送之 二十六日詔安豐軍并
屬縣各係極邊大兵往來蹂踐至極去歲紹興十二年合發進奉天申銀
銀五百兩特予蠲免 二十七日戶部言廬州收諸司并經制有額無額
上供錢物及激賞頭子等錢除已降指揮予免年限外乞更予展免一年
從之 二十八日戶部言荆南紹興十年每年合發錢物米斛欲更予放

免一年自紹興十一年為始計置務管從之 六月九日隨州言本州合
發年額上供錢物乞行蠲免詔更展免一年 七月五日荆湖北路安撫
使司恭議官丘奐言荆南上供米斛欲乞且依前未例開免三五年候百
姓歸業漸有稅賦依款送納詔更予放免一年 十三年二月十七日權
發遣光州田邦直言本州合發諸司及上供錢物疋帛斛斗并經總無窮
激賞頭子錢并禁軍缺額請給錢糧等乞候戶口增羨起理稅租日起發
更予展免一年 七月十一日上謂秦檜曰朕嘗與卿等說候國用足日
蠲免租賦少寬民力前日因卿兄朝辭亦議及此卿兄累曲卻願免于民
事朕以謂若一舉除放又恐用度不足可將第三等以下蠲免如浙西以
駐蹕之久民間應付不易臨安府尤甚可令戶部契勘第三等已下一路
共若干數且放得一料庶幾貧民下戶實受其賜 十七日三省言戶部
具到浙西第五等八戶丁鹽錢合納見錢一半多有拖欠第三等以下人
戶數目最衆緣上戶多是分作小戶難以一舉放免若只蠲放丁鹽錢則
實惠正及下戶上曰甚好此錢不惟下戶難出民間所以不奉子蓋亦因
是朝廷法禁非不嚴然不能絕其本乃在于此 十四年二月八日上諭
輔臣曰民間積欠有可免者亦當量予減放使實惠及民比年以來違事

寧息民間並無科歛人情想見歡喜數年之後當漸富庶秦僧曰諸州自
來申奏乞免徵積欠者多是十數年前登帶拖欠或非正數州郡各自陳
乞遂其私意惠澤不均臣等欲令戶部取見諸路數目條具奏聞有可蠲
免者即予之免庶使德澤周免上曰甚好朕頃在山東河北脩知民間利
病如官司尋常將人吏枷錮令下鄉催科奸吏以此為名愈更搔擾倍有
所獲適中其計耳 十二日詔江浙等路紹興八年以前拖欠未起應于
諸色錢物等皆是積年登帶數目無可催理可並特予蠲放仍日下銷簿
落籍 十五日上諭輔臣曰近見陳剛中奏減免民間科須數目不少朕
聞之頗喜自是四川之民當少蘇矣 三月四日三省言路未發上供
錢糧等上曰浙江荆湖等路積年拖欠上供錢物未斛皆係登帶虛數可
將紹興九年十年未起諸色錢物紹興十年以前拖欠上供米斛並除形
勢并第二等以上人戶未納數外餘並特予蠲放州縣官吏奉行違戾許
人戶越訴 十月二十二日詔永道郴州桂陽藍及衡州茶陵縣民戶于
二稅之外尚循馬氏舊法別有添納可將遂州縣丁身錢絹未奉並予除
放 十五年二月十五日荆湖南路轉運判官李紹祖言訪聞州縣官吏
往往將違年積欠已應除放之數別作名目或謂之月計或謂之解州或

五年五月

折光銀

儲本邑令耆保正長按月認納至有將所夫稅租科撥與近縣令佐使之

自取以充月俸伏望戒勅監司州縣敢有犯違重寘典刑上曰此事更源

今吏部措置行下庶幾與興五年十一月四川宣撫副使鄭剛中言欲

減成都府路對羅糧米一十二萬石潼川府路六萬石切慮兩路州縣却

將已前積年欠負強催或以那充別色斛斗支違撥還為名復行搔擾甚

非寬恤之意伏望特降屢分從之七月十三日知興化軍汪濟本言本

軍諸色瀕海之家以漁為業夏秋二時官司令納尾稅採捕錢欲乞悉行

除放從之十四日三省言淮南轉運司乞蠲免廩光二州止供錢米一

年上曰人皆知取之為取而不知予之為取若未可催科嚴稍與展免假

其家給人足自然賦稅易辦八月十九日三省言知和州判乞展免

本州夏稅一年上宣諭輔臣曰朕常謂言事與行事不同若行事便有實

利及人如此等事也秦檜奏曰儒者所陳王道不道愛民而已上曰極是

閏十一月二十日詔楚州合發上供錢斛斗更予展免一年十六年六

月十日詔安豐軍今年合發大札銀絹特予蠲免十三日詔滁州合發

上供錢物斛斗並依楚州已得指揮再展免一年七月二十九日戶部

言建康府民戶所欠官錢六萬餘貫委實貧乏無可催理欲下總領淮西

江東軍馬錢糧所取見詣寔即送本所相度蠲免施行從之 十月十四日知臨安府沈誥言兩淮之地昨緣蹂躪荒棄田疇近年以來雖歸復獲眾墾植漸廣望詔有司更令寬展起稅之限以示安輯之意上曰財賦須知取予之道若知取之為取不知予之為取非久遠之利也淮南之民若盡歸業則其利甚廣所請宜令戶部看詳以聞 十七年七月八日太府少卿趙不弁以前任總領四川錢糧職事引見進對上謂秦檜等曰趙不弁必深知四川財賦今調度給足凡自軍興以來應干科敷並可蠲罷朕所以休兵講好蓋為蘇息民力耳如其不然殊失本意 九月八日四川宣撫總領兩司言欲准詔取索承平時常賦及軍兵後權宜增並案召數目措置將餘在錢引總計二百八十五萬八百三道恭酌民間科敷諸司虛額等錢欲對行減免從之 十八年四月七日詔荆湖北路州軍合起納舊稅並予展免一年以本路運司有請故也 十二月二十三日戶部言諸路運司將災傷五分去處第四等第五等十四年至十六年分合納拖欠租稅除形勢外並予除放十七年分權予倚閣候豐熟隨科帶納如違當職官重行黜責從之 十九年正月五日詔紹興府紹興十八年分未納稅租依已降指揮權^{與傳}便閣候將來豐熟日隨科帶納 五月一日

尚書省言汀漳泉三州有曾經革賊作過去廩人戶歸業之初未能盡行耕種乞據目今見耕種頃畝收納二稅其未耕種田段權行倚閭并有倚山臨海不曾遷徙之人已前盜賊經由拖欠稅賦致有違慢罪犯亦乞並予赦免從之 二十年五月十八日前知汀州張昌言已將本州上杭武平縣從前殘破縣分乞特與蠲免上供錢糧一二年其清流連城縣殘破稍輕乞量與減免詔汀州上杭武平兩縣係殘破縣分今年上供銀錢各與減免一半連城清流兩縣殘破稍輕三分中各與減一半 二十一年正月十一日上曰知廬州吳達奏到任五事內一事淮南復業民戶宜寬恤涵養未可遽理租賦赴上供可令戶部措置寬展予免年限 三月十六日戶部言浙江荆湖等路紹興十一年至十七年前項未起拖欠名色錢物等除形勢及監司州縣公吏鄉司并第二等以上有力之家未納數外其餘皆係積年登帶無可催理案召今欲並行蠲放合州軍日下銷落簿籍委監司檢察施行從之 五月十三日權知劍州湯沂言本州民戶有稅草添收腳錢并川路有米估腳錢欲望並賜除放于是戶部言欲下四川總領所本路消司看詳措置申尚書省從之 二十二年十二月二十三日總領四川財賦軍馬錢糧所言四川諸路拖欠短少紹興十七年

以前年分未起折估糧本水脚馬料激犒軍器物料等都計錢引一百二十九萬四千二百餘道米九萬八千七百餘石絹四千九百四十餘疋大錢五千九百餘匹徵乞盡蠲免從之 二十三年五月十四日上諭輔臣曰近有人上書理會之家舉債知還本已足可盡除放已委有司者詳若止還本一例除放則上戶不肯放債反為細民之害可令予細措置 七月二日温州布衣萬春上言乞將民間有利債負還恩與未還息及本與水及本者並與除放於是戶部言坊廓鄉村貧民下戶遇有缺乏全藉借貸以濟食用今來若一概並予除放深恐豪右之家日後不可生放細民缺乏兼諸路民間私債還利還本者已節次放至紹興十七年今若不計量所欠本利放免又恐細民力微苦于理索今欲下諸路轉運司行下所部州縣將民間所欠私債還利還本者並予條依除放仍委自本司常切覈察如有違戾去處即仰按治施行從之 五日戶部言欲下轉運司將平江府湖州秀州寔被水貧乏下戶未納夏稅並權住催理候將來秋成且却今依舊輸納從之 二十四年八月五日權知吉州鄭作肅言本州未起黃河竹索物料價錢及日後合起之數乞賜蠲除從之 十月三日三省言諸路州軍歲豐契間有高田旱傷去處上曰可令依條檢放公私

欠債仍住催理其係官年歲深遠者委戶部開具取旨除放 二十五年
七月十一日奉執進呈戶部言准都省批下四川安撫制置使符行中四
川總領湯允恭戶部負外郎鍾世明中准尚書省札子奉聖旨息兵專以
為民四川州縣雖屢降指揮減免錢物以寬民力尚恐措置未盡可共體
措置務在不妨軍食可以裕民事條具取旨行中等契勘每歲取撥錢引
二項總計五百九十餘萬道總領所歲支外剩錢七十三萬道取撥茶馬
司歲剩錢二十三萬四千餘道又總領所米入帳稱提等錢二百九十餘
萬道減免民間科敷等三項總計二百一十三萬餘道又減放科取州縣
贖軍無案名錢七十四萬三千餘道歲實減放鹽酒務增額錢三萬道添
湊利州雜買米錢五十七萬餘道并乞除放十九年至二十三年州縣拖
欠折估糧本及未起繳糧六分水脚等錢共二百九十二萬餘道其所減
數目乞錄板曉示如將已減錢物却行催理許人戶越訴監司不檢察令
制置司總領所按劾本部欲並依所乞施行上曰可並依所請仍行諸司
常切遵守不得因而科敷騷擾 二十六年正月二十六日三省言戶部
供具到諸路拖欠紹興二十一年二十二年錢物欲行除放上曰若只倚
閬州縣實緣為奸又復徇理不免于擾須更與除放 二十七日尚書省

言近路州軍每年認蒸黃河竹索錢過年拖欠數多故行蠲免洪之三月十七日刑部尚書蕭維祥定一司教令蕭維和臨安府韓仲通言臨安府民間地土占充官用者其隨地產稅賦和買等乞行除放從之四月二十三日淮南路計度轉運副使蔣燦言淮南之民累奉詔令放免稅役而有司不能優恤復根括人戶侵耕田土重立罪賞許人戶陳告無出納租課皆不酌實全不遵用放免稅指揮重困民戶今欲將所行侵耕出租並與免放三年六料催科從之五月十六日詔楚州盱眙軍依已降指揮並予放稅十年以逭歲民戶未全歸業也七月十七日詔令諸路總領所轉運司取會管下州軍民間地土占充官司營寨及官中房廩其隨地產稅和買並予除免仍開具已除放數以聞十九日戶部尚書蕭維和臨安府韓仲通言民間欠私逋負乞依欠官物已得指揮限給與二十二年以前乞並行除放從之八月二十日詔建康府見拖欠內庫給與二年至十年納一十一萬餘足折納錢一百二十四萬餘貫給與十一年至二十年納九萬七千四百六十足折納錢一百九萬三千一百餘貫並予蠲免以帥臣張燾言累政以來積年拖欠歲久無所從出也十月二十六日荆湖南路轉運判官李邦猷言本路郴道永州桂陽軍衡州茶

陵縣管催人戶對丁米自米係椿元年額上供之數昨因羅長康奏得旨
並予除免欲望許於本路年額上供內依數除額遞之 十一月十九日
直秘閣兩浙路轉運判官李邦獻言欲乞將潭州城內空閑地段及已耕
成菜園麥地並許土著流寓官戶百姓之家經官指占興造舍屋其地租
屋稅并元業應干稅賦和買並特予蠲免數年詔令劉琦措置施行 二
十七年正月二十四日潼川府路轉運判官王之望乞減四川上供之半
以裕民上諭輔臣曰前日令四川措置裕民事尚未見條具到莫湏見得
四川每年出入之數常賦幾何橫斂幾何軍儲所需與無召之費多少若
去費以免橫斂何有不可朕不息減省以裕民為儲司措置未見定議遽
先如此萬一缺乏何以善後之望有愛民之志但臨事不審詳遂率尔有
請湯思退曰四川財賦如聖訓可催蕭振等疾速條具上曰甚善 三月
二十四日上嘗謂輔臣曰前日所以下有司有詳正故知向後共食無缺
使民被寔惠若無以善後恐又別有更改非所以裕民初講究利害想四
川之民日望減免今此指揮下足以慰其心矣 三月二十四日成都潼
川府夔州利州路安撫制置使司兼知成都軍府事蕭振等奏承准已降
指揮並手詔四川驍軍財賦及民間利害令蕭振湯允恭李潤詳戶王之

望公共相度制置條具以聞臣等今同共相度擬定到減放錢物并取撥對石色數目條具如後一總領所奏具到宣撫司撥歸成都興元府利州果洋州大安軍河池軍須回易等場拘收使錢引五十一萬一千二百六十伍道四百一十九文金四兩三錢一字皆係貧乏逃亡事故無可追理之數乞蠲放施行一脩成西和鳳翔等州屬縣人戶各有舊宣撫司并陝西運使自紹興五年營田每年夏秋兩租課經今二十餘年官牛節次倒死所有租課依舊催理乞將諸州舊欠并以後年分半租斛斗並行除放又奏欲減免民間科敷每歲計錢引一百二十六萬三千五百六十四道對糴未見理一十六萬九千三百石今欲盡行除放其上件米價不等計錢引九十一萬八千九百五十道內正色米四萬六千二百餘石係應付綿渠州潼川府屯駐將兵今既放令成都府路轉運司抱認除充買運州係省稅斛就用應付外餘數亦從逐路運司糴支遣所有合發買充買省司稅斛及糴買價錢依今來估錢高價從總領所支降內成都府路每石五道四分潼川府路每石五道半比微利路諸州依例立為受價撥運逐逐路轉運司任責措支充糴應付支遣成都府路轉運司合起三路綱時零銷估錢內成都府每石理見錢引九道半潼州府路每石理見錢引九

道比市價高大欲每匹減錢引一道計二十八萬一千九百二十三道而有減外見存估錢係時零數人戶各送納欲立定每尺每寸錢引分數以錢引市價納見錢算庶幾民間通曉免有科之弊成都府路止一十五萬五百餘足今欲每匹理錢引八道半每匹四丈二尺若納見錢即隨錢引市價折納謂如街市錢引市價每道見錢八百五十文其絹每尺合納見錢一百七十二文每寸納一十七文二分之類潼川府路一十三萬一千三百餘足今欲每尺理錢引八道每尺四丈二尺每尺一百九十文五分若納見錢即隨錢引市價折納謂如錢引市價每道見錢八百五十文其絹每尺合納見錢一百六十二文每寸見錢一十六文二分之類夔州路激賞絹見理九千八十餘足欲依理州路激賞絹體例除放約計錢引四萬五千四百二十七道已上三項已自二十七年秋科為始減放詔並依仍今奉士院降詔成都府州縣監司不得更巧作名目妄有科擾于民時上諭輔臣曰前日所以下帶司看詳正欲知向後兵食無缺使民被寒寒若無以善後恐又別有更次非所以裕民講究利害想四川之民日望減免今此指揮下足以慰其心矣二十五日詔已降指揮四川路減免民間科數對羅未數等錢物以寬民力尚慮監司不能宣布總督使民通知

州縣尚敢將已減免除放之數巧作名目妄有科患致寔德不能及民可
令李士阮降詔戒飭 八月二十三日詔襄陽府要置縣光州荆南隨州
自紹興十四年至二十七年合起上供內藏庫緡絹并折絹等錢緡戶
口未復難以催發可予蠲免 二十四日知樞密院事湯鵬舉言昨日伏
見特降指揮蠲免襄陽府等處每年合起上供內藏庫緡絹等錢極愁沿邊
遠方之民上謂輔臣曰淮上諸州戶口未復州郡缺之自紹興十四年至
今有未納緡絹想見民力不易若不予除放亦則虛掛欠數州郡不佳催
督公人緣此已免民愈受與遂將累年積欠盡行蠲免臣鵬奉曰聖恩寬
大遠民不勝受賜 九月十六日宰臣范諤等言昨日蒙宣諭淮東西東
西湖北州郡逋欠內藏庫自紹興十四年至二十七年合發納上供錢絹
等物款並予蠲免仰見陛下恭儉節用施惠德于民蠲內帑之財數百萬
緡以寬邊郡民力天下幸甚先是內中上諭宰執等曰昔唐元宗有云吾
雖瘠天下肥矣大我王言此所以致開元之治也朕深有取焉朕約于奉
己內帑未嘗妄費一金邊郡所欠國多然戶口未復供輸寔難遂有是詔
九月十七日中書省門下言兩浙諸州紹興二十三年至二十五年接額
錢拖欠最多詔與減放一半 十一月八日宰執言兩浙運司具到浙西

諸州檢放苗米數如平江常州秀州所收皆不及分上曰聞諸處糯米價
極廉想災傷亦不至甚湯思退等奏曰臣等所聞正如聖訓 二十八年
正月十一日詔滁州紹興二十八年合發上供錢更予展免一年 二十
一日准戶部侍郎黃頌權諸路鑄錢崇憲言廣南認發黃河紅藤錢雖
錢數不多切慮無所發出詔自二十八年為始權免起發 三月三日成
都府路轉運司幹辦公事西方言伏見去年聖旨減放指揮內依蕭振等
所乞請令條具未盡事理臣輒補其未盡仰冀聖聽伏覩累次裕民有減
額有放欠如紹興二十五年減額二百九十二萬緡有奇放二百九十二
萬緡有奇是也昨蕭振所奏惟減額而已未及放欠也切緣蜀中州縣已
前多有虛額積年仰免以至今日遂成漏底方其始也借寔補虛及其久
也寔者為虛是以為蜀之民今已優游為蜀之官尚復窘急通融起錢自
及一年之額登帶租入空存眾獎之原官民一體理公無恤欲乞聖慈許
令四川州縣自今年為首據寔理賠軍錢物見充當年分本案名起發今
年以前人戶寔逋欠限催發外餘官司虛欠特賜蠲放帶起舊錢則所謂
損之而益盡焚虛券則所謂惠而不費譬如決根去草一切淨治矣詔令
戶部看詳今部言欲下四川總領所移文逐路轉運司從長相度候遵司

申到本司指定可否保明候申朝廷降下本部重別恭照施行從之
十四日前知郴州江瀾言郴州承馬氏餘孽丁輸米民間病之昨嘗奏陳即
蒙賜教而戶部歲額未除欲望下戶部將湖南一路上供米據數開落從
之 七月九日戶部言四川鹽酒場務未減額以前拖欠折估雜本人水
脚雜收場店二分等錢已係四川總領並諸路而通審定即無侵欺盜用
已行除放從之 九月二十四日上諭輔臣曰兩浙路被水災傷縣分其
第四等以下人已降指揮將積欠稅苗推行倚閣候豐稔年分補發尚慮
細民無力可償徒掛簿書當議特予除放卿等可使取見詣寔如于戶部
歲計有妨當從內帑支降錢物以補其數 二十七日三省言平江府紹
興府湖州諸縣除被水下戶逐年積欠擬令戶部開具無侵扣歲計
上曰不須如此至今具數便于庫內支降撥還朕平時無妄費內庫所積
正欲賒水旱不本是民間錢却為民間用何所惜于是下詔平江府紹興
府湖州諸縣災傷所有已前積欠稅賦並予除放令逐縣限五日開具合
除數目申州覆寔申轉運司本司保明申戶部候到令本部具數奏請于
御前支降撥還具人戶私債并欠坊場酒錢並候三年外理還如官同商
販違索搔擾令監司自覓察具名聞奏仍許越訴既而十一月一日詔內

藏庫降錢三萬九千六百一十貫七百四十二文付戶部充給吳平江府
湖州被水人戶合放上供物帛錢米數目價值 十月六日三省言近者
屬被蘇湖常三州被水下戶積欠二稅已稍內解錢補足大農歲計以寬
民力昨日又有指揮大祀金銀錢帛減半供進恐錫香之間或不足用上
曰大祀支費朕先半年裁為定額無分毫溢予比前郊減一半 十二月
二十二日中書門下三省奏給吳平江府湖州被水災傷田畝雖已檢放
并趙子璠富實添放理且又加優恤詔予已放分數各予添放一分 二
十六日詔訪聞太平州今秋亦有被水災傷田畝可將第四等以下已經
賑濟人戶今年以前積欠稅賦并予除放 二十九年正月二十八日有
詔諸路沙田蘆場已立定租課緣去秋有風水損傷去歲其二十八年租
課予減一半 二月二十四日上嘗諭輔臣曰江西道路間聞有數人為
群剽掠王綸曰臣竊意止是艱食之人不得已而為之未必皆爾聚之徒
正賴州縣安集之不上曰朕自去冬凡災傷去歲悉令賑濟及蠲放積欠
已及二十五年矣此又將二十六年二十七年者悉蠲之不知州縣奉行
如何輕徭薄賦自無盜賊 三月十四日詔已降赦又諸路州縣民戶積
欠租稅等並已赦免至二十五年終州縣尚敢依前催理官史作弊以資

要用令監司覓察違戾去廢當職官吏按劾聞奏重行決責入吏斷配許
人戶經赴臺有越訴 十八日詔宣懷將州軍兵糧軍內藏庫天中節大
禮稍各展光三年 二十二日上以赦免諸路積欠諭輔臣曰輕徭薄賦
所以恩盜賊之水旱所不能免倘不務寬恤而惟催科是聞有司又從而
加之以刑罰豈使民不為盜之意哉治天下當以愛民為本因降詔曰諸
路人戶積年逋欠昨降令祀赦文已赦免至二十五年終朕念貧民下戶
艱于輸納官司催理極擾有失忠養之意可將二十六年二十七年分率
四等以下人戶逋欠夏秋歲租和買丁產諸色官物並予除放州縣官吏
且休朕意不得依前巧作名目暗行催理如有違戾許被催之家越訴監
司按劾以聞當重賞典憲仍多出榜文通行曉諭 二十一日詔諸州縣
二十七年前花欠銀三百九十七萬五百張係人戶苗稅上科折切處
催驅擾可並予蠲放 二十四日左司諫何溥言平江紹興府湖州諸
縣被風水已經賑濟除放訪聞有未賑濟之前流移者及至歸業而官司
拘于已經賑濟之文不予除放聞浙西諸郡例被災傷蘇湖為重而常潤
次之其間縣分亦各不若今蘇湖四等以下一切蠲免而常潤夫子中陳
止從減放乞將常潤被水四等以下人戶去年稅物未納者特予除放而

蘇湖紹興下戶不拘已未曾經賑濟所有公私逋負一寄蠲免詔戶部限
三日看詳于是本部言欲將紹興常州鎮江府災被水第四等以下人戶并
湖州平江府紹興府下戶未經賑濟之前已自流寓未曾除放之人下轉
運司委官究見詣寔並依紹興二十八年九月二十七日指揮施行 四
月一日詔信陽軍夏秋二稅更予展免一年 八日詔時貽軍身役錢廩
禁軍秋額請受經總制錢諸司案名提序司量添踏糟水五分錢各予再
展免一年 五月四日中書門下言乞降詔旨放免諸路人戶逋欠夏
秋稅和買丁產諸色官物訪聞有州縣復行催理詔令諸路監司嚴責州
縣遵守施行如監司夫子覓察當重行黜責 九月知廬州主管淮西兵
撫司公事劉剛言本州并濠州安豐軍各合起發天中節銀五百兩其
運州軍財賦不足切慮至期無可起發詔各予展免三年 七月十八日
漢陽軍言民力未蘇所入徵薄乞蠲免今年并以後年分合椿發上供錢
上增添二分錢詔予免一半 二十五日權兩浙轉運副使湯沂言乞詔
路州郡將管下應干官欠查數條具以啟看詳指定合催合放事理不得
漏落保明申請司監司疾速審寔中乞除放仍乞嚴立日限以防慢令詔
從之既而戶部言諸路未起諸色錢未并拖欠上供米斛並鈔錢依已降

赦文止赦免至紹興二十五年終所有民戶積欠稅租并公私債如納息
過本亦已赦免至二十五年終續承今年三月二十一日手詔係將二十
六年分第四等以下人戶違欠夏秋稅租和買丁產諸色官色並與除放
今欲乞主赦文手詔依今來所請事理遍牒施行限三月回報之 八月
八日殿中侍御史汪澈言徽州客人陳恭等越臺陳訴拘收桐解木植解
場人吏與保稅人通同乞受錢物遂致虧收上件木植復均在客人名下
追取而徽州休寧婺源祁門黟縣嚴州分水淳安共七縣諸管貧民皆于
山谷伏望特予蠲放從之 九月十六日詔兩浙江東西去歲水潦賑貸
去歲在法合于今秋成穀之後具數還官可特行蠲免浙東江東西近日
以雨澤少愆廩生螟螣委監司守郡体訪如寔有損稻去歲量行減放今
年租稅 二十一日廬州言本州諸司經總無額上供錢物斛斗激賞額
于廩禁軍鋪兵缺額坊場等錢物增添稅錢係是枉違民力因契若自奉
年林耕委是難以支合欲望更予寬展年限詔更展免一年 十二月二
十三日荊州言乞將本州合起發上供錢物斛斗廩禁軍缺額請受增減
三五分商稅錢存留三分經總制無額錢物料役等免展免二稅年限收
椿起發詔更予免一年 三十年二月三十日滁州言本州上供錢等乞

依准楚盱眙等州軍吏賜寬展年限詔更予展免一年 八月三日詔臨
安於潛兩縣被水居民漂溺生之具皆盡者二百六十六戶准此橫穴
深可憫恤可予各免應戶應丁苗稅科敷及丁身錢等甚者與免四料其
次免三料餘免兩料 九月十二日詔臨安于潛兩縣被水衝注成溪去
歲稅物並行倚閣從之吏知府事余瑞禮之請也 紹興三十一年三月
七日詔准南京西路戶口全未復舊內有已起二稅外其巧作名色科敷
並蠲除所有上供并諸司錢物已降指揮展免去歲候限滿更予展免五
年州縣官吏差輒差夫私役當重寘典憲仍出榜曉諭如更有寬恤未盡
事件仰監司守臣條具以聞 四月三日黃州言乞將減下人吏頭錢健
將招收戶口增募日依應均敷起發施行詔依已降指揮更予展免三年
三十日安豐軍言本軍起發紹興三十一年分大札銀絹各二百疋兩內
願已蒙展免其合發銀亦乞展免施行從之 五月十二日信陽軍言乞
依蔣州例寬展年限起理稅戶部言欲下荆湖北路轉運司契勘委實
未可起理即予展免一年起理從之 七月七日權兩浙路轉運副使林
安宅言平江府昆山縣民田被水災傷人戶訴本府檢放不盡再批照有
限外有未納苗米一萬五千餘石及委吳江縣主簿吳博古休究據申本

縣以街巷之間祇繫乞丐者十數或即皆是被水見監納苗米之人弱者
日被蕪楚囚繫以至飢餓無告而強者訴上司問其被水之年其所以從來
甚久恭照累年多寡之數更合放苗米一萬二百四十六石四斗七升八
合契勘知縣滿松年會諤不職因恤民事已行對移伏望特許除免詔時
予除免 二十六日知高郵軍呂令問言高郵縣稅戶訴霖雨連綿衝決
隄岸已將人戶殘零積欠并今夏折帛當限稅從酒店官錢權行蠲免從
之 二十九日淮南路轉運司言高郵軍係創復之初所入財賦不多已
將合發上供錢物斛斗權行蠲免詔權免來年起發 八月七日詔淮南
東西路京西路州縣湖北荆南德安府復州漢陽荊門信陽軍民力凋瘵
未復可將已起稅州縣人戶合納今年秋料稅租並予放免一半合納之
數仍令州縣盡時銷注簿籍如輒敢妄作名色催理仰監司按劾施行
十一月一日臣僚言淮甸州縣自紹興二十一年起理二稅之外其間
年創行科數名色不一曰上供錢曰大祀銀錢曰天中節銀錢曰土貢銀
錢曰人使歲費錢曰亭館錢曰住船庫費錢曰貼撥錢其他苛細科擾不
可具陳乞行蠲除詔令戶部檢坐節次已降指揮中履行下更不得催理
仍令漕司出榜曉示 三十二年二月十三日臣僚言比年以來兩差官

二月庚辰
三月否則
衍文

檢視往往不公心盡為減放謂如平江府長洲縣去年民戶中訴傷秋苗
一萬四百餘石檢視官觀望州縣止放四千餘石其餘悉復元額百姓虛
抱其數至今連催民寔苦之欲望付之有司將平江府長洲縣虛復過水
苗委官覆寔悉賜除放從之 二月十五日知建康府上元縣李闢之言
本縣所管金陵鍾山慈仁三鄉實鄰大江自紹興二十八年緣風潮積雨
及江岸塌落田疇化為水面連年既無所收而二稅虛掛板籍催科稍急
欲望三鄉二稅和買等並予除放詔令戶部看詳戶部言欲下江東漕司
取見三鄉人戶寔被塌江無田去歲即照應前項見行條法施行如內有
雖經江湖而產見存不碍耕種即合催舊催納稅賦由今因而影帶走失
官物仍開具三鄉寔被塌江及見存田產人戶姓名坐落及角立項保明
供申從之 四月二日臣寮言揚州向因屯駐部宏洲人馬缺乏錢糧本
州以和買為名科歛民間錢而部宏洲人馬以起離本州竊慮和買因仍
未除望賜蠲免詔令戶部看詳以聞 三日詔免光州紹興三十二年合
起進奉天中節銀絹一年 七日准淮南轉運提刑司言淮東州軍進回
賊馬蹂踐其州軍年額上供錢物斛斗并天中節銀絹等乞自今年蠲免
為始於是戶部言欲將楊真泰海楚州高郵軍合進奉天中聖節銀與免

一年滁楚州盱眙軍上供錢斛斗已降詔旨展免五年上供錢高郵軍在真州欲免二年揚州欲免一年上供斛斗泰州已免一年揚真州高郵軍及一分米麥各欲與展免一年并欲將揚滁州高郵軍逋已盱眙軍無額錢各予免一年從之 十八日安豐軍言近因兵馬蹂踐人民未蘇所有常平司錢乞寬免展年限詔展免一年 十九日詔淮南東路安撫司言逆虜侵犯真滁揚泰楚州盱眙軍高郵軍所有諸州軍認椿楊麻價錢并減下人吏雇錢上下半年外任官供給錢常平粟名軍部代軍典錢府恐難以椿辦詔特予並免一年 五月一日臣寮言沿江州郡去年因北騎侵犯兩淮措置守禦逆予屬縣人戶名下科差丁夫車踏戰船理釘木塞門撥運河般載糧草望降詔旨將沿江州軍五等八戶見欠結與三十一以前官私債負並予倚闕候至秋穀催索保正副被官司違法勒令認納租課有未納數目不以多少並予除放戶長所催稅物中到逃絕人數並令取見詣實盡行豁除不得勒令陪代送湖州縣修造工役有妨農務並行住罷仍委監司常切覈察如有違戾去處按按施行詔令戶部看詳中尚書省 同日中書門下省奏新除翰林李士知制誥洪遵言切見平江府管下崑山縣苗米六千五百石有時頃緣經界逃民隱戶之田皆廢

以為數伏望特賜減免詔特予減免

○奉聖皇帝○

壽聖皇帝

未改元六月十三日登極赦官司債負其間有積年未納之人房債租賦和買役錢及坊場河渡等錢截止紹興三十年以前並予除放日後不得再有違欠官司別立名額仍錢追納者許人戶越訴官吏並當論罪既而殿中侍御史張震言恭觀登極赦文官司債負積年未納之人房債租賦和買役錢及坊場河渡等錢截自紹興三十年以前並予除放臣竊見四川州縣自軍興之初趙開總計合諸路之賦而自幹旋之有餘不足得以相乘而民不告病其後諸路漕司各認定歲額而總領所特總其大計于是有名無實之錢連相積壓以至于今民力未竭而虛額不除朝廷雖遣使命俾諸路計臣蠲減以裕民而終未能盡去也近年以來督責之令既少寬矣顧其名猶有存者蓋州縣各據本年分所收錢物具鈔赴總領所送納而總領所即據其以前年分所欠之數批改鈔旁作理舊欠彼州縣既竭其所有以充本年之數安得更有額外償積欠乎則舊欠乎足而新欠仍在也所以累經命令放債積欠而州縣並不需被忠澤者蓋緣新錢既已補舊當放者不能免而見存者不當放實害不去虛名徒存故也欲望行下四川總領所制置司取見州縣紹興三十年已前官司欠自並

與除放其州縣撥納總領所鈔券若以改批作三十年以前所欠並聽執
用元鈔作本平分改正竊除外有三十二年寬欠即令還焚帶
納如此則于民間一洗積欠而總領司歲計自依通年之數寔無所損不
遇除其名而已此利澤之大者也詔令戶部行下四川總領所并制置司
遵依今來赦條施行從之 二十五日詔淮東公邊州縣所納課子蠲放
二年 七月二十二日判建康府事一措置兩淮張浚奏兩淮先經殘破
流移人戶漸次歸業所有稅課已展免二年今和州見拘催課子乞予蠲
免從之 十月二十一日詔諸路紹興三十年以前民間未納及拖欠諸
色窠名錢物未斛並予除放仰州縣日下銷落簿籍 十一月十九日詔
楊存中所獻酒坊餘欠錢四十餘萬貫並予除放 二十五日詔福建路
自紹興三十年以前寺觀認納債剩積欠並予除放 十二月十二日詔
江東州軍造三茅甲葉子拋買生黃牛皮羊皮各一萬張以三分為率減
免一分 同日中書舍人充江淮東西路宣撫判官兼權知建府陳俊卿
言建康府歲額合起內藏庫上供絹一十萬五百一尺內一半本色一半
折納見錢數內椿閱絹一萬三千八百餘匹無從催理本府每歲取撥絹
半息錢四萬貫換領起發所有今年分納半息錢應付修造行宮及修添

府城支用委是無可取撥又不取料歛于民乞賜蠲免從之 壽皇聖帝
隆興元年正月七日詔安豐軍紹興三十一年分未曾起發進奉天中節
絹五百匹及大札絹二千匹並予蠲免 二十六日詔鄂州紹興三十二
年并以後年分合增添二分上供錢三千九百十四貫特予蠲免 二月
十六日詔蘄州紹興三十一年未起下限上供錢一萬六千二百六十五
貫免行起發三月十三日詔民間有利息債負可截自紹興二十八年以
後如已出息過本謂如元錢一貫已還二貫已上者並行除放其息未及
本者許逐月登帶入還若轉利為本錢止分限交還本錢 二十一日詔
泰州合進奉天中聖節絹一百六十七匹年額絹一百六十七匹予蠲免
一年 四月二十六日詔光化軍紹興三十一年分上供錢三百六十八貫
支特予蠲免 五月十日詔楚真州并淮南轉運司進奉天中節銀子
權兒一年 十五日詔真州認橋轉運司進奉銀絹等價錢減下人吏
雇錢供給錢吏祿錢並予蠲免一年 六月二十五日詔信陽軍隆興
元年進奉天中節銀一百兩絹二百疋予蠲免一年 二十六日詔二廣
比年科數買賣藥薪度牒并中葉等見今起廢之數盡行蠲免 八月
十七日詔淮南州縣曾被紹興三十一年賊馬殘破去歲昨降德音展免

二年稅課并有不經賦馬縣分撮取課子亦免納四分並各至末年起催
尚慮民力未甦更與展免二年 九月二十五日潮州烏程等六縣將
具三十一年第四等以下戶見欠苗稅特予免放 同日詔災傷之田既
放苗稅所有私租亦合依例放免若田主依前催理許租戶越訴 十月
十二日詔楊州催發內藏庫隆興元年分年額坊場錢與蠲免一年 十
二月二十四日詔廣西合起牛羊皮軍器物料并廣東路木起發牛羊皮
並予蠲免 二年正月九日詔廣西路于權場賣引錢內每歲特予蠲免
一十五萬貫今本漕司應付缺乏州郡二年 二月十六日詔秀州去歲
被水災傷人戶拖欠給與三十一年以前苗稅特予放免 三月十七日
詔秦州上供芋錢三分蠲免一分 同日詔楊州上供進奉諸色物錢予
免一年 四月七日德音應高麻雷客州遂州縣近緣盜賊竊掠民力不
易可特教免今年夏秋二稅官司不得妄行催理如違犯按劾以聞仍許
人戶越訴 同日德音高麻雷客州民間拖欠諸色案名錢物米斛可接
續放至隆興元年終 二十九日詔滁州合起今年經總制無額錢并隆
興二年分合發進奉天中聖節銀絹並與免一年 五月四日詔無為軍
合起隆興二年上供錢物斛斗經總錢物及諸司案名錢物予免一年

十七日詔吉州入縣第四第五等戶未納紹興三十一年三十二年夏
秋二稅隆興元年夏料役錢殘家稅物特予蠲免 六月一日詔淮東西
商旅所販貨物依立定省則例並與減半收稅如係歸正人與販特予全
免三年 十五日詔諸路歸正僧道免丁錢並放免 二十九日詔淮南
西路科買朴硝并牛皮等物及應干科數并予蠲免 七月二十五日詔
揚泰楚滁州盱眙高郵軍合橋隆興二年分內藏庫歲頒坊場錢並予
蠲免一年 二十九日詔行在排岸司見監係官綱欠米斛戶欠十石以
上人日下蠲放其三十石以上人司農寺各責保知在出外填納 九月
四日詔臨安府見寄禁少欠米料綱稱何元等一百六十七人可將欠五
十石以上之人令戶部押下元裝發州軍補糧欠五十石以下人並予蠲
放 十月五日詔楊州認橋轉運司隆興二年天中節銀絹予免一年
二十八日詔漢陽荆門信陽軍襄陽府安復隨郢州人戶應水陸般運去
歲今年秋稅更予放免一半其已納者即予理為明年合納之數 十一
月十五日詔光化軍合納隆興三年分內藏庫天中節銀一百兩折納銀
七十五兩予免一年 十二月四日詔黃州隆興二年夏限上供錢特予
蠲免 十六日德音楚豫漢唐光州盱眙光化軍管內并揚成西和州襄

陽德安府信陽高郵軍人戶合納稅賦除見赦免年限外并房錢白地錢
予展放二年其日前積欠稅賦並予除放 同日德音楚淦淩盧光州
昭化軍管內并楊成西和州襄陽德安府信陽高郵軍應日前係官及
常平司諸色借貸欠負錢物一切並特予蠲放其人戶承買坊場河渡稅
欠淨利課利亦予除放見承買人令提本司相度量予蠲減并民間私下
欠負權行倚圖並陵及三年依舊 同日德音楚淦淩光州盱眙昭化軍
管內并成西和州襄陽德安府信陽高郵軍逐州軍招填廂禁軍秋餉請
給錢物內已有指揮免起年限竊慮未能核辦可更予赦免二年 乾道
元年正月一日南郊赦雨浙江東西湖南北福建路合造發上供歲額軍
器物料甲葉并泛拖軍器物料可自紹興三十二年以前拖欠未起之數
並予蠲免肉湖南北路每年合造弓射克敵弓箭已免至紹興二十五年
終可更予蠲免三年 同日赦溫明秀賴吉州各有造打年額糧船并真
州小料舡積年登帶拖欠數多若令補造慮致擾擾可將逐州紹興三十
二年以前未造舟舡並予赦免 二年十一月二日南郊赦放至乾道元
年六年十一月六日南郊赦放至乾道三年九年十一月九日南郊赦放
至乾道六年 同日赦諸路州軍般發米斛緣有折欠將管解人并

有脫文

梢等送所屬陽填訪聞其間有貧乏之人無力償納監繫日久可將見欠五十石以下人並予蠲放其欠五十石以上人除蠲免五十石外其餘所欠數目行在委戶部外路委總領官取見指寔先次批發押下元裝滕州軍依數補羅既而兩浙路計度轉運副使方濟言竊見赦書諸路蠲梢折欠間有貧乏之人監繫日久將見欠五十石以下人並予蠲放五十石以上人蠲免五十石而官司往往執文以害意必日久與貧乏始有縱釋之限其間僥倖脫免者未必非真有力之人而貧乏係累者迄未獲全有甚失主聖惻怛之本意乞下諸路官司將該遇赦恩網稍見欠五十石以下之人不限遠近日數并與蠲免其餘欠折五十石以上之人限六年九年赦書並同此制 同日赦應欠負官物元非侵欺盜用及雖侵盜而本家并干繫保人內無抵當財產償納或官司失於催理該行差違見行均認并因水火損敗若被盜及網羅拋失各無欺弊見剋折侵受或坑場因苗脈不獲及不顯便欺係欠課利見行催理或冒佃官田與戶絕田產并欺隱稅租見理積欠等委是貧乏無可陽填已上並委本屬限一月保明中轉運常平司審實中戶部除放 同日赦應犯罪合追贓備贖并先以官錢代支而犯人委是貧乏無催理見行監錮于繫人名下均攤償納及

監司州縣一時增立賞錢日下追理未足者並特予蠲放三年六年九年
南郊赦並同此制 同日赦屬佃官田及戶絕田產限一月許令經官自
陳其欺隱過稅租並予除放三年六年九年南郊赦並同此制 同日赦
諸路州縣酒稅欠折坊場廢壞綱運沉失倉庫漏底注在簿籍委非侵道
并四川民戶拖欠布估水脚錢已放至紹興二十八年終竊慮以後年分
亦有積欠之數官司見行追理無所從出可將二十九年至三十二年終
拖欠之數並予除放三年十一月二日南郊赦放至隆興二年六年十一
月六日南郊赦放至乾道三年九年十一月九日南郊赦放至乾道六年
同日赦准浙鹽場亭戶虧欠鹽數已降赦文放至紹興二十九年可將紹
興三十二年已前拖欠未補數目今提奉鹽司取見如委寔不能補起並
予蠲放三年十一月二日南郊赦放至隆興二年六年十一月六日南郊
赦放至乾道二年九年十一月九日南郊赦放至乾道六年 同日赦州縣傷
災去歲第四等以下戶依法合借種食限一年免息送納切慮貧乏之人
限滿無可輸納可並予蠲放六年九年南郊赦並同此制 同日赦民間
欠負已除放至紹興二十八年終其二十八年至三十一年終民間欠負
率債如納息還本可並予除放應民間所欠官私房廩錢並予除放三年

十一月二日南郊赦放至隆興二年六月十一日六日南郊赦放至乾道三年九月十一日九日南郊赦放至乾道七年 同日赦軍州起發金銀物帛綱運內色額低次之類估利虧官錢數行下補發訪聞州縣監勒干榮人等及元賣鋪戶均攤貧乏之人不能償納理宜矜恤可將紹興三十二年以前未追數目如委是無可填納並予除放三年十一月二日南郊赦放至乾道元年六月十一日六日南郊赦放至乾道三年九月十一日九日南郊赦放至乾道六年 二十三日詔楚淦潭蘆光州盱眙光化軍管內并楊成西和州襄陽壽春府信陽府曾經殘破或經人馬侵擾者處應合起諸色粟石官錢並特予蠲免一年 二十五日詔泰州合納二分上供錢并進奉聖節銀絹折納價錢蠲放一年 二月二十四日詔朕以淫雨不止有傷蠶麥其浙東西路災傷去歲人戶合納乾道元年身丁錢銷臨吳紹興府湖南常州并與金兗一年溫台明處州鎮江府並各減放一半 三月九日詔楚真淦楊淦蘆光州壽春府盱眙光化軍各并入馬殘破或侵擾去歲所有合起除乾道元年進奉天中聖節內藏庫絹並予蠲放一半 十一日詔信陽軍乾道元年進奉天中聖節內藏庫絹並免一年 十七日詔真州六合縣人戶因需人侵擾燒劫殘破其合納

稅賦特予展免二年其人戶承買坊場河渡拖欠淨利亦予除放見承買人仍令提舉司量予蠲免五月二十三日詔臨安府內外有全家患瘋貧民令本府差官抄劄予放房錢一月毋致失定作孽同日詔蠲免盱眙軍營納船兵三十二年隆興元年隆興二年分內藏庫坊場錢各五百貫文二十四日詔四川州縣虛額錢令制置司總領所並行除放如有用度不足即將添造錢引數內通融取撥補用六月七日詔和州所催一半上供等錢并諸司窠名錢內庫錢物特免一年十五日詔蠲免光化軍乾道元年合發進奉天中節銀五百兩二十五日直隸鎮江府知府遣廣州林安宅言近者湖東兗冠奔衝本路北江則圍英州而詔建南雄管下皆遭蹂踐西江則圍封州德慶府而肇慶之會四廣州之懷集清遠亦被焚蕩其有經由殘破去歲乞依廣西例予免今年夏秋二稅所有諸州合應什輸運司供贍荆南及本路大兵錢糧并予蠲免詔依今年夏秋人戶已行送納即理充來年之數仍令尚書省給降黃榜曉諭人戶通知依前科撥許人戶越訴二十九日詔無為軍乾道二年分上供等錢物全免一年七月四日詔蠲免趙州合起諸色窠名錢一年十二日詔蠲免盧州乾道元年合起發進奉天中節銀五百兩十四日詔蠲免均

乾道六年七月
月吉條移
庚七月二十四
日前

乾道三年
月吉條移
庚八月二十四
前

州合發請色官錢一年 十九日詔已降沙田蘆場起稅所有和買並特
予免納 乾道八年七月七日臣寮言租佃沙田蘆場已減免一半計一
十六萬餘貫文 二十二日詔階成西和鳳州人戶會納租賦予免今年
夏秋兩料如內有已納人戶理免來年合納之數 同日詔近因湖南盜
賊竄發其曾姓殘被去慶州縣並予免今年夏稅如內有已納人戶理免
來年合納之數 八月十二日冊皇太子赦應州縣僧道見久隆興元年
二年免丁錢特予除放 十月十三日詔真州乾道元年合發上供經總
制等錢物特予免一年 十一月二十六日詔蠲免興化軍猶剩米一半
權知興化軍張允蹈言自建炎三年本軍秋稅除一年軍備外猶剩米二
萬四千四百五十八石七斗八合五勺供福州軍須其後逐年以為定例
常以二百五百石支發應付福州謂之猶剩米四十年間民間水旱官司
不復減損本軍苗賦有限歲入不及歲出連年上司指揮將猶剩米委本
軍轉賣或撥三寨就請無以應付已行蠲除故有是命乾道三年八月七
日興化軍人言前知軍張允蹈具中猶剩米因依雜家蠲減一年近年以
來歲罷場務并增壯城軍額及歸正等人士費數倍若令應付一年委是
官乏有旨特依所乞並予蠲免 十二月十五日宰執進呈立皇太子赦

內一項應為人曾孫如祖孫四世見在特予免本色役二稅諸般科敷
一年戶部申明欲每戶只於土五十貫文止上曰如何五十貫文止洪邁
奏曰為恐放免稍多戶部慮虧損歲計故欲立定止于五十貫爾上曰豈
可失信于人雖放免數多亦不奈何 乾道二年三月十八日戶部言樸
兩淮諸州軍言乞接續展免二稅緣兩淮有沿邊及近裏州軍并殘破輕
重去處難以一概放免一沿邊兩經殘破州軍欲更予展免乾道二年
起理二稅并接續放免上供諸色窠名錢物一年自乾道三年為始起理樸
撥盱眙軍楚滁州壽春府濠廬光州除上供并錢物已放免一年外合更
予展起理二稅一年一揚州高郵軍真州無為軍和州雖係近裏一經殘
破去處其隆興二年人馬亦曾侵犯管下及各曾屯駐兵馬更予展免起
理二稅一年及減一半上供諸色窠名錢物一泰州係一經殘破近裏州
縣除經總制等諸色錢物已經認發外有上供錢一萬四千貫文天中節
進奉銀五百兩去年以三分為率減免二分認發一分其米二千六百餘
石隆興二年以三分為率減免一分認發二分亦係同隆興二年冬兵火
驚擾去處竊慮難以全令認發一半及更予展免一年起理二稅至自乾
道三年為始起理從之 四月二十四日詔浙西招募佃客開墾園田應

日前借通糧食債與悉予除放 五月十三日詔許昭軍乾道三年并以
後年分上供諸司經總制無額等錢物予免一年 二十七日詔蠲免往
陽軍乾道元年分關官俸料錢四百貫 六月一日詔江陰軍緣累年災
傷除放稅已減放外其夏稅並依乾道元年數目特與除放 二十九日
詔無為軍乾道二年上供等錢物特全免一年 八月五日詔江陰軍元
一軍買臨安府和買細絹特與減一千五百匹却令臨安府該買先是建
炎間臨安府遭陳通之變本府奏請權將年額和買細絹於蘇湖常秀四
州寄買江陰時為蘇隸常州分認細絹四千餘匹至紹興十四年轉運司
將寄買細絹撥還臨安府認發而江陰獨失于陳理乾道二年八月知江
陰軍徐蒞言之故有是命 七日詔襄陽府應合起諸色官錢不以有無
拘礙蠲免一年 十三日詔光化軍襄陽府信陽軍等處合納二稅依已
降德音各展放二年所有均隨二州理合一体自乾道二年科 為始依
展免二年四料如已行送納理免將來合納之數 二十六日詔降指揮
兩浙江東臨州軍不已官戶富民管田一萬畝出糴米二千五百石兩浙
三十五萬四千三百餘石已納三十萬六千七百餘石未納四萬七千六
百餘石江東三萬四千四百八十餘石已納二萬三千二百三十餘石未

納一萬一千二百五十石以上未納未并予除放 十月九日詔饒州每歲進奉金一千兩特予減七百兩 同日詔將諸州軍外坊紹興三十一年至隆興元年拖欠酒錢並予除放 二十八日詔兩淮殘破州縣二稅已免至乾道二年終可更予放免一年 三十日詔隆興元年隆興二年分拍戶少欠未納酒錢特予蠲放 十一月二十二日成都府路轉運判官樊汝霖等言本司照得所理人戶白契稅錢係自紹興三十一年止限拘收至今首尾已經五周年其間官司或催或放或理或還以致文簿交錯民間疑惑其初本路一路共合理民間錢三百四十萬餘貫今未所餘三十七萬餘貫並係畸零殘欠乞權住催理有詔自今降指揮到日未理殘欠並予除放 二十六日詔淮東鹽司將今未未起寬剩鹽本錢三十萬貫物免椿費 十二月二十一日左司諫陳良祐進對因奏初見御筆有百姓既足君孰不足量入為出可不念哉之語此最為要道官吏與兵今取于民者已竭而養官吏與兵之費如益而不已國用安得不窮願陛下取見一歲賦入之數其取于民者已過則從而蠲之以寬民力取見所養官吏與兵之數其可省者從而省之上曰朕嘗有志于免和買及折帛等錢以寬民力但如今未暇良祐奏陛下言及此生靈之幸舊未都無此

等錢皆是軍興時科取及講和之後此等科目依舊不除今取民者竭矣
若制節國用今出入有度稍有蓄備即可行于陛下之志矣上曰因卿之
言當定經制 二十五日詔諸路州軍歲額弓甲物料均撥付三衛江上
諸軍等錢及軍器所送樵并歲額弓甲箭物料乾道二年以後合納之數
令工部行下諸州軍並予權行赦免 乾道三年正月一日詔臨安府每
歲認發三五分稅錢一十五萬貫餘今年本府應辦大札所用錢物浩漸
除通判廳認發八萬四千貫不減外所有本府歲發錢六萬貫予減免五
萬貫 十八日詔蠲免六分縣去冬遭火燒蕪廩倉米七百五十二石
二月三日臣寮言川秦茶馬兩司自紹興十九年至紹興三十二年諸州
縣侵用大催牌馬歲計并茶場國戶積欠虧額科息錢引見錢銀絹綿紬
布等兩司總計六十六萬四千九百餘貫係年深月遠官吏替移國戶委
是貧乏無可倍填欲望將紹興三十二年以前應有欠負茶馬司錢物並
與除放從之 十七日詔四川宣撫司本路諸監司將瀘叙州長寧軍日
後非泛科歛一切蠲免 四月十八日詔溫州永嘉平陽瑞安樂清四縣
遷移死絕人丁共一萬四千七百九十五丁無丁納絹三尺四寸共計一
千二百五十七匹二丈三尺並行銷入 六月七日宰執奏事之處上曰

湖秀趙三州雨水為害可諭守臣如氏聞訴添置予減放魏杞奏曰依條
自當減放更當諭以聖懷軫懷之意上曰三洲和糴宜與免放又曰江西
今年和糴未免一百萬石民力想少寬陳俊卿奏曰此陛下一念之及民
以致和氣況百萬石米民之受惠多矣 十二日詔潼川府利州夔州路
人戶白契稅錢共一十萬五千五百三十四文并行除放 二
十六日詔臨安府新城縣每年進際稅賦與減免一半 七月十四日詔
桂陽軍乾道元年未起發上供錢并乾道三年分天中節大祀土貢及上
供錢銀並以三分為率特予減免一分 閏七月二十三日詔蠲免柳州
道州桂陽軍拖人下乾道元年五月以後月椿錢六萬七千二百四十二
貫有奇以李金賊徒殘破故也 二十六日詔蠲免臨安府臨安縣五鄉
人戶二百八十家夏秋二稅有差以天目山洪水暴發衝損居民故也知
臨安府周深言椿錢塘縣丞余高成具到周向等二十四家衝損屋宇溺
死人口欲放今年夏秋兩料並來年夏料錢于其等一百四十一家衝損
屋宇計物不存欲放今年夏秋兩料咸慶金等七十家衝損一半屋宇什
物欲放今年夏料以上三料並係等五等以下人及鍾友瑞等四十五家
各係上戶內有鍾友瑞第四等戶被水至重欲放今年夏料范理等四十

乾道三年
八月
十五日
條
此

一戶被水次重欲放半料以上通計合放和買夏稅細絹綾本色折帛一
千三十四疋三丈有奇綿一百九十二兩一錢後錢四百二十四貫七百
七十三文丁錢六十九貫二百文苗米三十七石有奇茶錢一十九貫有
奇從之 八月二十二日漢陽軍言本軍止管漢陽漢川兩縣在湖北一
路最為凋瘵之虞兵火以前每年播磨上供錢本庫費錢二千五百貫文
于紹興十三年以後每年于所起錢上遞增二分錢七百四十五貫六百
文至三十二年共增播錢一萬五千六百五十七貫六百文昨自隆興二
年添差歸正官并總領所差撥添監酒務獄廟樵汰使臣每年播請俸錢
僅二萬餘貫緣此本庫缺之上供錢委實無所從出已自乾道二年以後
蠲免遞增二分上供錢止依目今見起錢一萬五千六百五十七貫六百
文為額詔令戶部更予權免乾道二年三年仍自乾道四年為始 二十
三日詔光祿廩州壽春府乾道三年合發上供諸色錢物並予全免一年
其無為軍以三分為率放免二分 九月十七日詔溫州經總制錢乾道
二年秋季至五年夏季終以十分為率予減二分 二十五日詔和州合
餉二稅上供錢并內軍錢物特予蠲免 二十八日詔揚州乾道三年分
上供錢總制無額坊場七分寬剩錢以三分為率蠲免二分 十一月二

日南知教諸路州軍縣民戶有拖欠夏稅畸零稅賦和買折帛折麥折鹽
茶租養土白地錢贖田僧道免丁等錢物緣州縣催理失時積年拖欠及
有哭傷人戶迭移却勒令保正付陪納仰諸路漕司委官將州縣第五等
已下民戶應欠自隆興二年以前前項諸色畸零錢物並予日下除放如
敢違戾仰人戶指提刑司陳訴將違犯官吏中取朝廷指揮施行六年十
一月六日南郊赦放至乾道三年九月十一日南郊赦放至乾道六
年同日赦已降指揮淮南州軍乾道三年合起上供分隸等錢物並已
立定分數展免訪聞州縣尚于民戶名下仍舊科數所有已到官錢物並
與理將來名下合納稅賦其未納到錢物並予除放六年十一月六日南
郊赦放至乾道六年分九年十一月九日南郊赦放至乾道九年分同
日赦出戌諸軍借請過錢未並予除放諸路兩禁庫依條借過口食衣糧
等照應節次已降指揮年限除放同日赦紹興三十一年諸路州軍拖
欠諸色窠名錢物昨來戶部拘催所以中降指揮並予除放訖訪聞州縣
却有將元數巧作名色依舊催理可自赦到日依已降指揮除放同日
赦福建路昨來寺觀僧刺錢緣一時所立數目稍重其間往往不能橋納
以致僧道逃亡虛掛欠負無所從出可並予蠲免同日赦昨指揮兩浙

年
段
日

江東路州軍人戶有田萬畝出糶米二千五百石未納米數已降指揮並
與除放所有八十畝以上合出糶米一千五百石未有該載可令漕臣將
未納收合出糶米數並予除放 二十七日詔路安府屬縣花人乾道元
年夏秋二稅坊場課利折帛免丁等諸色錢三萬三千餘貫人戶少欠酒
錢八千餘貫三百并女撫司錢六千餘貫並予除放 十二月八日詔免
放舒州失傷去歲稅賦一年 二十七年詔放賀州朝道元年磨人經
總制錢一年 四年正月十一日詔福建上四州紹興三十二年以前積
欠盜本等錢並行除放 二月一日詔訪聞福建路建劍汀邵四州軍科
買官鹽擾擾民戶至于無本起綱自行敷納盡因民力可將本路鈔鹽一
項行行住罷轉運司每歲合議發鹽錢二十二萬貫並予蠲免却令本司
于八州軍增鹽錢并將條留五文並本錢通融起訖七萬貫充上供起發
今徽州縣不得更以賣鹽鈔為名依前科敷擾擾仍令監司常切覈察知
有違戾許民戶越訴鹽司按劄重寘典憲 三月二十八日奉執進呈知
楚州判解錢乞將壯丁民社子免戶下稅役上曰此說是可行蔣希奏曰
淮上見免二稅因而違亦未無害 四月十六日詔桂陽軍臨武縣花人
乾道三千正月至四月分上供錢六十貫並予除放 五月二十四日詔

滁州乾道三年未起經總制錢二十九百餘貫特予放免 二十七日詔
無為軍乾道三年未起一分經總制無額錢特予除放 六月八日詔諸
路州縣乾道元年二年人戶各有拖欠時零夏稅和買折帛折麥折鹽茶
祖養士白地職田僧道免丁錢物緣官司催理失時遂致積年拖欠貧民
下戶艱于輸納州縣追擾重困民力理宜優恤可令戶部日下並予除免
十四日詔印蜀州予免今年夏稅一料如已送納在官理充來年合納之
數其場店戶額官課予蠲免一半 十八日詔諸路州縣酒稅欠折坊場
廢壞綱運沉失倉庫漏底注在簿籍委非侵盜并四川民戶拖欠布估水
脚錢已放至隆興二年終初慮以後年分亦有積欠之數官司見行追理
無所從出今將乾道元年二年拖欠之數特予除放 同日詔臨安府諸
縣乾道二年苗米坊場課利蠲引等錢二萬一千貫有畸並無予除放
七月十六日詔光化軍進奉內藏庫天中節銀蠲免一年 八月一日詔
廣德軍月格錢今後每月予減一千八百貫以權發遣廣德軍范述及前
江東運司韓元吉奏廣德軍兩管止兩縣江東最小歲月格錢六千八百
八十四貫三百有零比之它郡數目最重乞行蠲減故有是命 四日詔
江南西路合發湖廣總領所蕃商博納五千匹並予蠲除 九月二十七

日詔四川諸州拖欠紹興三十一年至隆興二年贍軍諸色窠名物錢并
退回短少估利虧分之數及倉庫漏底折欠等錢八項並行除放 十月
十三日詔和州今年合發米起一分上供等諸色錢物並予蠲放 十一
月二十一日詔諸路州軍將乾道二年十二月以前應未補發米斛並特
予除放 十二月五日詔因州國收收捕贖賦批請道錢二百七十貫一
百文米一百二石一斗二升嘉州米一十一百四十九石九升料四百一
十一石一斗八升特予除放 十三日詔郴州隆興二年以前拖欠未撥
還弓箭錢米特予蠲免 十七日詔兩浙江東西路乾道五年夏稅和
買折帛錢並權予減半輸納一年如州縣輒敢違數取民一文以上許人
詣檢鼓院進狀陳訴官史當重寘典憲 二十二日詔諸路常平義倉有
漏底欠折一十七萬八千五百餘石並予除放戶部尚書曾懷准指揮盤
報到江浙等路一百二十八州常平義倉除未申到外有漏底欠折一十
萬八千五百餘石已令州縣補運故有是命 五年二月十七日詔臨安
府乾道三年見欠折帛錢三千一百五十貫文特予蠲放 二十一日詔
諸州隆興元年至乾道二年終拖欠未起上供諸色窠名錢物糧斛並予
蠲放 三月十三日詔成都府路八戶見理運對糧米脚錢三十五萬貫

可並予除放却自今年為額將減省糧價等錢對數補填 十六日詔臨
安府錢塘仁和縣乾道二年折納夏稅苗米身丁錢除納外見欠一萬二
千七百二十六貫有零特予蠲放 五月二日詔奉新府將奉新縣三鄉
實稅正額錢三百五十九貫苗正米六百二十八石并訟納折料盡行蠲
除今後不得別作名色復有科擾 八月十五日詔江淮等路將拖欠紹
興二十七年至乾道元年終合發內藏庫歲額錢共八十七萬五千三百
一十九貫四百六十一文並予蠲免 十月五日詔台州黃巖臨海縣被
水衝損田產屋宇牛畜之字乾道三年四年五年未納稅賦特予蠲放其
私債候至來年秋成理索 十七日詔池州人戶未納乾道四年夏稅二
萬二千餘貫並行蠲放 六年三月二十四日詔嚴州第五等人戶丁鹽
絹予放免一年 四月三日詔遂寧府場務虛額折估錢二萬四百九十
六貫有奇並予除放 閏五月二十四日詔江東轉運司將建康府太平
州寔被水縣分第四第五等人戶今年身丁錢並予放免一年 十一月
十八日詔温州將乾道三年四年民戶積年畸零稅賦並予蠲放第四等
以下身丁錢並予放免一年 十二月二日詔臨安府錢塘人扣縣人戶
乾道五年夏秋兩料并今年夏料畸零未納殘欠錢物特予除放 十四

日詔楊州將兵火以前舊額二稅所收壯丁者戶長一分寬剩折約畸零等錢特予蠲免 三十日詔和州第五等以下人戶今年身丁欠負特予

蠲放 七年二月十四日冊皇太子敕應欠官私房廊白地債錢并乾道

六年以前欠少未還之數並特予除放及民間見欠乾道五年以前私債

其還利過本者特予除放并乾道六年以前應犯罪已籍沒家財所有名

下未追贓錢見今監繫家屬及干連人並予除放 同日敕行在諸軍諸

酒務拍戶餘欠酒錢已降指揮放免至乾道二年五月終仰將乾道二年

六月一日以後至乾道五年終拍戶未還欠餘酒錢並特予蠲放並殿前

馬步軍司關沽兩浙獨賣酒坊近降指揮撥歸戶部提領仰將乾道五年

賣酒界以前年分拍戶應欠餘酒錢特予蠲放并三關三司元差軍官將

校主管酒坊因交割有少欠錢物勒令承認見于請受內逐句剋除並特

予除放 同日敕兩浙東西州軍稅欠內藏庫乾道五年以前坊場錢宿

慮艱于輸納可並免放 同日敕應監司州郡稅欠未起上供諸色錢物

糧綱草料等已放至乾道二年終今將乾道三年應未起之數特予除放

同日敕應民間舊欠茶鹽錢有元係祖業身分少欠至孫及曾孫尚行監

繫債還寔可矜憫可自乾道五年以前有似此之人官司審寔並予之除

放 四月十一日詔民間種佃官司田畝未納租課并欠少官司房廊白
地債錢並放至乾道六年終并民間私債還利過本於至乾道五年終
五月十九日詔野貽軍乾隆六年七月分添收頭子堪合朱墨錢增道免
丁并錢特與蠲免七月十五日詔寧府人戶逐年貢丁錢一萬四千八百
餘貫文費今後並與蠲放 十月一日江南東路安撫轉運司言饒州南
康軍今年旱暉最甚民間合納夏稅物帛并折帛錢起發上限一半其下
限合起一半乞行倚閣候將來置熟作兩料帶納詔饒州南康軍並依江
西湖南已得指揮施行內第五等人戶未納夏稅各與閣五分尋詔江饒
州今歲旱傷已降指揮將逐州第五等人戶未納夏稅各與五分酌虛難
於輸納可將逐州第四第五等人戶未納今年夏稅日下權衡倚閣候來
年帶納 十六日詔泰州乾道三年至六年虛額錢特與蠲免 同日詔
京西提刑司乾道六年七年並奉天中節銀五百兩特與蠲免 八年正
月二十二日知秀州丘寔言華亭縣雲間仙山胥浦白沙四鄉民田以鹹
潮為害官失苗米歲二萬九千二百一十石稅絹五千三百七十五匹乞
賜蠲放詔逐鄉被浸鄉由合納苗稅特與放免三年 四月一日詔蠲放
湖州乾道七年以前來未催茶租錢一萬五千貫有奇 二十七日詔兩

淮州軍今年二稅更予蠲免一年 五月三日詔湖乾道六年秋苗上收
經總制頭子錢勘合朱墨錢七千八百餘貫特予除放 是月詔人戶丁
錢每七丁共納絹一匹比元額每歲減絹二萬四千八百二十四匹廣州依
湖州每七丁共納絹一匹比元額每年減絹一萬四千二百九十三足有
零紹興府上四年每七丁納絹一匹第五等每十丁納絹一匹比元額每
年減絹一萬三足二文五尺四寸廣州上四等戶以五丁共納絹一足第
五等戶以八丁共納絹一足比元額每年減絹九千九百一十六足有零
其已減數並依每年收到沙田蘆場租錢內撥還戶部 六月五日詔
兩淮歸正人所耕田土州縣撥收課子特予除放 三十日詔筠州隆興
府臨江興國軍已倚閣乾道七年夏稅三年帶納之數予放免一年 七
月二十四日詔將徽州減免不盡雜錢盡數蠲收以寬民力其本州認納
漕司絹三千足折斛錢一萬五千貫建康府絹二千五百足並予免放令
戶部以沙田蘆場錢內撥還 十一月六日詔諸路州縣拖欠未起上供
經總制等錢諸已案石錢物未斛已放免至乾道三年終所有以後年分
亦有拖欠之數若行一例准理竊恐追擾可將乾道四年五年諸路州縣
拖欠未起之數特予蠲放日下銷落簿籍不得再有追理如違許民戶越

新監司賈察按治 同日詔當湖和平澂浦徐公檄當四酒庫見欠錢九千一百四十貫四百八十九文並予蠲免 同日詔將乾道四年五年諸路州縣拖欠未起上供經總制等諸色窠名錢物米斛特予蠲放 十二月五日詔兩淮州軍乾道九年合起催二稅可更予蠲免一年 十九日詔兩淮運判胡昉具到紹興府增起苗米四萬九千餘石及乾道五年歷尾剩錢一十六萬七千餘貫並免行起發 九年閏正月十六日詔大理寺已追理過罪人合追官贓錢物自紹興十九年以後至今追納監繫日久無所從出深可矜憫可自乾道二年二月十四日以前見追內外官司錢物並予除放自紹興十九年至乾道七年二月共除放道內外贓錢二十三萬六千四百二十五文 十八日戶部侍郎提領戶部檄當酒庫蔡沈言乾道二年二月十四日赦書內一項殿前馬步軍司昨開估兩浙樞賞坊場近降指揮撥歸戶部仰將乾道五年賣酒界以前年拍戶應餘欠酒錢特予蠲放不住據拍戶陳訴酒庫不予除豁乾道五年煮酒界欠錢詔將乾道五年煮酒界終人戶欠錢並與蠲放 二十二日詔温州歲餘經總制錢乾道八年秋李至九年夏季予減免一分 二月十八日詔當州管下高安上高兩縣民戶乾道八年拋荒田畝秋苗可將上戶依已檢

聞分數減免其下戶全予除放。五月二日詔徽州將正額外創科雜錢一萬二千一百八十餘貫並行住罷更不科催元認江東運司絹六十疋并兩浙運司等處一萬六百餘疋並免起發其餘夏秋正額歲賦即照自來條例施行不得仍前再有重疊科擾以江東運副程叔達言躬親前去徽州刷具雜錢的實數目同本州知州公共相度得本州六縣額管稅錢依自來則例係以稅錢一百文紐折細絹布并見錢等總計一百文通計料細二千九百餘疋絹二萬九千四百餘疋布五千五百餘疋正絹一十萬九百餘兩折綿六萬七千餘兩以上並止係夏稅即非秋稅共折稅錢七萬二千四百四十餘貫係是正額里本色除料上件本色外尚有合納見錢四萬二千三百餘貫係是額外見錢以上通計一十一萬四千七百餘貫正湊上件稅錢正額之數外却別行每稅錢一百文創科益錢六文腳錢五文通計一萬二千一百八十餘貫係是額外雜錢已行除放故有是命。三日詔浙西人戶見佃承買沒官田產屋宇日前有拖下錢零租稅並予蠲放。八日詔江東路饒州南康軍並係向來荒旱最重去歲所有見催人戶乾道七年分錢欠苗米可並予蠲放。十一日詔江西路江筠州隆興府臨江興國軍並係向來荒旱最重去歲所有見催人戶

帶納乾道六年七年分殘欠苗米可並予盡數蠲放其逐州軍營田穀麥
乾道六年以前殘欠并乾道七年寔係旱傷未納之數即與苗米事體一
同可並予盡數蠲放 六月三日詔興元府乾道四年至六年分殘欠商
稅增息科利等錢引六萬二千二百四十六貫銀六百一十八兩絹三百
九疋並予除放 八月二十九日詔江東乾道六年分民戶積欠未納錢
物並予下除放 十一月九日南郡救兩浙江東西湖南北福建路合發
上供歲額軍器甲物料自乾道五年為始起發後來節次累降指揮各有
減免今年諸州軍合發物料尚有拖欠數目竊慮數戶應辦却致科擾可
自乾道七年終以前拖欠未起之數並予蠲免以次年分依數起發 同
日救台州被火居民未納身丁與免一年仍將來年身丁更免一年 同
日南郡救江東西浙東西路乾道七年旱傷被水州軍第四等以下人戶
已令監司措置賑恤寔賑恤將合納夏稅物帛倚閣分年限帶納尚慮
州郡不切盡寔檢放隱庇數目甚失愛民之意可將乾道七年逐路州軍
倚閣細絹係綿折帛錢共予蠲放更不帶納日下銷落簿籍如敢妄作名
色追理搔擾許人戶越訴 同日救兩淮極邊時貽安豐光澤州乾道八
年上供等諸色粟名內錢已降指揮全行展免外所有逐州軍未起乾道

八年一半運奉銀上供絲綿並行催促起歷切慮極擾可並予蠲免 同
日赦諸路州縣拖欠上供經綹制等諸色粟名錢米并已降指揮放免至
乾道五年終近兩浙路放免至六年終其餘路分亦有拖欠之數皆係民
戶積欠經隔歲月若行一例催理竊慮追擾可將諸路州縣乾道六年終
已前應拖欠未起之數特予除放日下銷落簿籍不得再有追催如違許
人戶越訴監司覈察按治 十三日詔蠲免紹興府今年上供苗米四萬
餘石 十二月二十七日詔兩淮州軍淳熙元年合起催二催更予蠲免
一年并當年合發上供諸色粟名錢物依乾道九年極邊全行展免一年
次邊展免一半

何承矩

上太宗論唐泊屯田之利臣臣幼侍先臣關南征行熟知北邊道路川原之勢若於順安寨西開易河蒲口引水東注至海東西三百餘里南北五七十里滋其陂澤可以築隄貯水為屯田以助要害免蕃騎奔軼俟蕃歲間塘注關南諸泊定水播作稻田其緣邊州軍地臨塘水者止留壯城軍士不煩發兵廣戍收水田以實邊設

險固以防塞春夏課農秋冬備寇縱贍師旅不失耕耘
不費國用不勞民力如此則虜弱我強彼勞我逸以強
備弱以逸恃勞制剛奴之術也順安已西至西山道路
百里以來無水田處亦望遣兵戍以練其精銳擇將領
以去其冗繆夫邊兵不患寡患驕慢不肅而不精邊將
不患怯患偏見自賢而無謀邊備不患寇患慢防而未
葺若禦得其力制得其要何慮乎邊塵不息邊患不除
且有國有家以兵以足食為本水田之盛誠可以限戎
馬而省轉粟之費實萬世之利也

宋會要

朕望知前襄州與通判何臨常同規度故有是奏也真

宗曰屯田之廢久矣苟成此足為勸農之始遂令望躬
按視焉至是可其奏望又請大理寺丞程總其事程矩
上章以為不便詔移程放他郡別選臧官領其事俟稿
田務成有無利害其耿望武程別取進旨當行賞罰

全唐文

宋會要水田雜錄

太宗淳化四年三月六日甲午知雄州何承矩言近年
水潦頻降河流泛濫環州城民舍蓄聚為陂塘妨種藝
欲因水利大興屯田以便民詔從之命高陽關副總管
皇甫繼明提舉仍令河北諸郡水潦所積處發卒墾田
州長吏按行催督二十四日壬子以六宅使潘州刺史
何承矩內供奉閤承翰殿直張從古同提點制置河北
沿邊屯田使大理寺丞黃懋充判官懋泉州人任滄州
臨津令實錄於三月六日甲午先載承矩上言即命大
作水田及壬子乃以承矩為制置使懋為判官
按上得懋書又令承矩按視承矩復奏然後施行恐甲
午日未有大作水田之命也今從本志甲午初六日壬

便一作事

子二十日馬臨文獻通考按古者兵與農共此
民也故無事則驅之為農而力稼穡有事則驅之為兵
而征戰雖唐府兵之法猶然至於屯田則驅民墾
土且耕且成以資饋餉尤為良法自府兵之法既壞
然後兵農判而為二不特農疲于養兵而兵且耻于為
農觀陳恕所奏及沮何承矩屯田之議者可見然則國
力如軍也哉不弊
于鉤軍也哉

一本無懋字

真宗疑太宗

懋上言本鄉風土惟種水田沿山導泉倍
費工力今河北州郡陂塘甚多引水溉田省工易就乞興水
田三五年內必公私大獲其利真宗嘉之以承矩曾言屯田事
因遣按視復奏咸如懋言即令承矩領護之以懋為佐發諸
州戍兵萬八千人給其役也

真宗咸平二年五月京西轉運使耿望言襄州襄陽縣有
溥河舊作堤截水入官渠溉民田三千頃宜城縣有蠻河溉
田七百頃又有屯田三百餘頃請以農隙調夫五百築堤堰仍
於荆湖市牛七百頭從之

咸

四年九月癸酉太子中舍張宗誨齊獻屯田

論三篇召試賜第十二月陝西轉運使劉綜言鎮戎軍
本古原州之地有四縣餘址尚存自唐至德之後羌寇
存臻邊防失守吐蕃尚結贊乘隙引兵攻臨關內及隴
右百餘城原州亦廢其後宰相元載備知要害決欲守
其地或沮其議而罷今來陛下斷自聖畧復置此軍乃
元載之謀有俟於我聖朝也然元載所議控扼之狀尚
未聞采而行之今城壁既就不修外援屯聚戍兵多費
糧饋則不如不置臣昨閱視鎮竅軍川原廣衍地土饒
沃若置屯田其利猶博今鎮戎軍歲須芻糧約四十五
萬餘石東城茶鹽交引錢五十餘萬况更令民遠倉輸
送其所費耗即又倍常見今鎮戎軍四面已有人戶耕

種欲於此處置屯田務且取田五百頃差下軍二千人
置牛八百頭立屯耕種於軍城近北至木峽口及軍城
前後各置一堡寨約地土分種田兵士將牛具就寨居
泊更充鎮戍固不失且戰之理兼彼處皆居要害常切
防備若不分布置寨屯田為援即鎮戎軍久必難守望
令知軍洛苑使李繼和充屯田制置使令繼和自舉有
心力使臣四員充四寨監押每員管轄五百人便充屯
戍如此遠必大為邊鄙之利今安國鎮有古制置城
壕戍鎮記一本謹寫錄上進貴知邊陲可以耕種之也
真宗曰覽古記信可以興作從之 五年六月知雄州
何承矩兼制置屯田使先是承矩兼屯田事及以侍禁

閩門祇候馬濟知順安軍亦兼營田事承矩言與濟品秩有異所兼之名則同故特加使額馬

六年十月二十四日知保州趙彬決難距泉自州西至滿城縣又分徐河水南流以注運渠置水陸屯田以其事聞奏帝乃詔保州駐泊都監王昭選與彬同領其事仍賜彬詔諭令協力成其事

景德元年四月十八日詔保州置屯田兵籍自今轉運
司擅移易者以違制論十月詔相州管內不堪牧馬草
地既宜令官置牛具選習耕農兵士置屯田莊二年
正月詔定保雄莫霸等州順安平戎信安等軍知州軍
並兼制置本州屯田事舊兼使者仍舊先是北面緣邊
屯田水陸兼程甚獲其利自來雄州長史兼領使名其
諸州即命官主領至是戎虜通好帝慮平寧之後漸
成弛慢故有是詔三月詔保州所作屯田舊有積塘水

地斥虜

以備溉灌頗聞隄防隳壞致失水利宜令官吏專切按視勿廢前効先是知州趙彬興是田開鑿漸廣未幾彬移他任帝慮因而毀廢即遣使視果言隄防隳壞無備故詔戒之九月夔州路轉運使薛顏言施黔等州墾荒地為屯田今歲獲粟萬餘石 三年十二月十一日知保州趙彬請於郡城東北更廣屯田以圖來獻之帝曰北地既和邊封徹警當勸農民咸使樂業不必侵占畎畝妨其墾殖也 四年八月知雄州李允則言應係屯田皆在緣邊州軍自來止移牒制置不獲躬按其安撫都監二員常巡邊郡望令兼屯田事因便檢校從之大中祥符二年六月知和州趙彬請增屯田務兵五百

人從之 五年正月令保安軍稻田務自具墾殖功狀以聞是軍地接蕃境屢詔修廣屯田自高尹莊軍事罕以聞奏故責之七月六日河北緣邊安撫副使賈宗言緣邊開塞塘泊水勢修疊提道深淺月日定式圖請乞付緣邊州軍收管仍下屯田司提舉遵守從之

九年三月改定保州順安軍營田務為屯田務

天禧四年四月內殿崇班閻門祇候盧鑑言保州屯田務自來逐年耕種水陸田八十頃臣在任三年開展至百餘頃歲收粳糯稻萬八千或二萬石本務見管兵士三百七十餘人以河北沿邊順安乾寧等州軍屯田務比保州十分中止及二三分已來其保州屯田務兵士

不暫休息尤甚辛苦欲望下軍頭司自今所配河北屯田務兵士十人中將四人配保州六人配餘處後之仁宗

宋會要

天聖三年十一月右巡使監察御史朱諫言近聞上封者請估賣福州屯田此田人戶耕佃四十餘年雖有屯田之名父子相承以為己田況聞屯田租課均稅之時已均在人戶私產二稅上輸納伏望量定租課罷行估賣詔見佃戶內有單貧戶承買者別立寬限送納價錢

宋會要

寶元二年九月十四日臣僚上言乞令河北都轉運司

同興管勾屯田司公事亦帶都大制置使名目從之

慶曆元年十月十八日甲午命陝西漕司度隙地置營田務辛丑詔陝西都總管司經制營田以助邊計二

年正月乙丑假同州沙苑牧地為營田未幾罷五年

七月臣僚上言近定奪開却七汲口以南劉宗言擘畫

開斷五門幘頭港下赤大渦柳林等口並却依舊開放

通沁邊吳淀水入白羊等淀添灌向下州軍塘泊乞下

河北屯田司永為定制如後更有臣僚上言更改此一

帶水口及諸州軍塘泊並乞重行責降從之十二月詔

陝西四路總管及轉運並兼營田使六年五月命三

司戶部副使夏安期往陝西與本路提點刑獄曹頴叔

相度與置緣邊屯田 嘉祐四年二月十一日三司鹽
鐵判官管勾河渠公事楊佐等言準宣躬親往保州等
處相度到屯田塘泊合行開決水勢并增修堤道去處
委實利便_及以畫圖進呈詔內開牙家港十洪橋并順
安軍北門外界河北岸水口子兩節將定州路安撫使
司先差安肅軍通判王袞相度到事理并令來楊佐等
所陳再委河北提刑薛向都水監丞孫琳計會張茂則
親往相度具合如何擘畫透泄水勢即得經久穩便同
共以聞外餘並從之仍令逐州軍長吏據本地合修去
處那容人功物料漸次興修訖奏 六年三月一日河
南屯田使曹偕言乞權罷逐年赴闕進呈屯田司地圖

從之

宋會要

治平三年河北屯田有田三百六十七頃得穀三萬五千四百六十八石

神宗熙寧元年六月二十二日差

西京左藏庫副使內侍押班李若愚充河北同提點制置屯田使事

熙寧四年二月十一日詔雄州知府及安撫都監並帶兼制置屯田事塘堤興役今後知州依舊不出外其安撫都監與管勾內臣分頭提轄十三日詔給祠部五百道貨易錢買農具牛畜舟車興治保州以東次邊陸地為水田從安撫副使沈披所請也披復以為請充屯田興工支費又給二百道二十三日詔河北緣邊屯田務

水陸田並令民租佃本務兵士令逐州軍收充廂軍監
官悉減罷初屯田司每歲以豐熟所入不償所費屢以
為言至是乃從之 八年正月十七日詔河北同提點
制置屯田使事閻士良與復五路都鈐轄資序令久任
朝廷重屯田之任故久其任以責成也 九年三月二
十三日河北屯田司言詳定州薛向奏安肅軍界闌板
口鋪以東舊係屯田務地並是稻田其南則邊吳宜子
二淀東瀍百濟河身兩淀久來淤畜塘水為險固自熙
寧七年夏中其邊吳宜子二淀積水並已乾涸即今通
行人馬不比安肅廣信軍西北猶有山勢開隔舊來潯
沱等九河瀍注邊吳宜子等淀水勢漲滿乃入石塚等

兩水南

諸口及百濟河迤邐入次東灌注向下塘泊訪聞自去年屯田司擘畫却於邊吳淀南敗灘套水泊近接滹沱河水勢下流入順安界趙口通流入康淀灌注近下塘泊其邊吳宜子等淀為趙口兩邊走泄水勢以此致兩淀乾竭自去年秋滹沱河道却於敗灘套上邊淤斷河道水勢復入沙河西股却得灌注兩淀猶有三二分積水若將來經夏水發却衝開敗灘套河道却入趙口透泄水勢則兩淀依前乾涸實為非便今欲乞將趙口田先口依舊閉斷令水勢盡入邊吳宜子兩淀常令水勢漲滿可以準備臨時疏通使用實為利便本司即差巡覷塘水堤道李祐之詣逐處相其利害祐之勘會自來滹

沱等河水盡下入邊吳宜子等淀如水勢漲滿乃入石
石塚等口灌注向下塘泊如水勢不至漲滿即只由百
濟河出泄昨於熙寧六年內為以東塘泊乾淺遂於保
州地分尖簷帽莊開引濬沱河由敗灘套下入趙口灌
注以東塘泊至熙寧七年六月內濬沱河自永寧軍界
荆丘村已上淤斷河身其水西北流入仇淀等一帶泊
入邊吳宜子淀祐之檢視淤漲處開撥引水入趙口遂
於今年三月內於東路臺村劉家莊北有舊河一道淤
斷處開撥分引入趙口依舊入九流等淀及邊吳宜子
淀即今山雨水漲滿邊吳宜子兩淀見有水勢欲乞如
邊吳宜子淀少即行閉趙口田先口從之五月十二日

河北同提點制置屯田使事閻士良言竊聞保州界自景佑中楊懷敏勾當屯田司日厚以財利召募人指扶西山被民填塞泉眼去處臣常以諭保州曹偃今偃訪得雲翼卒康進畫到地圖仍充保塞縣小郎村劉第六地內有泉源盈畝有餘號叫呼泉匿在土中當州南約二里有積年侯河一道上自本縣界下至運糧河及邊吳淀內東西約及百里每遇旱歲河內微有流水或至斷絕今欲開導此泉令人侯河及運糧河四時常流增注塘泊及本村別有泉數十道臣常尋訪二河上源未得其處今乞委保州曹偃相度收買泉源地量興兵役疏導舊泉增助邊防誠為永利送河北公邊安撫司本

侯一侯

卷四十五

司尋委權通判保州辛公佑相度公佑言親詣保塞縣大靜鄉龐村沿侯河向上約三十里已來沿北岸有泉眼大小不等尋令畧行開撥各見泉水湧出相去遠近不等約計在一里半地內計有泉三十餘處其水通流闊狹深淺有三五寸至一尺其舊河堤岸闊處有五七尺至一二丈已來其河自本州南門外西南至郎村泉源出處共計約三十五里若行開撥只依舊來垠岸開出河身其水通流下接運糧河可以增注塘泊所有浸占民田欲乞比視側近田土優給其值收買委為利便其叫呼泉只是古老相傳未見其源所在又未敢徑追地主開掘若作河道上下所該人戶地土不少乞下本

縣勘會詣實指定有泉去處亦行收買當今見泉眼去處劉第六地內未見泉源處約四里以來若先行開撥上件三十餘泉使河道通流別無妨礙本司未敢行下詔河北沿邊安撫司關河北屯田司及合屬去處施行

又詔熙河路有弓箭手耕種不及之田經略安撫司

權點廂軍田之官置牛具農器人給一項歲終參較弓

箭手廂軍所種熟為優劣以行賞罰六月謝民憲言逃

走弓箭手并營田地土昨多方設法召人請佃今來認

租課乞許就近於本城寨送納特與蠲免支移折變從

之知河州詳于師中乞以未募弓箭手地百頃為屯

田從之馬端臨文獻通考樞密院吳充言實邊之策惟屯田為利近聞詳于師中建議朝廷以計置弓

卷之二十一

箭手重於改作故裁今試治百頃而已然屯田之法行之於今誠未易推有因今弓矢無慮一萬五千頃十分取一可為且以熙河四州較之無慮公田所得十五萬水旱肥瘠三分除一亦可得十萬官無屯牛具原給之費借用力而民不勞大荒不收而官無損者轉輸之費不若六便詔議其事議者謂弓箭手皆新招重以歲推不善若使之自備功力耕佃恐人必動搖宜俟稍穩推行

元豐元年詔經制熙河財用司括冒耕也期半歲

使民得自言六月二十五日荆湖北路轉運司言沅州

屯田務自初興至今所收未嘗敷額若募人租種納課

不費官本利害甚明乞自朝廷詳酌施行及令本州通

判主管月量給食錢從之委轉運判官馬城提舉之八

月十二日上批河北屯田都監謝禹珪為性誕率建畫

職事多無規繩前日與禹珪不協者今已替去聯事之

以所收不及額
罷之一本無
此字

人了無嫌礙宜令自今並與河北屯田司官通衙行遣
毋得獨申奏其權發遣河北東路提點刑獄汪輔之更
不得同主管 二年以所收不及額罷之七月二十一
日罷沅州屯田務募人租佃役兵還所隸後轉運使徐
禧請也十二月二十二日知定州韓絳言乞借安撫司
封樁錢五千緡市水地為屯田後之二十七日詔定州
路屯田司以水利司為名時保州廣信安肅順安軍興
水利為屯田詔以屯田司為民而安撫使韓絳言恐虜
疑增塘濠故改之 四年六月二十九日詔定州路安
撫使既帶都大制置屯田使其轉運使副兼領虛名並
罷令知雄保州並帶屯田使通判並帶屯田判官河北

寨作塞

菰一作瓜

守一作等

緣邊安撫副使都監仍通管兩路從定州路安撫使韓絳請也 六年二月二十六日詔河北屯田司相度尺寸丘塘濶水則季北增減以聞令李琮齎詔往同議毋得張皇漏泄 八年正月二十七日樞密院言河東經畧司去歲差借民牛耕種葭蘆諸寨田及差發防護軍馬保甲縻耗極邊貴價糧草錢物似奪農民時令民失業比至收成不償所費詔與呂惠卿宜審較利害無蹈前失以河東路轉運司言經畧司去年三出兵耕種木菰源等兩不耕地凡用將兵萬八千五百四十五馬二千三十六其費錢七千三百六十五緡穀八千八十一石糗糧四萬七千斤草萬四千八百束又番保甲守禦

凡二千六百三十七人其費錢千三百緡米三千二百石役耕民千五百願牛千具皆非民之願所收禾粟蕎麥萬八千石草十萬二千不償所費又預借本司錢穀以為子種至今未償增人馬防托之費仍在年計之外慮經畧司來年再欲耕種望早賜約束故也 兩朝國史志屯田判司事一人以無職事朝官充凡屯田之政令隸三司本司無所掌令史二人元豐改制郎中員外郎始實行本司事 以工部郎官兼掌凡屯田營田職田學田官莊稻田塘陂等分案有三曰屯田曰職田曰知雜吏願主事一人令史一人守當官二人貼司一人神宗正史職官志屯田郎中員外郎參掌營屯田官

官塘灤學校職分之田及其租入凡興修種刈給納檢
察賞罰之事皆詔其長貳而行之分案三設吏八哲宗
職官

哲宗

宋會要

元祐元年永興軍民庶進狀言興平縣有地二百四十
餘頃久輸二稅熙寧五年本縣抑令退為牧地詔提刑
司審定以奏如他州縣更有以稅地改牧地者亦具以
聞提刑司乞與免納租錢給種如故閏二月八日京西
北路提舉司言朝旨相度蔡州西平上蔡兩縣人戶佃
屯田支移等事欲止令人戶畝出租課外更不支移折

四月以丁卯
此條淡粉

變詔尚書戶部相度以聞 元符三年徽宗即位未改元三月九日皇城使河北
措置屯田石璘奏乞添招塘提役兵千人從之 四月二十五日三省言尚書
六曹職事閑劇不寺除已減定員數事至簡者以屯田兼虞部
從之 紹聖元年八月八日詔屯田虞部互置郎官一員兼領

徽宗

宋會要

大觀二年陝西轉運副使孫琦言西寧湟廓三州良田
沃野並給族部畧無賦稅今進築之初宜召諸首領與
族長開諭令量土租課責期限並委族長使之催諭詔
童貫度其宜以行十二月十六日詔澹水為塘以除水
患留屯田營以實塞下爰自我祖宗設官置吏分職聯

大觀五年
年

治自為一司專總其事歲月寢久州縣習玩訪聞比來隄堰不修水潦穿溢出害民田綿亘千里雖有司存上下苟簡祖宗以來塘隄故迹重加修整務令堅固即別不得增益更改引惹生事本司可比本路提刑刑獄序官提刑之上舉官按罪吏屬等職務可令相度條具來上餘悉仍舊五年提舉涇原弓箭手司奏乞案漢舊田土其已開熟地仍許着業外若非朝命所給而州軍帥司一時私自撥予或川原慢坡地土今仍荒閑者並以給招闢額人馬惟其不堪耕種者方許撥充牧地庶可究極地利增廣人兵從之

政和元年正月二十四日詔河北制置屯田並依元豐法別為一司

指揮勿行

六年八月一日臣僚言高陽中山兩帥并沿邊安撫司舊並係提舉屯田使副今屯田司職事各繫一都監典領近年因其失職或非本職得罪相繫而去一司職事有所妨廢望自今屯田都監非因本職得罪只乞就任責罰所責盡心從之

建炎三年四月詔屯田郎官一員兼水部同日詔屯田吏人減半

宋會要

孝宗

隆興元年七月二十六日詔工部屯田郎官一員兼領從右諫議大夫王大寶等議 乾道元年二月二十四日詔郭振於六合措置屯田已就緒淮南東路屯田令郭振王弗周淙條具措置王弗等言紹興六年十二月二十九日指揮以五十頃為一屯作一莊三月十一日詔淮西湖北荆襄令沈介張松王矣揚淡王彥趙搏等措置

措置

三月三日戶部言浙營田官莊共一百五十九萬餘畝二年六月十三日淮西言營田二百七頃六

十五畝

宋會要

淳熙十年五月八日鄂州江陵府駐劄御前諸軍副都
統制郭杲言本司見管屯田穀麥共一十二萬二千餘
石倉廩在襄陽府宜城縣初置屯田日創造倉卒止用
茅屋蓋去府百餘里乞般載入府城橋管從之杲又
言襄陽屯田興置二十餘年雖微有所獲然未能大有
益於邊計非田不良蓋人力有所未至且無專任責者
今邊陲無事士卒久安所謂屯田正宜修舉或謂戰士
屯田恐妨閱習而不知分番耕作乃所以去其驕惰或
謂耕作勞苦恐其不樂而不知分給穀米人自樂從以
樂從之人為實邊之計可謂兩便本司見有荒熟田共二

七百五十頃乞降錢三萬緡收買耕牛農具便可施工
如將來更有餘力亦可根刷荒田接續開墾從之 六
月十六日詔建康府駐劄御前諸軍都統制郭剛曰朕
聞屯田內有亡費之利外有守禦之備趙充國陳便宜
十有二事其說曉然久欲推而行之患無其人闕而不
講卿宿將虎臣通於兵事可以倚仗其計度闕田與夫
人數器用凡所以施行之策詳悉條具聞奏副朕意焉
既而剛奏淮西荒田如昨來和州興置屯田五百餘頃
廬州管下亦有三十六團皆瀕江臨湖號稱沃壤自後
廢罷撥還逐州名人請佃自餘荒地皆豪彊之戶冒耕
色占無由考實望行下淮西漕臣分委州縣檢踏荒田

仍嚴立罪賞根括已占開具地段田畝數目申朝廷降

處標撥措置耕墾

詔准西師臣延璽運判趙師拱司共取見係官田畝實數開具保明關奏

八月十四日判又係其屯田利害奏陳

合用耕牛六人耕田頃給牛三頭

以一千頃為率計合用牛一千五百頭一屯田官兵屋

宇欲加營寨各隨一保就近耕田處起蓋屋幾團聚合

千人易為拘轄兼倉教牛屋之類亦不可闕今契勘共

合用三千七百三十五間其屋缺下淮西潛司措置一

合用農具田一千頃用犁一千五百具鉏一千五百具

水車一千部并碌碡鋤耬之類乞下淮西潛司製造應

副一合用種子內稻每一畝用一斗五升大麥每一畝

用一斗二升小麦每一畝用一斗一升興置屯田事體

非一若將來耕蒔其官兵止可力耕將官止能部轄所
是收成見數出入倉教欲得委他官監視乞從漕司選
差清彊幹官一員專主其事庶幾出納有司於久為便
詔總領與到九月二十三日淮西總領蔡戡與劉條具
同共條具

下項一今來初開荒闢田土全藉工力今相度欲每田
一項令三人分耕每人當三十三畝有奇每六人為一
甲於內差甲頭一名十甲為一保計六十人差使臣一
員管押今且以五百頃為率若合用一千五百二十五
人每一千人差將官一員部轄一合用耕牛農具寨屋
種糧之屬若令州縣應辦必至科擾百姓欲乞朝廷指
揮於淮西漕司於管錢物內先撥錢十萬貫付建康都

統司拘收據合用耕牛農具寨屋物料種子並依郭劉已奏請之數且減半收買製造使用如將來開墾之初所收利未廣兼起荒勞苦合行優潤今欲將第一年所收物斛除存留種子外盡行給與力耕官兵第二年除種子外以十分為率官收二分第三年除種子外以十分為率官收三分四年所收物斛除種子外十分為率官收四分其餘給與力耕官兵以後年分並止以四六分收給庶使官兵樂於勸耕不致廢墮一部轄將官使臣白直等人往來管轄亦合量行支犒緣官中所收不多今相度欲於力耕官兵所得分數內斟量取撥從都統司照等第徑自均給候支散畢具數供申朝廷照會

詔合用耕牛農具寨屋種糧之屬令總領都統制將淮
西運司撥到錢同共計置應副其部轄將官使臣白直
等入等一年合用本司官員自支給以後年分閏十一
月十一日詔襄陽府木渠下人戶見請佃已施工力開
墾到熟田盡行給付其有包占數目仰經官自陳起納
稅役若未施工力見今拋荒去處合從官中檢踏拘收
以備屯田開墾耕種 十一年五月八日進呈權終遣
和州錢之望奏和州諸軍屯田事先一日上謂王淮等
曰錢之望奏屯田利害言課耕無法士卒惰者無以屬
而勤者無所止卿等可詳議奏來既而進呈之望劄子
欲令淮西總領漕臣同建康都副統制逐一公共詳議
以聞 六月九日進呈淮西總領趙汝誼言詳議到屯

田事一過圩水退諸圩兵卒併力耕種至立秋止秋成穀熟凡施工力者皆預分穀之數上曰此五月二十三日文字王淮等奏發文字時去立秋尚一月今去秋近想再種不遍上曰若將來所收不多朕不惜幾萬米分與屯田人兵使之亦如豐年則人更相勸 十九日鄆州江陵府駐劄御前諸軍都統制鄧州駐劄郭果言昨蒙朝廷支降到錢二萬貫措置屯田除節次收買牛具創造寨舍已見就緒乞於上件錢內更留存錢一萬二千餘貫文付牛僎收管準備日後接續添貼收買牛具其餘錢乞拘收赴元支降去處回納詔令郭果將回納會子二萬貫於內支一萬四千一百貫付牛僎貼充犒

軍餘錢就行棹留準備屯田支用 又言令果措置屯
田今已就緒並行交割付副都統制牛候管幹所有貼
買到農具添修創造屯田莊寨舍屋及創行開墾布種
水田六百二十一頃四十畝內三百七十一頃九十九
畝半係舊年拘籍耕種之數後來緣裁減疆壯人歸軍
復有一半荒廢令盡行開耕責令逐屯接續布種及招
到客戶修治坊一所武安堰一座詔割下牛候照會仍
令郭果依舊兼領 七月三日郭果言木渠下荒田實
有堪耕種田一百九頃四十四畝除已差撥官兵二百
人將帶農具收買耕牛起蓋莊寨委官統轄前去措置
開荒趁時布種自餘不通水利高仰田亦令耕犁措置

布種所是差去屯田官兵合請錢米緣路途遙遠艱於
津運令屯田官就於所管稻穀內借支應副食用將未
分收子課折還詔郭果將高仰田段更切措置開耕毋
致荒閑餘依所乞十一月二十六日宰執進呈淮西總
領趙汝誼奏和州屯田所收物斛未曾均給乞處分令
有司照應施行上曰可令總領所都統司將屯田力耕
官兵斛量工力多寡據今年收到物斛實數分作三等
次第均給十二年正月七日宰執進呈鄂州江陵都
副統制郭果劄世雄具到新舊屯田所收物斛上曰令
湖廣總領所將都副統制司新舊屯田所收物斛自淳
熙十二年為始開具所收帳狀申尚書省兼每畝比民

間耕種所收至薄今歲要加意布種其未耕田段仰更切接續措置開墾二十九日淮西總領趙汝誼等言和州八家圩西蓂芬散水地打量得六頃五十畝乞撥付屯田官兵計置開耕及下和川將不堪開耕不敷元數田二十九頃七十九畝日下別行依數踏逐係官荒閑田土撥付總轄屯田官補填元管之數從之二月十二日鄂州江陵府駐劄御前諸軍都副統鄂州駐劄郭果言奉詔措置襄陽屯田照得其田久經曠廢荆棘被野又與民田錯雜已行根括田段標撥界至分為三屯委統制官率逢原王鎮趙晟各提督一屯貼差官兵招召佃客收買耕牛置造農具添修莊寨增築堤堰浚治陂

塘墾闢荒田即日已耕熟麥田二百八十餘頃水田四百九十餘頃委是就緒皆率逢原等究心措置之力乞賜激勵詔率逢原王鎮趙晟經始有勞各特與減二年磨勘九月十七日宰執進呈郭杲申襄陽府本渠下屯田二表數上曰下種不少何所收如此之薄可令郭杲子細開具因依聞奏上又曰所在屯田可令總領副都統制漕臣守臣各將每歲所收二麥於六月終稻穀於十月終同銜開具數目張狀聞奏十四年三月二十一日淮西總領趙汝誼建康都統郭鈞淮西提舉兼權運判方有開建康副都統市閩仲言和州屯田諸莊開墾過田畝皆有增數部轄將官成忠郎御前左軍額外

正將部轄右中軍屯田滕琦政下班祇應御前左軍步
軍第二將正將部轄左後軍屯田王深成忠郎右軍步
軍第二將主父振持賜激勵詔主父振差充總轄諸軍
屯田統領官滕琦政王深各減三年磨勘內王深依五
年法比折十一月二十三日宰執進呈提舉淮南西路
常平茶鹽兼權轉運判官兼提領措置屯田方有開具
到無為軍屯田條目上曰方有開條具逐項先後如何
王淮等奏第一項要兵二千人第二項欲就舒蘄州錢
監添造鐵以充費用上曰錢且於朝廷樁管錢錢應副
建康雷世賢軍見有額外三千人可差若措置成雖數
年之後方見其利是成邊方悠久之計於是詔令有開

措置合行事件并實用兵人條具聞奏——既而有開奏
一今來開屯田事件大槩多遵和州已行之例其有條
具未盡亦乞比附和州施行但耕兵與官司所分穀數
目前奏候將來地利成熟之後聽從官司詳議施行一
臣聞將帥之臣將帥之臣當天下有事則以戰勝攻取
為功當天下無事則以富國彊兵為功今四方無虞諸
將賴聖上推恩講好而無爭戰之苦屯田者諸將間暇
之功名也陛下於和州總轄兵官既加之以釐賞矣其
耕兵亦合得分穀之利贍足贏餘矣臣謂今日開屯宜
明詔諸將以為無事之功名典賞自此可得亦令告諭
軍人以和州耕兵優裕使知朝廷務卹軍人之意仍俾

管事人往和州諸寨觀覽兵卒樂耕之勤與分穀之利則將士無不協力詔依合用耕兵等仰馬軍行司建康都統司選差先具年甲以聞其鐵錢七萬五千二百實令舒蘄州於見管數內先次支降仍委方有開專一管幹十五年正月十三日樞密院奏事因論方有開措置屯田上宣諭施師點等謂二十餘年不用兵一旦使之屯田不知樂從否師點等奏軍兵久佚初令服田必以為勞才過一二年得田上花利安得不樂上曰如此必須樂從卿等更可詢訪師點等奏屯田本意非止積穀蓋欲諸軍布在邊鄙緩急有以為用上曰此乃寓兵於農之意二月二十三日馬軍副都指揮使雷世賢言

方有開乞修築無為軍城南及青崗山元浦三圩合用耕兵等申請下項一合用耕兵二千人仰馬軍行司建康都統制司選差今來本司合差耕兵一千人下諸軍通行選差續具差到人姓名年甲奏聞一照得指揮內乞差耕兵二千人合用總轄官一員今來所差耕兵係是兩司差撥乞於本司選差諳曉農務有心力統領官一員專一總轄本司屯田官兵一千人庶使易為部轄可以責辦屯田事一今來所差耕兵并部轄將官及合千人白直諸色等將來興工日支錢米乞下淮西轉運司照應和州屯田體制支破一所差耕兵等各家老小候見修築圩埂畢日本司即便經由所屬分擘各人奉

歷差撥人船津發前去其合支起發盤踴等錢今照得
建康都統制司昨來津發和州屯田老小日係於朝廷
降到錢內支撥五千餘貫給散各家并駕船防護官兵
充犒賞盤踴所有本司耕兵老小將來起發其逐色人
依例合支起發盤纏等錢乞下淮西東總領所照例等
第支給又建康都統制郭鈞等奏恭稟指揮行下諸軍
選差到諸曉農務耕兵一千人并部轄官二員小管押
二人監莊使臣合十人等逐一點看並係壯健之人照
得方有開奏請項內差總轄官一員緣今來所差耕兵
係兩司官兵本司乞於部轄將官內差一員兼充總轄
本司官兵事務正將一員崔彥部轄遊奕前右軍屯田

兼充總轄本司官兵事務副將一員劉秉文部轄中左後軍屯田小管押二監莊使臣一十七人醫人二人醫獸二人將司二人將官下白直二十人已上計一千四十七人又馬軍行司狀諸軍選差到耕兵一千人勘會雷世賢所乞耕兵等興工錢未轉運司已行管認老小盤纏等錢係在元降七萬五千二百貫內合據所差人數照應和州屯田體例支破其建康都統司耕兵興工等錢亦合一體詔並依其建康都統司正副將仰通行部轄并總轄官兵事務其馬軍行司部轄等人令照應體例開具奏聞 七月十四日詔無為軍屯田耕兵二千人開墾之初適值雨水可令趙汝誼每人持支犒設

錢五貫文其總轄兵將等仍與等第增給並以會子支
散具數申尚書省 十六年正月二十五日鄂州江陵
府駐劄御前諸軍副都統制江陵府駐劄閫世雄言奉
詔增廣措置屯田契勘屯田耕牛最繫利害而牛畜死
損不常若不隨宜措置未免時復申請支降錢物源源
不已竊見屯田每歲收成物斛官中與耕作軍人中停
分給今相度乞將逐年所收穀麥以十分為率內八分
依舊分給二分從總領所收糴支發價錢付本司置厝
收附專充買牛使用從之五月四日工部言淮南運判
王厚之奏准指揮無為軍屯田抽回耕兵令措置募民
耕種昨降指揮營田秋成委令尉監牧知通覺察外所

有今來租佃欲依營田例委自知縣縣尉管幹勸率開
耕籍定租佃之家合該夫力每年將埂岸增加修築遇
收成輸納即委令尉交受隨朝建橋積米一處橋管本
部照得已降指揮營田官莊州縣除橋出次年種子外
將初年收成課子官收四分客戶收六分次年以後即
中平均分今後請佃官莊並合準此內大麥稻穀充馬
料小麥雜豆等變轉價錢赴左藏庫送納乞下淮南潛
司遵守施行

光宗

宋會要

紹熙元年十二月九日知和州劉焯措置到本州屯田

事一見管屯田五百七頃耕兵千五百餘人今乞依古
法每五人授水田一頃陸田二三畝所有牛合六人為
一甲分田百二十畝通用牛二頭一併兵月糧乞徑以
稻折支每石止收三斗二升收割畢日每一歲合支口
食稻并稻子稻入官外其餘盡令耕兵就場分受前去
具通收之數申聞諸司如遇歉歲隨所得多寡一除耕
兵授田係膏腴田外其餘有百六十餘頃皆是次田自
合別立畝數却將所得子利令項椿管以一分給統領
將官作一歲糜費以二分支樞密莊官并白直入請受
以七分椿管專待歉歲支用如統制司無人可差即乞
募百姓耕種分收子利照前項施行一見管陸田五十

餘頃每年止是種二麥除出種子官收不過千四五百石乞令見管耕兵千五百人分種每人不得過三二畝其二麥作兩分平分及有雜色豆斛依此分收播充修葺斗門堰閘等一耕兵見管千五百九十二人內有使臣白直等九十二人乃是巡莊寨人數乞減省一半歸司其占破一半人併令耕作一屯田耕兵自創置以來不曾教閱今後乞於十二月初至次年二月以前委將官就莊閱習一每年收割乞自來年為始差州縣官同監一耕牛有倒斃差官開剝如牛隻數多許本州申諸司奏劾有孳生牛犢將未生時光聞本州注籍每人給錢十貫一乞省併總轄屯田統領官却令城下修城統

領一員兼領

詔並休內剩田措置召募百姓耕種充萬弩手分耕

既而煒又言剩

田令招弩手耕種照得屯田既罷凡田畝農具耕牛積穀倉教等並付弩手本州無甚煩費今耕兵一切存留唯有利田而已招募之初稅戶給五千客戶給十千上田許八十畝次田許百五十餘人人給一牛共百五十餘頭月糧三斛合借糧四千餘石已招到八十三人見踏二石二斗至二石四斗弩力並於城下置瓦屋四十間又就莊所置倉教二十間所有屯田軍兵併省田畝見管二百五十人今移此一軍併歸青陽創蓋寨屋四百餘間除耕兵百七十餘人在闕塘外自餘六軍有千三百餘人共二十一莊並在陳村東西青陽一處屯營

相望四十餘里兩項約用二萬餘緡乞於本州交割到錢內支撥從之五年二月二日臣僚言竊見和州屯田耕兵月糧自紹熙元年更革之後不於大軍倉支請却將諸莊每年所收稻先次樁留一歲月糧并種子外有餘方給不用向來四六分之例乞降指揮除耕兵月糧依舊於本州大軍倉支請外將每年所收稻穀除種子外以十分為率照舊例四六分給從之

寧宗

宋會要

嘉定元年八月十三日御史中丞章良能言竊惟今之經理兩淮獨有屯田一事若使行之可以富國可以強

兵可以寬裕民力今胡騎蹂踐數郡之民死於鋒鏑死於轉徙者十居七八不耕之田處處彌望若不乘此早加檢覈則強有力者必將廣行已占數月之後無復有在官者矣乞責監司郡守專意檢覈凡死亡逃移之田毋令妄冒承認各令供具管下見今實有戶口若干在官之田若干結罪保明備申朝廷乞令制置使司及兩淮監司郡守立限條具以聞詔限一月措置條具聞奏三年九月二十八日宰臣進呈京西運判王允初奏乞將襄陽屯田專一令安撫司措置上曰林琰亦論此事云邊上諸處區畫未盡丞相奏曰已立限令兩制置司詳度

宋會要

嘉慶十五年十二月十七日臣僚言竊惟屯田所急莫先蜀道自鄭劉中宣撫州峽首行經畫當時營田止二千六百頃歲入已二十三萬石遂罷西路和糴厥後豪將猾民私租承佃官失常入之課至淳熙初田及七千四百頃僅收九萬石近以籍沒逃亡增至萬頃止得十萬石田視厥初凡七八倍而租減於前者過半是官受營田之名利歸於豪猾之家前之專閭者目擊久弊奏行覈實所差之官不得其人利未入而怨多繼專閭者知其實怨併以往罷然田則官田也與其為姦豪私役曷若以代更戍之勞者饋運而足軍實厚保障而固民

志人人自衛其室家為利非一比歲屢經邊擾逃田未
入籍者其數又多徒為荒萊豈不可惜諸葛亮患糧乏
為渭上之屯乃克有濟其事利害灼然而數十年間或
倖或作或輟者止因主民主財各異其司議論不倖無
有專任其責是以竟不克成必須專置營田一司乃無
牽制朝夕得以究心經理今關表守令自以屯田繫銜
批書而視為具文豈可無以統之川秦茶馬本是二司
或併或分初無損益若以秦司就為營田之司仍兼茶
馬則見存解舍官屬吏胥不費增創乞下制總二司公
共參訂合行事件申取指揮先選廉幹之士各分屯營
名色照其定籍括其實數務要軍民著實耕墾不許姦

豪冒占庶官得實利民受實惠從之 十七年正月二

十六日都省言兩淮州軍雖各有見管營屯田頃畝數
目其間尚有荒閑逃絕及無力耕墾田土未能根括周
遍節次劄下州軍多方措置內無力耕種之家官司用
錢收買召募耕種重立賞格行下務要田畝不致荒蕪
合令本路監司提督詔令准東西湖北轉運專一提督
措置營屯田事繫銜仍遵照節次已行下事理嚴加催
督所部州軍多方措置召募耕墾將無力耕種之田一
而免夫有管官錢照價收買務要田土浸闢不致拋荒
仍每歲拘催州軍所收稻麥從實樁管具八月帳毋令
侵移失陷三月二十八日都省言節次已降指揮令兩

淮京襄根括逃絕荒闕田土充營屯田內有田業無力耕種之家官司給錢收買仍借給農具牛種募民耕墾令淮東西湖北轉運司專一提督措置營屯田事繫銜外合令逐司各添置提督營屯田司準備差遣一員專令任責措置根括收買能於已籍數外增廣數目並與照已立賞格一體推賞詔淮東西提督措置營屯田司各置準備差遣一員仍令逐司選辟經任有舉主無過犯選人充

宋會要

太宗

營田雜錄

事

凡諸路惟襄定唐三州有營田使或營田使通判亦同領其事而河北轉運使兼西路招置營田使河東轉運使兼東路招置營田使太宗端拱二年二月一日壬子朔月曆古錄二以左諫議大夫陳恕為河北東路招置營田使鹽鐵判官膳部郎中魏羽為副使右諫議大夫樊知古為河北西路招置營田使鹽鐵判官駕部員外郎索湘為副使欲大興營田也十二日詔曰農為邦本食乃民天遐觀載籍之攸言此實帝王之急務將令敦本無出勸農且思河朔之間富有膏腴之地法其井賦今作方田三農必致於豐穰萬世可知於利濟今遣陳恕

拱知古等河東轉運使藏丙副使孔憲充逐路招置營
田副使往彼興功春惟黎庶各有耕桑聞茲創置之言
諒積歡呼之意先是雍熙三年岐溝關君子館敗血之
後河朔之地農桑失業者衆屯戍兵又陪于往日故道
怒等為方田積粟以實邊怒傳云詔罷營田止葺堡壁
州東除于海多積水戎人患之未嘗敢由北路入寇順
安軍西至北平二百里地人忠之無隔閡每歲胡騎多由
此而入議者以為宜度地形高下因水陸之便建行陌
浚溝洫蓋樹五稼所以實地而康之民農桑失業者衆
兵收溝洫蓋樹五稼所以實地而康之民農桑失業者衆
且戍兵增一倍故遣兵等經營之想案奏成卒皆憤懣
食縣官一且使冬被甲兵春執耒耜思變
生不測乃詔止全葺營堡營田之議遂寢

至道三年七月太常博士直史館陳靖上言願募民墾田官給
耕具種糧五年外輸租稅帝覽之喜謂宰相臣曰前後上書

言農田利害者多矣或知其末而暗其本有其說而無其用陳靖此奏甚詣理可舉而行之因乞請對摺諭賜食而遣之呂端奏曰望令三司詳議其可否從之時皇甫選等相度宿亳陳蔡鄧許絳等七州荒田共二十餘萬頃及靖建議興置京東西諸州荒田招召人戶耕種選等乃上言請將所相度到七州荒田付靖一處興置臣等乞別賜差遣從之

宋會要 真宗

咸平二年四月轉運使景望奏置營田務二十四日以
左正言耿望為右司諫直史館京西轉運使朱台符並
兼本路制置營田事五月乙酉從其請每歲於屬州縣
借人牛夏又差耨田夫六百人刈稻夫千五百人歲入
甚廣是歲種稻二百餘頃汝州舊有而後轉運張選錄
務雍熙中發今復置望六百頃
作改其法召人戶四十一萬日選秦罷之未幾人戶請
免之務遂廢五年正月順安軍兵馬都監馬濟建議
自靜戎軍東擁鮑河開渠入順安威虜二軍置水陸營
田於其側詔可其請差內侍副都知閻承翰往彼勾當
興置仍令冀州總管石普護其後踰年而畢三月三日

京西轉運使張選言廢襄州鹽河營田務已召民請佃
量出租調公私使之此務前轉運使耿望奏置於荆湖
市牛聚兵耕作所得稻利不償其費復遣部民蠶變甚
有勞擾至是選奏罷之六年九月十三日莫州總管
石普等言淮詔浚靜戎順安軍界營田河道畢功詔獎
普等賜將士緡帛有差景德元年四月六日遣閤門
祇候郭盛等乘傳詣靜戎順安軍按視河渠與長吏等
同經度以聞先是周懷正齋順安靜戎軍營田河道圖
進呈帝參驗前後所奏異同自順安軍築堰聚水至靜
戎軍而靜戎地勢高阜慮勞而無功知靜戎軍王能又
言此河之北有古河道自靜戎至順安軍通流歲或兩

水亦通舟楫可以經度開導故遣盛往視之二年詔
緣邊州軍有屯田處長吏並兼置營田屯田事兼舊使
者如故

仁宗

先朝紀事本末
轉達使書是余
此

差與歛陽修為許遜行狀而所獲課利甚薄至是轉運使言其非便詔屯田員外郎劉漢傑與本路轉運司及二州知州通判同共規度漢傑上言比較襄州務自興置以來至天聖三年所得課利都計三十三萬五千九百六石九斗二升依每年市價紐計錢九萬二千三百六十五貫將每年所支監官耕兵軍員請受及死損官牛諸色費用凡十三萬三千七百四貫十三文計侵用官錢四萬一千三百四十二貫四十六文唐州務自興置至天聖三年所得課利計六萬四千九百三十一石四斗六升依每年市價紐計錢共二萬五千九百六十八貫五百三十四文將每年所支本務軍員監官請受

及死損官牛諸色費用計侵官錢萬四千三百六十八
貫一百一十四文故有是詔 寶元二年九月詔河北轉
運使自今並兼都大制置營田屯田事 慶曆元年十
月十八日詔陝西轉運司令空閑地置營田務候見次
第當議酬獎是月詔陝西用兵以來本路所入稅賦及
內庫所出留兩川上供金帛不可勝計而猶軍儲未備
宜令逐路都總管司經置營田以助邊計章如愚小堂
中詔流民耕廢田又詔長吏安集流亡及墾闢荒田計
畝慶曆中歐陽公謂沿邊閑田人欲請佃者聽之司馬
公請募民耕麟州田

二年正月十四日詔以同州沙苑監放牧田為營田

宋會要

慶曆五年二月詔并代路經畧司其奇嵐軍火山軍禁
地有閑田在邊壕十里外者欲請佃者聽之十二月詔
陝西西路總管及轉運並兼管田使轉運判官兼管營
田事

宋會要 神宗

熙寧三年六月七日知秦州李師中言王韶申欲於甘谷城等處未招到弓箭手空闕地一千五百頃乞差官從三五頃至一二十頃以上逐段標立界至委無侵犯蕃漢地土然後欲憑出榜依奉朝旨名人耕種緣本司先准中書省劄子王韶募人耕種止標撥荒闕地不得侵擾蕃部今韶乃欲指占極邊見招置弓箭手地有違詔旨臣恐自此秦州益多事所得不補所失蓋韶所獻議而朝廷即依所奏初未嘗令臣相度欲乞再委轉運使一員重行審定詔遣權開封府判官王克臣內侍省押班李若愚按實以聞七月十一日詔提舉秦州西

路蕃部及市易司王韶具析本所欲耕地千頃所在以
聞先是韶召對言邊事以為自成紀縣至渭源城荒土
不耕者何啻萬頃可撥千頃治之至是許之故有是命
十月二十二日詔前知秦州尚書右司郎中天章閣待
制李師中落天章閣待制降授度支郎中知舒州秦鳳
路都鈐轄皇城使帶御器械向寶落帶御器械為本路
鈐轄祕書省著作佐郎王韶降授保平軍節度推官依
舊提舉秦州西路蕃部及市易司初遣王克臣李若愚
按師中及韶所論市易利害及開田頃畝克臣等奏與
師中不叶而朝廷疑其不然復下沈起起奏韶所說荒
地不是的實處雖實有之然今來可檢踏召人耕種恐

西蕃諸族見如此興置以為朝廷招安首領各授以官
職料錢後令獻納土地人情驚疑則於招安之計大有
所害欲乞權罷墾田之議俟招安諸蕃各已信服人情
通順然後為之未晚於是侍御史知雜事謝景溫言近
聞起體量甘谷城弓箭手地稍多乞候邊事稍寧日根
括施行緣韶元奏自渭源城至成紀縣沿河良田不耕
者萬頃乞擇膏腴者千頃歲取三十萬石濟邊儲今甘
谷城去渭水遠非韶昔日所指之處乃以此為名避當
日欺妄之罪昨克臣若愚嘗奏無此閑田竇舜卿亦稱
但打量得田一頃四十三畝與起所奏各有異同而起
亦徇韶之情妄以他田為解附下周上乞降韶元狀遣

推直官一人往體量就推劾如有矯偽重行譴責御史
薛昌朝亦言韶妄進狂謀邀功生事今起體量多與克
臣等不同兼起妄指甘谷城地附會韶言乞以詔師中
前後所上文字及克臣起等節次體量事狀付有司推
劾各正其罪時中書謂起未嘗指甘谷城地通作韶所
言地之數而師中實前在秦州稽留朝旨奏報反覆實
與韶更相論奏各有曲直韶又以妄指閑田特有是責
其後知秦州韓縝按視乃言實有古渭寨弓箭手未請
空地四千餘頃乃復韶官如故 五年四月十日權發
遣延州趙高乞差通判范子儀及機宜官魏璋左文通
等根括閑地及提舉招置弓箭手從之先是高管勾本

路機宜文字上營田議曰昔趙充國興屯田以破先零
唐宰相妻師德嘗為檢校營田使而河西隴右三百六
十屯歲入六十餘萬石今陝西雖有曠土而未嘗耕墾
朝廷屯戍不可撤而遠方有輸納之勤願以閑田募民
耕種以紓西顧之憂上以其事下經畧安撫使郭遠達
言今懷寧寨新得地百里已募漢蕃戶使為弓箭手實
無閑田以募耕者故至是高復乞根括焉 七年三月
二十五日熙州王韶言乞以河州作過蕃部近城川地
招弓箭手外其山坡地招蕃兵弓箭手每寨五指揮以
二百五十人為額每人給地一頃蕃官兩頃大蕃官三
頃仍召募漢人弓箭手等充甲頭候招及人數補節級

人員與蕃官同勾管自来出軍多為漢兵盜殺蕃兵以
為首功今蕃官各情願依正兵例黥面或手背為弓箭
手字號訖更於左耳前刺蕃兵字詔止刺耳前字元祐
元年三月十八日詔罷十一月七日權提點秦鳳路刑
獄公事鄭民憲以熙河營田圖籍來對乃詔民憲兼都
大提舉熙河營田弓箭手今群官屬以集事熙河多美
田朝廷委興營田奏辟官屬共集其事至是始以其圖
籍入對九年正月十三日提舉熙河路營田弓箭手
鄭民憲言本路創置弓箭手深在羗境以歲荐飢未堪
着業若令自備功力種子耕佃公田即恐人心不能無
搖動乞候將來稍稔推行從之先是吳充言熙河經畧

雖定然軍食一切猶仰東州輓運則人力不給和糴則
猶民來時要價二者之弊在於未有土地之人按漢唐
實邊之策惟屯田為利近聞鮮于師中建請朝廷以既
置弓箭手重於改作故裁令試治百頃而已然屯田行
之於今誠未易惟有因令弓箭手以為助法公田似有
可為且以熙河四州較之無慮一萬五千頃十分取一
以為公田大約中歲畝收一石則公田所得十五萬水
旱肥瘠三分除一亦可得十萬詔差太常寺主簿黃君
俞赴熙河路與鄭民憲同商議推行次第故有是奏
十九日熙河路經畧安撫使言奉詔相度本路弓箭手
田土今提舉營田司將洮西弓箭手單丁耕種不及空

開田土即具逐州軍權差廂軍耕種官置牛具農器每人一頃令所屬堡寨使人道路巡檢主管趁時耕種成收入官於每年終將弓箭手并今來官中所種過田土比較優劣賞罰如弓箭手可以耕種即令依舊將名下地土耕種仍不管空閑看詳委實經久可行仍乞差主管河州農心水利兵馬鈐轄李浩均度田土措置聞奏從之 六月十九日權提點秦鳳等路刑獄公事兼都大提舉熙河路營田弓箭手公事鄭民憲言逃走弓箭手并營田地土昨多方設法召人請佃今來認租課乞許就近於本城寨送納仍特於蠲免支移折變從之 十年二月六日中書門下言熙河路相度官庄霍翔乞

先將熙城下營田見出租課地一百一十頃七十一畝
可以興置官庄及乞於見任京官選人使臣諸色人據
令用員數差請勾當今欲令且將熙州地差弓箭手分
學共治其所差官破與當直兵士京官士人選人使臣
五人效用三人如更有績發到土地依此施行從之

元豐元年二月九日都大提舉淤田司言京東西官
私瘠地五千八百餘頃乞依例差使臣等主管從之六
月一日京東體量安撫黃廉言澶州及京東河北淤官
地皆土腴乞募客戶依其土俗私出牛力官出種子分
收選曉田利官兩員詣京東河北計會轉運提舉二司
及逐縣令佐相度招募客戶自今秋營種並下司農寺

詳定條約從之令轉運司選官如係收地即令提點刑
獄司選差七月一日詔尚書主客郎書鄭民憲前任經
畫熙河路營田等有勞特陞兩任十月二十七日經制
熙河邊防財用司言四州軍依朝旨牒撥官莊田外乞
於近城更擇沃土二十頃為營田專差使臣等主管從
之二年二月二十九日總管熙河路邊防財用司言
岷州床川荔川間川寨通遠軍熟羊寨營田乞依官莊
例募永濟卒二百人其永濟卒通以十人為額以給十
六官莊四營田工役其請給並從本司自辦從之十二
月十八日詔開封府牧地可耕者為官莊從都大提舉
於田司請也三年二月八日提點永興軍等路刑獄

駕部員外郎王孝先知邠州孝先上淤田營田司自熙
寧七年至十年費錢十五萬五千四百餘緡六月十五
日都大提舉淤田司請以雍邱縣黃苗等十棚牧地為
官庄田從之五年二月十五日詔提舉熙河等路弓
箭手營田蕃部共為一司隸涇原路制置司許奏舉幹
當公事官一員准備差使使臣三員給公使錢千緡六
月四日熙河經畧安撫使言蘭州內外官屬法當撥地
為圭田今新造之區居民未集耕種人牛之具皆彊役
之乞計數給以錢鈔而留其地以為營田或募弓箭手
從之七月七日提舉熙河等路弓箭手營田蕃部司康
識言與兼提舉營田張太寧同議立法乞應新收復地

差官以千字文分畫經界選知農事廂軍耕佃每頃一
人其部轄人員節級及顧助人功歲入賞罰並用熙河
官莊法餘並召弓箭手人給二頃有馬者加五十畝營
田每五十頃為一營差諳農事官一員幹當計本司不
拘常制舉選人使臣請給依陝西路營田司法不滿五
十頃委付附近城寨官兼管月給食三錢千從之六年
十二月一日提舉熙河等路弓箭手營田蕃部司言新
復境土堡寨漸修築畢可興置營田內定西寨龕谷寨
輸木金堡四處營田見闕農作廂軍二百人部轄人員
軍典十九人乞依熙河路修城鳳翔府簡中保寧指揮
簡填闕額法計本司於秦鳳涇原熙河三路廂軍及馬

遞鋪卒選募人給裝錢二千從之七年七月十日知太
原府呂惠卿言邊事未息人兵未可全減莫若廣勸公
私耕種為急令若使邊地益墾則邊戍可益邊民稍蘇
無貴糴遠輸之患麟府豐三州兩不耕地可以時出兵
開墾伏詳橫山一帶兩不耕地無不膏腴過此即砂磧
不毛今乘羌虜未賓出兵防拓廣耕疾種因其蹂踐從
而掩擊漸移堡鋪向外把截則不須深入而拓地日廣
并可以招置漢蕃弓箭手承佃或營田軍以抵戍兵則
邊費省矣願推之陝西路詔陝西諸路經畧司詳酌施
行

宋會要 哲宗

元祐元年十月十八日照河蘭會路經界司言乞將新復呿噪川一帶地土依舊令定西城招置弓箭手耕種從之仍許於從來已耕占地土內耕種不得更有侵展別生邊事元符二年十月九日河東經界司幹當公事陳敦復言本路進築堡寨自麟石廊延南北僅三百里田土膏腴若以廂軍及配軍營田一千頃歲可入穀二十萬石可下諸路將犯罪合配人揀選少壯堪田作之人配營田司耕作從之二十五日樞密院言涇原路環慶廊延熙河蘭會河東路新復城寨地土例皆闕人耕種諸路廂軍若召募前去與免諸雜役使必有應募之

人從之三年九月二十七日提舉河東路營田司言準樞密院劄子本路新復城寨闕人耕種令京西淮浙等路應管廂軍赴經畧司分擘耕種今來諸路廂軍不會耕種陸田魚杭州等處廂軍尤更不耐本路田野寒凍已有疾病欲將京西等路并本路州軍發來耕種廂軍內委是不堪田作之人送本路州軍充廂軍京西等路廂軍或乞計口給券錢遣元差州軍從之

宋會要 徽宗

大觀三年二月二十一日臣僚言自復西寧州招置之
術失講勸制之法未興不取地利惟仰轉輸併力飛輓
增僧買糴僅濟目下之急潛滋久遠之其內外牽制莫
不窮已望速委帥臣監司講求弓箭手數足蕃部着業
之術或誘或拘責以耕耘田既墾則穀自盈募既充而
兵益振矣詔熙河洮岷前後收復歲月深久得其地而
未得其利有民而未得其用地利不闢兵籍不敷歲仰
朝廷供億非持久之道覽所奏陳頗究利害之原可令
詳究本末條畫來上其後政和五年知西寧州趙隆請
引宗河水灌溉本州城東至青石峽一帶川地數百頃

從之

宋會要高宗

紹興元年五月二十三日沅州言本州熙寧七年創置為郡自後拘籍地土撥充屯田作營田其餘召人請佃租米約有萬計遂措置括係官田標給分數招置刀弩手共十三指揮計四千二百八十一人自靖康調發往往不還自建炎四年至今並無顆粒應副支遣今將闕額刀弩手荒閑田權召承佃濟助歲計乞許本州揀選招填補及二十人教習武藝防遏邊疆候將來承佃安居樂業別具條陳從之二十六日荆南府歸峽州荆門公安軍鎮撫使兼知荆南府鮮潛言本鎮所管五州軍一十六縣絕戶甚多見拘收通舊管諸色官田不可勝

計今盡荒廢可惜見一面措置屯田召人耕墾分收子
利已恭依分鎮便宜望詔旨移牒直秘閣宗綱權屯田
使樊賓權屯田副使措置就緒日相度減罷伏望詳酌
施行已降指揮許置荆南府歸峽州荆門公安車鎮撫
使司同措置營田官各一員今解潛奏辟詔宗綱差充
荆南府歸峽州荆門公安軍鎮撫使司措置營田官樊
賓差充荆南府歸峽州荆門公安軍鎮撫使司同措置
營田官餘依八月二十三日臣僚言應變權宜莫如屯
田之利今師徒所聚多緣糧餉乏絕輒致逃亡寔成鈔
掠然而願耕者衆要須朝廷有以處之唐李泌當肅宗
時關中新遭安史之亂關東戍卒多欲遁歸泌建屯田

之策市耕牛鑄農器給田以耕歲終則官糶其餘成卒
乃定邊備益修其後德宗奉天之難陸贄亦獻此謀粗
如泌策依劬趙充國舊制越時便事雖有不同要其成
功均於兵食兼足東南之地雖非關中之比今沿江兩
岸沙田圩田頃畝不可勝計例多荒閑近者張琪占據
蕪湖圩田兵食遂足繼緣迫逐決水灌田舊圩盡壞曩
時官得歲課數萬石一旦失之旁侵民田為害更甚及
聞趙霖於和州境內屯集耕墾頗亦有方屯田之利無
可疑者臣欲望朝廷委能臣先於沿江南岸與州縣官
同共相視檢察元係官田見無佃戶耕墾委是荒閑去
處計度頃畝條畫利害團甲多寡之數營屯向背之宜

參酌古今務令簡便朝廷更加詳酌決可施行然後置
營田使以統之與安撫大使參照其事募兵若民以耕
權撥一年折帛錢以為本錢市耕牛農器種糧之屬及
為歲終收糴之資使募之人出則戰入則耕食足兵強
指日可冀勘會兩浙淮南州縣昨因兵火之後民間荒
廢田土甚多雖合倣古屯田之制募人耕鑿緣難以遙
度措置欲委官躬親前去相度措置條具利害以聞從
之九月二十七日臣僚言嘗被旨令條畫屯田利害臣
退而考閱自井田廢而阡陌開至漢昭帝始元二年詔
廢習戰射士詣朔方調故吏將屯田張掖郡始有屯田
之令其後宣帝時趙充國擊先零羌乞留屯田以困羌

條上十二便宜果足以克羌自後更三國六朝若曹操屯於許下諸葛亮屯於渭濱鄧艾屯於淮南羊祜杜預屯於荆湘應詹屯於江西荀羨屯於石贛皆有見効其遺跡可考也隋唐以來頗采舊聞行之至今沿江諸郡尚有屯田稅租之名則江浙亦嘗屯田矣本朝自淳化以來始用何承矩措置北邊屯田開塘濰之利以限北虜相繼西北二邊益廣屯田至淮南京西夔路等處率常行之天聖二年有上封事乞責福建路屯田監察御史朱諫上言以為此田耕墾已四十餘年雖有屯田之名父子相承以為己業乞罷估賣則知屯田嘗行之福建矣今陛下將議興復之圖暫駐清蹕經營四方欲因

沿江荒閑之田募人耕屯用為籬落兼實儲餉此誠計之得也今將古今屯田利便可施於江浙者纂其大畧附著于篇號曰屯田集議謹錄上聞今開列如左臣前件條畫蓋考之國史之所載叅之土俗之所宜不拂於今不悖於人伏望聖慈時因萬機之暇特賜省覽儻或一介芻蕘之見有足以備採擇欲乞付外叅酌諸臣之議而行之庶幾輯寧失業之民休養更戍之卒壯兵威資國計一舉而兩得之豈曰小補詔令戶部限兩日勘當申尚書省二十八日臣僚言契勘程興軍中比年以來依倣屯田之法開闢隴畝勸督耕耘將欲就緒欲望督責諸鎮各從方俗之便速舉屯田之法務農重穀以

為儲積則糧食皆足軍聲益張詔令工部與今年九月
二十七日已降臣僚上言屯田利害指揮一處叅酌以
聞十月十三日臣僚言屯田之利宜先招集流散之民
使之復業民力既豐則可以為用其民力不足之處及
官田逃田方可募兵以耕近見王實措置詳於兵而畧
於民恐有侵奪遂失本意望付之大臣令實等子細商
量勿於經理之初先失民心以妨大計從之十五日河
南府蓋汝唐州鎮撫使措置營田官任清直言伏見河
南殘破民之歸業者未衆其所營田全籍軍兵如創置
營田官恐力微難以號令欲乞特令翟興帶領營田使
庶易於措置仍乞將措置到事先次施行續具已施行

畫一申奏又營田官未審於本鎮官如何序位詔並依其序位依帥臣下屬官例施行同日江南西路安撫大使李回言江州南康興國軍界赤地千里無人耕種乞依淮南兩浙路專委監司措置營田詔依仍令帥臣同共措置十一月十四日荆南府歸峽州荆門公安軍鎮撫使解潛言辟差公安知縣承議郎孫倚措置營田倚任內布種率先辦集於民不擾比之一路頃畝最多既効忠勤宜加褒賞詔孫倚可特轉兩官建炎以來朝野雜記營田者紹興元年解潛為荆南鎮撫使以所管五州絕戶及官田荒廢者甚多乃以便宜辟直祕閣宗綱為屯田使召人使耕分收子利乃以聞詔以綱為鎮撫司營田官

渡江後屯營田始此其後荊州軍食多仰給於營田省
縣官之半焉其秋遂命河南淮南措置屯田九月庚申
已而河南鎮撫司營田官任直清言河南殘破民歸業
者尚罕所創營田全籍軍兵恐力微難以號令請命鎮
撫使翟興兼營田使時諸鎮尚未就緒獨公安令孫倚
謦田辦集遷官蓋解潛為帥故也 紹興二年二月七
日三省言傳崧卿乞淮南營田減租課文字因奏其說
可行使使未收租課但得人人耕種家家積粟即是人
主之福緣人主與人臣不同人臣有東家西家之異人
主以天下為家何有彼此上曰百姓足君孰與不足卿
言極是三月十日淮南東路提刑兼營田副使王實言

被旨措置營田勸誘人戶或召募軍兵請射布種今相
度先將根括到江都天長縣未種水田一萬六千九百
六十九頃陸田一萬三千五百六十六頃分撥諸軍趁
時耕種詔權許侯有人戶歸業識認日申取朝廷指揮
四月二十四日臣僚言竊見朝廷講屯田之策久矣畧
未見有所施設願詔劉光世軍中將校有能部卒伍就
耕者優加爵賞歲入悉分其衆自餘曠土益募民開墾
每能率三五百人或千人乃至數千人遞補以官三歲
勿賦則所在土豪及懷歸之人自當有應募者事成皆
許優與遷轉利之所在人所樂趨雖使之自戰自守可
也今歲閏四月福田或尚可種唯早圖之詔劉光世措

置施行七月九日德安府復州漢陽軍鎮撫使陳規言
屯田營田人戶荒田及逃戶官田被人指射及軍兵耕
種者限二年識認已種者候收畢給之過限者官司並
不受理工部言人戶自軍興後來流移遠方道路梗塞
竊慮於限內未能歸業欲下本鎮立用三年從之二十
四日左司諫吳表臣言鎮撫使陳規措置屯田事件甚
有條理委是究心乞下本鎮將府縣兼行官吏措置勸
諭最先宣力之人具名來上特與推賞其陳規仍降勅
書獎諭詔曰勅陳規卿體國盡忠守藩稱治當中原之
未定念南畝之多荒兵食弗充農收蓋寡乃別營屯之
制用興稼穡之功軍民不雜而無爭畔之詞官吏不增

而無加廩之費得魯侯之重穀同漢將之留田東作西
成居有安生之利緩耕急戰人懷赴敵之心條理不煩
施設可法載觀績効深用嘆嘉故茲獎諭想宜知悉八
月十二日樞密院言淮南州軍見屯軍馬措置防秋難
以行營田竊慮糧食未濟理宜資助詔傳崧卿斟量逐
州人兵多寡量行應副錢糧接濟軍用十一月四日中
書門下省言直徽猷閣充和州無為軍鎮撫使趙霖近
措置營田等事已降指揮與轉一官依條止合減四年
磨勘詔霖久在江北委有勞効與轉行一官十八日中
書門下省言建康府江南北岸荒田甚廣詔令孟庚韓
世忠措置將兵馬為屯田之計體倣陝西弓箭手法所

貴耕植漸廣以省國用以寬民力十二月二十八日臣
僚言伏覩德安府復州漢軍鎮撫使陳規措置屯田事
頗有條理深得古寓兵於農之意欲望將陳規所由畫
一令淮南諸鎮撫使依做而行之其府縣勸諭宣力官
吏令逐鎮保明推賞詔委都司檢詳官叅照陳規申請
畫一并前降指揮限十日條具以聞同日中書門下省
言湖北江西浙西路對岸荒田尤多理合隨所隸一就
措置詔湖北委劉洪道江西委李回江東委韓世忠浙
西委劉光世措置仍令都督府總治三年二月七日左
司員外郎張綱等言被旨委都司檢詳官叅照陳規申
請營田并臣僚獻議今條具下項一看詳應屯田官掌

營種屯田管句會功課其諸鎮亦兼營田使今來陳規所陳屯田營田分為二事未合古制欲乞應諸路安撫使鎮撫使各兼營田使今將陳規畫一叅酌逐鎮風土所便一面措置施行一陳規畫一內稱將逃亡戶絕官田推行屯田之法其有屯兵墾耕不盡之田若輕其賦租召人耕種可以助軍儲資國用招集散亡無歸之民惟軍與民不可使並耕作庶不致交爭今看詳諸鎮地多曠土宜先務招集失業之民輕立課租使就耕作其餘地分別軍兵勸誘耕墾仍相度地形險隘遠近酌中處置立堡寒遇有寇盜則保聚在寨禦捍無虞則乘時田作其兵與民各處一方不得交雜庶得相安民漸歸業

一陳規措置將人戶荒田令軍兵及召百姓耕種若人戶歸業縱寇盜未熄亦合給還今看詳諸鎮全在招集流移早使歸業所亡田產自今即時給還若有已撥在兵屯田內難使雜耕仰歸業人戶詣官司投陳為照驗已有民戶耕鑿多處依數撥還仍不得以瘠薄田充數如是民戶歸業漸衆亦令依軍兵法於地形險隘遠近酌中處置堡寨屯聚以備盜賊一陳規措置先將近城官田荒田做古屯田之制令官吏弓兵民兵等各自耕種漸見次序今看詳欲徧下諸路安撫使各隨本處風俗所便依做陳規畫一事件各務多方隨誘官吏軍民等乘時耕鑿或有流寓寄居及形勢戶自來於法不許

承但官田之人亦許出租耕佃務要田土廣闢不致荒
廢一陳規措置將弓兵等留一半守禦餘一半少增錢
糧令耕種荒田其牛具種子以官錢支用所得物斛並
以入官如遇田事忙時則將所留軍併就田作若有軍
事緊急則權罷田作併充軍用今看詳欲下諸路安撫
使仿依陳規事理更合參酌本鎮臨時事宜勸誘軍兵
耕作如遇農忙時一面守禦人併就田作時亦合增支
錢糧如至秋成所得物斛於內依做鋤田客戶則例亦
合分給斛斗以充犒賁外餘並入官庶知激勸樂就南
畝一陳規措置見出榜名人投狀經官指射耕種閑田
內外田每畝秋納粳米一斗陸田每畝夏納小麥五升

秋納豆五升今看詳欲下諸路安撫鎮撫使依倣陳規
立到租課數目更切參詳本鎮地土瘠肥官司曾無借
給牛具種糧及歲事豐荒土俗所便隨所收種斛斛臨
時增減着中數目拘收租課務要便民一陳規措置人
戶指射官田荒田耕種滿二年不拖欠租稅並充已業
聽行典賣經官印契割移昨紹興二年七月九日已得
旨展作三年今看詳欲下諸路安撫使鎮撫使遵依已
得聖旨指揮多出文榜勸誘人戶施行一陳規措置人
戶荒田及逃戶官田被人指射耕種及軍兵耕種者立
限二年歸業識認已種者候收畢給之過限者官司並
不受理昨紹興二年七月九日已得旨展作三年今看

詳欲下諸路安撫使鎮撫使遵依已得聖旨指揮多出
文榜召人歸業仍逐旋具已招誘到歸業人戶數目供
甲朝廷一陳規措置依所得朝廷指揮置營田司所有
屯田事務營田司兼行營田事務府縣官兼行更不別
置官吏今看詳欲下諸路安撫使鎮撫使依此遵稟施
行一臣僚上言考之周制一夫授田百畝李惺謂一夫
挾五口以耕百畝趙充國人授二十畝蓋不計其家之
食也本朝於京西淮南屯田則人授百畝則太多裁為
中制可人授二十畝如充國之議一家五人同授田亦
足以得百畝今看詳諸鎮荒田甚多惟患人力不足兼
地有肥瘠不同難以一定概立定畝數欲下諸路安撫

使鎮撫使各恭酌本鎮地名高下量度人力數授以田畝務要力耕不使鹵莽所是召人承佃荒田亦不須限定頃畝聽人戶量力投狀請射一臣僚上言屯田合用耕牛今看詳近緣盜賊屠殺例皆闕少江北諸鎮殘破日久絕無販賣牛畜合隨宜措置制令諸鎮勸誘兵民做做古制用人耕之法每二人拽一犁初時雖稍費力及其成熟工用相等欲下諸路安撫使鎮撫使詳酌勸諭施行一臣僚上言凡授田五人為一甲別給菜田五畝為廬舍稻場今看詳欲下諸路安撫使鎮撫使照應今來臣僚上言恭酌本鎮土俗事宜措置施行一臣僚上言募民以耕免其身役及折變及民耕應出官租初

一年免其半次年依本法今看詳募民請佃之初理宜寬恤委是利便欲下諸路安撫使鎮撫使參酌施行一臣僚上言兵屯置屯主一員以大使臣為之民屯縣令主之以歲課多寡為殿最今看詳欲下諸路安撫鎮撫使開具推行月日每至歲終仍具所委官職位姓名招誘墾闢到田畝實數供申朝廷如招集到歸業人戶數目及兵屯民屯稍見就緒去處乞優與陞擢庶使有以激勸一欲乞諸路安撫使鎮撫使除依陳規畫一并今來看詳事理施行外逐處如別有利便即仰合隨土俗所宜具事因以聞並從之 紹興三年二月八日詔通直郎德安府節度推官韓之美右修職郎德安府司法

參軍胡概秉義郎閤門祇候就差知德安府孝感縣事
韓通進義校尉王植下班低應袁式詔各與轉一官資
內選人比類施行以陳規保明措置田事最先宣力故
也四月四日太尉武成感德軍節度使充江南東西路
宣撫使韓世忠言契勘陝西因叛建州軍城寨之後應
四至境內田土盡得係官即無民戶稅業交雜其間其
田荒隙遂招致土人充弓箭長行每名給地二頃有馬
者別給額地五十畝率空地八百頃即招集四百人立
為一指揮一境之中均是弓箭手自相服從今內地州
縣田土皆係民戶稅業雖有戶絕逃棄往往畸零散漫
若便依做陝西法標給須合零就整轉數分撥其田遠

近不同既不接連難相照管又如去城百餘里外給地付之軍兵使混雜莊農養種切慮生事今相度欲先將建康府管下根括到近城荒田除戶絕逃田一面措置耕種外其有主而無力開墾者散出文榜限六十日許人戶自陳頃畝着實四止如情願將地段權與官中合種所用人戶牛具種糧並從官給候收成日據地段頃畝先次依本色供納二稅及除豁牛具種糧其餘據見在斛斛量給地主外盡給種田人候至地主有力耕時赴官自陳即時給還元業若限滿不自陳即依逃田例直行操撥庶幾不致荒閑田畝軍民兩有所濟并契勘人戶願與官中含種地段若伺候將來收成除豁二稅

種糧外據現在臨時量給竊慮地主要稱鄉原舊例過
數邀求今欲於人戶自陳日即便議定據將來實收到
斛斛除上件出豁外以十分為率內二分給地主若稱
所給數少不願官種者即具村保姓名開排地段送本
縣置籍收係田雖荒閑須管依條限催理二稅無令少
欠庶幾地主不敢僥倖妄有希求都督府言勘會今已
二月間候朝廷指揮方立限許人戶投狀與官中合種
深恐已過布種時日轉致荒蕪已將昨因兵火逃亡未
曾歸業見今荒田令世忠先次措置召人承佃耕種其
合納稅租第一年金免第二第三年以下分為率各與
免納五分三年外依舊全納田主歸業自種在五年內

者聽依已布種法見佃人收畢交割五年外不歸業者
聽見佃人為主庶幾不致荒閑失陷二稅已行下世忠
照會施行如蒙俞允依湖北江西浙西未歸業逃田並
乞依此施行戶部勘當欲依都督府奏請事理施行如
有人戶歸業即依去年四月十八日已降指揮年限理
認即時給還內已布種者收畢交割并下江南東路轉
運照會仍乞令湖北江西路疾速措置具利便申取朝
廷指揮從之五月二十五日新權發遣承州劉寓言竊
見朝廷屬意營田今乞本州自行措置牛具種糧將管
下民間請射不盡田土開墾種蒔所收地利專用贍軍
並依民間請射體例仍自紹興四年夏料為始若淮南

諸郡依此措置年歲之間便見儲峙豐積乞付有司行
下其諸州當職官能究心措置功效顯著者後加激賞
詔依奏即不得侵占有主民戶田土十月十日臣寮言
營田召募民耕乞免徭役及科配詔人戶如自己業田
自今依法其屯田營田並行蠲免建炎以來紹興三年
韓世忠為江東宣撫使上命措置建康營田世忠言沿
江荒田雖多太平有主難以如陝西例請募民承佃蠲
三年租滿五年不言給佃人為世業於是詔湖北浙西
皆如之田租初年全蠲次年半減尋又免科配徭役自
此營田專用諸民矣紹興四年四月十五日知廬州兼
淮南西路安撫使陳規言乞令本州措置招召効用人

各令種田并軍兵情願者聽不限人數從之八月五日
侍御史魏弘論淮東西屯田利害上謂輔臣曰招集流
離使各安田畝最為今日急務遂舉鴻鴈美宣王之詩
謂中興基業實在乎此胡松年對曰古人圖必成之功
為必取之計於是有屯田若趙充國破先零羊祜守襄
陽是也朝廷行屯田累年除荆南解州措置其餘皆
成虛文無實効上曰卿論實効極是松年復對曰漢宣
之治總核名實信賞必罰而已矣天下事若因名以責
實無有不治者屯田一事猶不可欺一歲耕墾田畝若
千收穫幾何便足以稽考上曰卿等可商議條畫來上
當力行之六日後殿進呈朱勝非條具屯田利害劄子

言今日之兵既令執兵又令服田終歲勤勞所得如故
未有可者上曰古者三時務農一時講武農即兵也兵
農之制一分恐不可復合勝非所陳甚善可使施行孟
庾等對曰淮南收復今已數年守令豈不欲招徠流離
但復業者未甚多恐自此兵日以衆食日以廣不易供
給更容臣等與勝非就議上曰不可既行下光世世忠
軍中却使之以難行為訴復議更改則朝廷命令自為
反覆庾等曰謹稟聖訓九月二十六日主管江州太平
觀朱震言荆襄之間沔漢上下膏腴之田七里餘里襄
陽之北土宜麻麥古謂之租中若選用良將民所信服
者領部曲駐漢上招集流亡務農重穀寇至禦之寇退

則耕稼不過三年兵食自足觀釁而動復陵寢清宗廟
以濁河為限傳檄兩河則中興之業定以逸待勞之道
詔關與都督府五年閏二月二十八日諸路軍衙事都
督行府言淮南東路宣撫使韓世忠言見措置屯田乞
取買耕牛趁時耕種今措置下項一浙東福建係出產
牛去處欲令兩路收買水土一牛頭並依市價委稅務
官一員置場和買限三箇月數足一逐路買到耕牛每
一百頭作一網起發日行三十里選差兵士二十人將
校綴節級及各一名管押赴淮東宣撫使司交納仍每
頭用牌子標號齒口格尺別用申狀依此開具令宣撫
司照會交割以防換易一牛網所至去處並仰依數應

副草料不得違滯一合千人並仰如法餵養不管瘦損
每綱交納了畢如倒死不及五釐將校節級並與轉一
資管押人支賜銀絹各一兩匹如死損過分從杖一百
科罪仍依元買價賠償詔令張傑措置收買一千頭餘
依 三月二十八日諸路軍事都督行府言光州收復
之初方奉行警田之法合量行接濟布種欲望朝廷依
壽春府例支降江南東路空名度牒二百道付本州收
買耕牛從之同日權發遣秦州邵彪言淮南人戶逃竄
良田沃土悉為茂草今將警田司應有人請射荒田並
許即時給付每畝依元降指揮納課子五升田土瘠薄者並與減
減耕種五年仍不欠官司課子許認為已業限外元主

識認或照驗明白即許自踏迹荒田指射以為已業如是五年內歸業即許佃人畫時交還不得執占已種者

候收成了給還已施行者

謂耕墾熟成起產種桑之類

量出工力錢

還佃人今來措置如可施行即乞明坐指揮鏤板榜示庶得民間通知着業者眾從之四月二十一日臣察言荆南鎮撫司百姓自有耕牛者除輸納賦稅外不得抑勒耕種營田其營田許募民間情願種者官為給借種糧每一耕牛納課一十石納課稍輕民自應募庶使百姓歸業公私兩便詔依劄與諸路帥司八月二十四日內降德音應潭郴鼎澧岳復州荆南龍陽軍循梅潮惠英廣韶南雄虔吉撫州南安臨安軍汀州管內已降指

揮人戶附種營田并主戶下客丁官中科種收課數多緣此流移未肯歸業應人戶已請官種種苗在地比每年減半送納自來年並免附種并諸軍預先抑勒俵散和顧栽插人工錢奪其工力益見困乏已令諸軍不許預俵顧夫錢尚慮不切尊稟仰荆湖北路安撫轉運使依所降指揮施行毋致違戾仍仰帥臣監司常切遵守戒諭諸軍不得抑勒預俵工錢如違仰憲司收勘聞奏荆湖人戶耕牛已降指揮與免拘集并已請官種種苗在地者減半送納官課自來年更不科種營田仰安撫司檢察州縣不得科數十一月二十八日知荆南府充荆南府歸峽州荆門軍安撫使王彥言被旨荆南營田

一司並罷今安撫司措置耕種今計置到黃水牛一千七百餘隻及修置應干合用農具足備盡已踏逐操縱定合種水陸田頃畝並係膏腴止緣創行開鑿倍費工力兼已令下手破荒冬耕及修築堤塘開決陂堰以待來春依時布種詔今王彥更切多方措置務要耕種日廣補助國計十二月一日詔臣寮陳請乞淮南東西川陝荆襄等路行屯田之制令學士院降詔曉諭諸師詔曰勅襄陽府路帥臣朕考觀古昔斟酌時宜欲豐軍食之儲必講屯田之制故充國經畫於金城而無得十二使之利曹操始用於許下而遂收百萬計之饒先積粟以為資乃厲兵而為戰況今寇戎未定靖征戍方興賴

將帥之同寅致士卒之樂附顧尺籍所隸之數日以增多而經賦所入之常歲有定限既不可剝下以取給固莫若興田而力耕卿等叶志合謀悉忠體國率勵衆士和叶一心勿憚朝夕之勞共建久長之策故茲詔示想宜知悉八月詔吳玠於梁洋及關外成鳳岷州措置官莊屯田今已就緒漸省饋運以寬民力亮茲忠勤深可嘉尚可令學士院降勅獎諭十五日中書門下有言淮南東西川陝荆襄等路已降詔旨曉諭諸帥行屯田之制其諸帥下屯田事務未曾專委官措置詔淮南西路宣撫使司差李健淮南東路宣撫使司差陳楠江南東路宣撫使司差都漸川陝宣撫使司差陳遠猷湖北襄

陽府路招討使司差李若虛荆南府路歸峽州荆門軍
安撫使司差李旼並兼提點本司屯田公事二十六日
諸路軍事都督行府言江淮等路分撥措置屯田詔差
屯田郎官樊賓量帶人吏候都督府行出使日隨逐前
去措置其合施行事一面條具供申新紀紹興五年十
一月丁酉王觀察彥為荆南帥言已措置營田八百頃
自蜀中買牛賦民多方措置先是言屯田者甚衆而行
之未見其效紹興六年正月二十一日尚書右僕射都
督諸路軍馬張浚言被旨往川陝視師及因就沿江措
制軍事所有屯田事務已蒙朝廷差屯田郎官樊賓隨
逐前去緣措置之初申審有部竊恐留滯欲望應屯田

事務並申行府候就緒日歸省部施行從之同日上宣
諭輔臣曰前日三大帥屬官陳楠等引對朕諭以朝廷
贍養大兵之久國用既竭民力已困切須專意措置屯
田此亦自古已成之効况軍中亦須先立家計若有機
會方圖進取臣鼎等曰如此措置社稷幸甚同日都督
行府言已差屯田郎官樊賓措置屯田緣畫之初事務
繁多詔令王弗國共措置二十八日都督行府言江淮
州縣自兵火之後田多荒廢朝廷昨降指揮令縣官兼
管營田事務蓋欲勸誘廣行耕墾緣諸處措置不一至
今未見就緒今改為屯田依民間自來體例召莊客承
佃其合行事件務在簡便今條具下項一將州縣係官

空開田止并無主逃田並行拘集見數每縣以十莊為
則每五頃為一莊召客戶五家相保為一甲共種甲內
推一人充甲頭仍以甲頭姓名為莊名每莊官給耕牛
五頭并合用種子農器計值本有穀即錢每戶別給菜田十
畝先次借支錢七十貫仍令所委官分兩次支給春耕月支
五十貫每田分作二年兩料還納更不出息若收成日
願以斷料折還者聽仍比街市增二分即如街市一貫
二其客戶仍免諸般差役料配一應有官莊州縣守倅
縣令並於勸農字下添帶屯田二字縣尉專一主管官
莊四字仍差守分貼司各一名於本縣人吏內輪差一
年一替依常平法支破請給一每莊蓋草屋一十五間

每間就每一家給兩間餘五間准備頓放斛斗其合用
錢三貫每
農具委州縣先次置造仍具合用耕牛數目申行府節
次支降一每莊標撥定田土從本縣依地段彩畫圖冊
開具四至以千字文為號申措置屯田官類聚繳申行
府置籍抄錄一收成日將所收課子除撥出次年種子
外不論多寡厚薄官中與客戶中停均分一今來屯田
所招客戶比之鄉原大改優潤係取人戶情願即不得
強行差抑致有騷擾其諸軍下不入隊使臣及不披帶
揀退軍兵有願請佃者並依百姓例仍別置籍開具一
州縣公人等如敢因事騷擾官莊客戶及乞取錢物依
法從重斷罪外勒令罷役仰當職官嚴行禁止如有容

縱當議重作施行一逐縣種及五十頃已上候歲終比
較以附近十縣為率取最多三縣令尉各減二年磨勘
其最少并有閑田不為措置召人承佃者並申取朝廷
指揮知通計管下比較賞罰一收成日於官中收到課
子內以十分為率支三釐充縣令尉添支職田仍均給
一今來招召承佃官莊如有願就之人仰諸有官莊縣
分陳狀以憑操撥地分支給其縣令尉能廣行勸誘致
請佃之人漸多當議推賞一今來措置官莊除湖南北
襄陽府路見別行措置外止係為淮南江東西路曾經
殘破州縣有空閑田土去處依今來措置行下一諸處
土宜不同如有未盡未便事件仰當職官條具申行府

詔從之。劉下樊賓王弗疾速施行。仍散榜付諸路曉示。同日屯田郎中樊賓等言。被旨措置江淮等路屯田。今乞以諸路軍事都督行府措置屯田為名。欲於階衙內帶行。仍令行府劉下諸路安撫使并逐路監司。遇有承受文字。並限一日回報。如違當職官吏乞重賜施行。若奉行減裂。乞行取勘。從之。二月三日詔淮南西路兼太平州宣撫使劉光世。淮南東路兼鎮江府宣撫使韓世忠。江南東路宣撫使張俊。並兼營田大使。荆湖北路襄陽府路招討使岳飛。川陝宣撫副使吳玠。並兼營田使。四日中書門下省言。江西南湖。南安撫制置大使已降指揮。並兼本路營田大使。詔令逐司於叅謀叅議官內各

選一員具名以聞令兼提舉本司營田公事同日中書
門下有言知鄂州主管湖北安撫司劉子羽荆南安撫
使王彥淮東安撫使葉煥知廬州主管淮西安撫司趙
康直並已兼營田使詔知鎮江府主管沿江安撫司李
謨知建康府主管江東安撫司葉宗諤利州路安撫使
郭浩襄陽府路安撫使張旦金均房州安撫使柴斌並
兼營田使七月措置營田樊賓等言若有元地主歸業
令州縣驗實許歸業人別行指射鄰近荒閑田土依數
撥還充已業佃戶五家相保為一莊若未及五家許先
次相保於本莊內據佃戶撥田耕種俟佃戶數足依已
降指揮從之十六日通判揚州兼管內勸農屯田事劉

時言今將州縣係官空閑田土并無主逃田並行拘集
竊見常平司所管田產自有專法不許他司取撥今未
審許與不許撥充官莊詔常平司空閑田土亦合撥充
官莊二十四日殿中侍御史周裕劄子言兵者民之所
恃以安民者兵之所恃以養故兵當處乎外民當處乎
內今欲使民兵並耕則不能無侵擾之患臣以為宜先
使民後使兵必無願耕之民然後用陳退之兵如此則
兵民各得其所而他日無督索之勞此設施之序也望
令付屯田官一就施行詔劄與措置屯田官并關都督
行府二十五日江南東路安撫使司言本司合於屬官
內選差左朝請大夫直顯謨閣添差奉司參議官馬觀

國兼主管本司營田公事從之三月一日江南西路安撫制置大使兼知洪州李綱言乞於淮南襄漢宣撫招討使各置招納司以招納京東西河北之民明出文榜厚加撫循有未歸者撥田土給牛具貸種糧使之耕鑿許江湖諸路於地狹人稠路分自行招誘而京中人兵願耕者聽詔今都督行府措置十七日都督行府言諸路宣撫安撫大使各令帶營田大使諸路安撫並帶營田使緣行府措置屯田官及江淮等路知通縣令見帶屯田二字竊慮稱呼不一欲並以營田為名從之四月十五日詔泉州簽判曹紳福州節推龔濤各與減二年磨勘漳州知州馬騭通判趙不棄興化軍判官趙不疑

各與減一年磨勘內選人比類施行以措置依限買發
耕牛故也二十八日都督行府言營田莊並已支給耕
牛借貸糧種屋宇農具之類將來收成合計五頃所得
子利官中與客戶中平均分緣今歲法行之初佃戶耕
種未遍欲將所收子利不計頃畝止以今歲實收數除
播出次年種子外官中與客戶中平均分謂如實收一
石官中客戶
斗各從之同日都督行府言江淮州軍并鎮江府閑田
逃田依累降指揮即不得強科抑勒保正長及一概占
充營田如有均科大戶耕佃官莊去處日下改正如違
許人戶詣本路監司陳訴具當職官吏姓名重作行遣
及有標已耕已業熟田去處許人戶陳訴依實改正今

日已後人戶踏逐到田令量力開耕隨時布種竊慮州縣奉行違戾却成民害今欲乞下營田州軍將畸零田土如人戶情願承佃即依官莊法若大段不成片段令別項椿管仍申嚴行下常切遵守許人戶陳訴從之五月二十日尚書右僕射都督諸路軍馬張浚言湖南累經殘破田多荒蕪近本路安撫制置大使呂頤浩乞錢一十萬貫措置營田望許行府那融應副從之六月九日荆湖南路安撫制置大使兼知潭州呂頤浩言湖南一路流移甚多曠土不少欲望今本路諸縣令佐同管營田職事踏逐拋荒田土權暫耕種及今本路營田官與轉運司同共相度條具耕鑿事務敷奏趁來年春作

種植如將來有人戶歸業及戶絕有人識認請佃即時
給還從之二十一日營田官王弗候對上望見之因謂
輔臣曰少間當子細面諭王弗令竭力久任若一二年
間營田就緒庶幾可以少寬民力朕知此已久昨在會
稽書趙充國傳以賜諸將但上下不能奉承由是且
已若早做得數年即今已獲其利臣鼎曰為國根本之
計莫大於此上曰極是七月六日都省言營田事務元
係都督行府將帶官屬兼行措置今來雖已就緒或恐
行府遠闕別無官司專一主掌理宜專置一司以行在
職事官兼領詔就建康府置司以提領營田公事為名
十二日殿中侍御史石公揆言訪聞營田之人假官勢

力因緣為弊如奪民農具伐民桑柘占據蓄水之利強耕百姓之田民若爭理則營田之人羣起攻之反以為盜今來秋成收刈竊恐營田之人耕耘鹵莽欲償其費奪民之稼以為己功乞下營田使司預行戒約無使侵擾害我良農詔令營田司常切覺察二十八日都督行府言訪聞開耕荒閑田土頗廢工力欲望將初年收成課予且令官收四分客戶收六分次年已後即中傳均分今後請佃官莊並依此從之八月十日司農少卿提領營田公事樊賓等言被旨條其營田欲乞以提領江淮等路營田司為名仍於建康府置司官莊除已置十莊外每縣如能添置每十莊耕種就緒令尉各與減二

年磨勘每莊十名募第三等以上土人一名充監莊先
次借補守闕進義副尉與免身丁依軍中例支破券錢
候秋成日比較所收斛斗多寡如合推實申乞補正營
田所收未至浩瀚欲乞候牧成了日具數聞奏乞盡行
椿留準備將來增置官莊招客借貸使用州縣當職官
內有不職乞從本司送所屬取勘申奏乞行罷黜從之
九月二十一日都督行府言諸路州縣將寄養牛權那
一半許闕牛人戶租賃依本處鄉原例合納牛租以十
分為率量減二分餘一半寄養牛具準備節次增置官
莊使用所賣牛具田土不致荒闕詔依仍逐漸具租賃
過牛并添給與官莊牛及見在牛數以聞二十三日尚

書屯田員外郎同提領江淮等路營田公事王鼎言本
司欲乞差右迪功郎池州貴池縣丞榮著充添差幹辦
公事從之十月七日知澧州呂延嗣言本州先因賊馬
殘破附郭良田往往廢業本州舊管廂軍一十三指揮
今止有三百餘人節次分遣營田外委是人數稀少乞
於湖南鄰路全道州桂陽監無事空閑處量撥軍兵三
五百人成本州因令營田詔以五百人為額令本州招
填十日司農少卿提領江淮等路營田公事樊賓等言
今相度欲乞將江南東西路州縣并鎮江府管下縣分
除可以標撥充官莊田土外有不成片段閑田委官逐
縣自行根括見數比民間體例只立租課上等立租二

斛中等一斛八升下等一斛五升開具鄉村田段着實
四至召人耕種其後如有欠租課不許人剗佃仍先理
究本戶家產所貴優潤人戶不致久荒田土其侵耕冒
種之數許見冒佃人戶自首免罪願依課承佃者聽仍
自當年送納租課其請佃荒田人戶合納租課與免一
年從之十一日詔鍾時聘與減四年磨勘以押漳州收
買營田司牛三綱並無失陷故也十二日江南西路安
撫制置大使司言本司欲選差朝散大夫本司參議官
權叅謀林玘兼提舉營田公事從之二十日都督行府
言提舉營田諸路州縣將寄養牛租賃闕牛人戶以二
年為約未滿五年不得輒取從之二十二日都督行府

言乞令提領江淮等路營田司於見寄養牛內就近支

撥三百頭付壽春府一百頭付濠州定遠縣仰疾速計

置節次起發前去委李暉及定遠知縣借給歸業人戶

耕種免納租課候收成日與作五年還納每牛一頭止

令納錢一百貫省從之

朝野雜記

紹興六年張魏公以都督

出行遣乃奏改江淮屯田為營田凡官田若逃田並行

拘籍以五頃為一莊募民承佃其法五家為一保共佃

一莊以一人為長每莊官給牛五具種子農器副之別

給十畝為菜田又貸本錢七十千分二年償勿取息命

措置官樊相伯賓王中孚舉行之

正申

尋命五大將

劉錡

張吳及江淮荆襄利路帥臣悉領營田使李伯紀時為

江西大帥亦言今日之事莫利屯田然兵革災傷之餘
民力必不給請命江淮湖北宣撫司招納京東西河北
流移之人貸種授田勿取其入次年乃收三之一又次
年則半收之詔都督行府措置三月元直時為湖南大
帥因請錢十萬緡興屯田五月其秋中孚八見上諭令
竭力久任議者恐張相還朝欲留措置於是遷相伯司
農少卿提江淮營田公事置司建康府擢中孚屯田員
外郎以為之副官給牛種撫存流移歲中收穀三十萬
斛有奇七月壬申除二人除客戶當給六分官收計十餘萬斛
然議者猶以為奉行峻速或抑配豪戶或強科保正田
瘠難耕多收子利民間類有鬻已牛以養官牛耕已田

卷四十七百七十五

以償官租者

此燕中蘇廟李宸奏

中亭上疏爭之且言願假歲月

勿責近效上許之

宋會要

紹興七年正月十六日提領江淮等路營田官言如無生
逃田撥充官莊官中已行耕種後有元地主歸業議議
如願別指射鄰近荒閑田土依已降指揮依數撥還如
止要元地即據官莊所占水陸頃畝令本縣依占數別
踏逐官莊却令地主耕種候亦作熟田收成了日兩相
對換交割工部看詳諸路帥臣措置開耕荒田土累年
並不見就緒後來令都督行府措置營田官莊官給耕
牛借貸錢本優分種子其佃客初年開荒所費方浩大
今來已是熟田今欲將官莊已耕種田土除內有拘占
歸業人戶祖先墳塋合先次依式給還墳地外餘並許

元地主於未開墾官莊及應空閑田土內依數指射撥還如止要元地即依營田司所申事理施行今後別有元地主歸業識認亦乞依此若歸業人戶要是貧乏許召第四等已上人戶二名委保令營田司量給借貸錢候收成日分作二年還納更不收息從之二月十九日司農少卿提領江淮等路營田公事樊賓等言營田州縣耕種田土所收斛斛最多及最少并有閑田不為措置召人耕種去處候歲終依已降指揮比較申朝廷賞罰詔依如將來歲終耕種最少及不切用心措置去處令提領司開具姓名以聞三月三日詔淮南等處失業流移之人可令營田司措置勸募營田無得抑勒搔擾

其餘州縣更有似此去處依此四月九日右司諫王縉言江淮州縣地有肥磽田有水陸用力有多寡收成有厚薄若以總數均之逐鄉或人丁少而不能耕或云家遠而不能耕或瘠薄甚而不堪耕或不曾操耨而不可耕而出租課人有受其害者又况輸納之際專科多端邀乞水旱之變官司艱於檢放寄養之牛來自廣西乍遇寒凍多有死損其有置莊去處人耕百畝給牛一具耕作既勞猶多困斃慮官吏之不虔立賞罰以勸懲之又遣省寺官以提領之又命樞密院計議官躬詣州縣鄉村詢究利害欲望申勅所差官所詢審的確利害無或苟簡無或觀望必去其所害成其所利詔劉與李案

及營田司照會六月五日中書門下省言江淮等路措置營田數年之間皆無成效朝廷改置官莊招召軍民耕佃給與牛具借貸種糧誠為良法其營田司係提領江淮等路委是濶遠難以周遍今來淮南復置監司若不專委諸路漕帥就近督責深慮因循廢弛成法詔准東委蔣璨淮西韓瑋江東俞侯浙西汪思溫湖南北京西南路帥臣並帶提領營田內有見帶營田大使營田使即依舊各將本路州縣應營田官莊并租佃田土州縣官勤惰並依營田司前後已得指揮施行仍各嚴切督責州縣當職官疾速趁時接續措置召客耕佃毋致荒廢田土候措置增廣取旨推恩其提領營田司限一

月結局九月二十八日中書門下省言川陝宣撫使司
於興元府洋州等處勸誘軍民營田耕種六十莊計田
八百五十四頃今夏二麥并秋成所收近二十萬石補
助軍儲以省饋餉降詔獎諭十月二十五日詔諸路營
田官莊收到課子除椿留次年種子外今後且以十分
為率官收四分客戶六分建炎以來綱目紹興七年夏魏公
猶在中書亦覺其擾民乃言自置營田司數年已有成
效請罷司以監司兼領紹興八年三月八日左宣教郎
監西京中嶽廟李寀言江淮置立官莊貸以錢糧給以
牛種可謂備矣然奉行峻速或抑配豪戶或驅迫平民
或強科保正或誘奪佃客給以牛者未必付以田付以

田者或瘠鹵難耕虛增頃畝攘佃戶合分課予以充其數多鬻已牛以養官牛耕已田以償官租反害於民蓋營田上策宜行軍中乃古人已試之効移之於民闢田多闢民少以闢田付之闢民公私俱獲其利以闢田付之有常職之民種種為害欲望申勅有司嚴示懲戒以闢田付之闢民無闢民則闕而不置詔令諸路提領營田官嚴切約束所屬州縣常加遵守前後約束指揮如有違戾去處仰具名按劾當重寘典憲十九日臣寮言蜀漢之師藉於糧運然頃年吳玠講營田於漢中願降璽書問以大意謂兵不可不養糧不可不足今日糧運在趙開時其數幾何在李迨時幾何自講營田以來積

穀幾何減損餽運之數復幾何俾制置都轉運司同宣撫司條具以聞仍乞以其法頒示諸軍使為矜式詔劉付吳玠仍令馮康國同共條畫以聞九年七月十四日時上諭輔臣曰陝西土疆既復兵食最為急務首當經理營田以為積穀養兵之計可令樓炤便宜措置十年二月十八日臣寮言天下之費莫甚於養兵以其大利所支甚費非屯田則不可也竊以荊州之賦仰給於營田者歲省縣官之半願詔諸大將取荊州已試之効各於軍中籍不堪操甲者分撥屯駐於所屬州郡有曠土可耕之處者每五百人用一部將元係良家通曉稼穡者為之統率官給耕牛薄取租稅假以歲月責其成

勅詔令諸帥措置五月十四日臣寮言淮甸襄漢曠土
彌望倘擇膏腴肆行開墾獲無費之大利實經遠之良
策欲望詔諭大臣廣為營田詔令逐路帥漕司措置將
荒閑不係民田標發付逐軍充營田耕墾九月十日明
堂敕勘會諸路州縣營田官莊所給耕牛若實緣患病
倒死官司勒令陪還元價仰提領官取見詣實除放施
行今後常切覺察如依前違戾按劾以聞十一月二十
六日臣寮言諸路州縣兵火殘蹂遺民十無七八比年
雖有復歸視平日已田不能墾闢又州縣迫於吏責官
莊附種兼而行之一縣之內應籍者皆赴莊耕耨已業
荒廢多不能舉其間因緣為弊以官莊附種為名冒占

膏腴動至數千百石州縣不敢究治如官莊有已田相
遠不能兼治者附種戶無所撥官田歲止虛納者並令
除放所除數按視上戶冒占之家均配與之則每歲所
入不致虧失而下戶貧民得以少蘇臣愚欲望令逐路
選委強明監司一人通行郡縣應有營田去處覈實均
放其帥臣州縣尚敢循前隱蔽不肯公共商確力去民
病者並許按劾以聞詔人口附種田土並改正如敢依
前違戾當議重寘憲典餘令本路營田官措置訖以聞
十二年五月十四日江西安撫使言乞依指揮選差右
宣教郎本司參議官閻彥純兼提點營田公使從之八
月十七日詔舒州知州張瑗時與減一年磨勘通判袁

宗史二字
大字正宮

益之減二年磨勘尉紹興十年分在任及半年以上之人與依本等賞格減半內選人比類施行黃州知州童邦直通判章材麻城縣令趙善汶各展二年磨勘並以淮西運判兼提領營田吳序賓言舒黃州營田所收物斛殿最合該賞罰故有是命九月十三日赦勘會淮南等路營田本欲招集流亡墾闢曠土州縣聞有希賞願為欺獎難以招誘為名其實抑配民戶耕種循襲為例仰監司督責所部州縣悉遵成法專集流亡以究實利不得科抑土著人戶如敢違戾按劾以聞宋史李浩字德遠紹興十二年擢進士第除司農少卿嘗因面對陳經理兩淮之策至是為金使接伴還奏曰臣親見兩淮可

耕之田盡為廢地心嘗痛之條畫營田以為恢復根本
上嘉納之後諭大臣曰李浩營田議甚可行大臣莫有
應者紹興十三年閏四月六日淮西運判兼提領營田
吳序賓言重別比較到本路州縣紹興八年營田所收
物斛照在任及半年以上之人與依本等賞格減半餘
並依元降指揮推賞內選人比類施行八月三日工部
言淮東路官莊止係鎮江府駐劄御前軍馬都統制提
領今欲令本路總領官同共提領內官莊不許侵占民
田及以種民田為名私役人牛耕種已田依律監臨之
官私役使所監臨法施行各立賞錢五十貫許人告如
添置耕牛器具許於諸軍糞土等錢內支不足申明支

降從之十一月八日南郊赦勸會諸路州縣營田官莊
所給耕牛若實緣病患例死累有約束止令將肉臘等
出賣價錢椿管不得抑令佃戶陪償訪聞官司間有勒
令陪還去處事屬違戾仰提領官取見詣實除放施行
今後常切覺察如依前違戾按劾聞奏王應麟玉海紹興十五年正月
四川宣撫副使鄭剛中於階成二州開營田抵秦州界
凡三千餘頃歲收十八萬石減成都羅三之一丁即從
其十五年閏十一月十二日知池州魏良臣言諸軍營
田須於本州守臣同共措置相與協力窮究利害從之
十六年三月三十日工部言今參酌立定淮東西江
東兩浙湖北路每歲合比較營田賞罰以紹興七年至
十三年終所收夏秋兩料子利數內取三年最多數更

於三年最多數內取一年酌中者為額以本路所管縣
分十分為率內取二分奉行有方民無論訴抑勒搔擾
去處分為三等增及三分以上者為上等依元格減磨
勘二年增及二分以上為中等依元格減磨勘一年半
增及一分以上者為下等依格減磨一年若虧及元額
最少一處者為罰從本路提領營田官宣撫營田使開
具保明以聞從之五月二十一日鄂州駐劄御前諸軍
都統制田師中言乞將紹興十三年至十五年營田收
到錢斛於內取酌中年分立為定額於是戶工部言昨
降指揮軍中措置營田係將本路空閑田土廣行布種
緣今來尚有閑田甚多所收錢斛未至增廣難以便行

立額又緣未曾立定賞罰竊慮無以懲勸今欲將本軍所屬營田逐轄使臣歲收錢斛數目令總領司以遞年所收比較將增剩及虧損最多去處職位姓名申取朝廷參酌賞罰施行從之十八年八月二十五日知郢州趙叔淳言願詔三省委諸路總領官及都統制括責閑田曠土公共措置將合分屯軍兵於所在州軍多給牛種廣令開墾苟能自足所用則今之所支上供糧斛盡歸朝廷矣歲後一歲其利可勝勘會紹興六年已降指揮令諸軍下不入隊使臣軍兵及不能披帶并陳退軍兵等有願請佃之人並依百姓體例以五頃為一莊官給耕牛五具并種糧等其所收物斛以十分為率四分

給力耕之人六分官收詔令戶工部立法賞罰十一月
九日戶工部言今立定諸軍營田主管官各以所管已
耕種熟田外將均撥到荒田措置增種過田頃候至收
成從總領司保明依格推賞增五頃以上減二年磨勘
十頃已上減一年半磨勘二十頃已上減二年磨勘三
十頃已上減三年磨勘若不為措置增種者並今總領
官本軍都統制開具職位姓名申朝廷特與展二年磨
勘從之十九年六月二十四日兩浙提領營田官曹泳
言為根括得鎮江府未有人承佃天荒等田二十二萬
三千八百一十六畝新野雜記作二千二百餘頃請悉以為營田三角五十
二步欲將上件經界所量出田并後來因水旱逃戶所

拋下田并作營田拘收隨宜於轉運司支撥錢物借種
召人耕作所有本路應管天荒逃絕等田未有人承佃
去處乞先自秀州鎮江府措置作營田耕種仍乞逐州
從泳踏逐差有心力官一員依經界措置官已得指揮
與諸縣知縣同共措置工部看詳除乞差官一員與諸
縣知縣同共措置一節緣諸路營田並係守倅令尉兼
行主管難以施行外今欲令曹泳更切契勘上件田土
委是荒閑未有人承佃即依今來所乞事理仰遵依前
項節次累降指揮措置招召情願佃客耕種施行不得
因而搔擾抑勒枉費官中錢本如見有人戶承佃去處
不得却置科抑侵占人戶見佃田土仍具如何措置開

耕係置立若干莊分耕種若干田畝措置若干牛隻合
到佃戶若干數目具文狀供申戶部言所有戶絕坊場
抵當合關提舉常平司同共措置耕種依條施行從之
十九年十月十四日南郊赦契勘諸路營田官給錢糧
牛具招募佃戶耕種不得抑勒搔擾其所收子利依例
分給累行約東州縣不得減剋佃戶所得子利并侵占
民田仰諸路提領營田官常切檢察如有違戾並行按
劾二十年二月一日工部言乞將諸路興^結十三年至十
九年知通令尉且依紹興十六年三月二十日指揮立
定分数并近申擬定法比較賞罰外其十九年以後欲
將當年所收物斛若元額五千石至一萬石以上比遞

年增及二分已上與減一年磨勘虧及二分已上與展
一年磨勘增及四分已上與減二年磨勘虧及四分已
上與展二年磨勘若元額不及五十石增虧不及二分
並不在賞罰之例每歲仰本路營田官具無民詞訴抑
勒去處方許保明其已降指揮立定一分至三分賞罰
自紹興十九年以後更不施行從之七月二十三日知
廬州吳達言土豪大姓諸色人就耕淮南開墾荒閑田
地歸官莊者歲收穀麥兩熟欲只理一熟如稻田又種
麥仍只理稻其麥佃戶得收椿留次年種子外作十分
以五分歸佃戶五分歸官初開墾以九分給佃戶一分
歸官三年後歲加一分至五分止即不得將成熟田作

開墾荒田一例施行所有差稅後錢並令倚閣仍將開
耕官田每項別給菜田二十畝所收課子不在均分入
官之限其管官莊戶於本道都北聯附保並免差役及
諸般科借佃戶穀就近便處用省斗交量更不收耗及
不得輒加斗面歲終安撫司勘當以多寡為優劣從之

朝野雜記紹興二十一年鎮江諸軍都統劉寶請民
織起營田者畝價開耕二本五千五百計之尋詔諸通
織起營田是營田
以此由是營田
新以還民矣二十二年十一月十八日南郊赦勘會

諸路營田之法止係許令招召情願佃客耕種昨緣州
縣違法勒令人戶附種及虛認租課去處已降指揮並
行改正尚慮守令奉行不虔依前抑勒仰提領營田官
常切檢察若有違戾去處並按劾以聞勘會租佃營田

并寄養諸色官牛每歲兩科收納課子其間有災傷田
元租官牛倒死官司勒令陪填往往並不與除放及老
弱牛隻不堪耕使勒令依舊虛納租課甚為民害仰諸
路漕司及提領營田官體究特與除放老弱不堪牛隻
並行拘收出賣其堪使耕牛亦仰相度可與不可出賣
務從民便具利害以聞二十三年三月十八日鎮江府
駐劄都統劉寶等言相度到人戶識認軍莊營田欲令
償納自開耕以後三年每畝用過工本錢五貫五百文
足給還元田從之十九日知襄陽府榮發等言乞廢罷
均州武當營田從百姓耕種從之九月十二日詔諸路
州軍營田遇有人戶識認營田與依劉寶軍裝例償工

本錢給還先是戶部言建炎兵火之後人戶拋棄已業
逃移並各荒廢自置作營田經今年歲深遠人戶爲見
營田所耕田土並各成熟往往用情計囑州縣前來識
認歸業因生詐冒漸壞成法故有是命十六日詔淮南
西路安撫司置主管機宜文字一員營田司置幹辦公
事准備差使各二員從知廬州曾慥請也二十一日三
省言廬州曾慥乞與建康府都統制王權同商議營田
上曰須是令熟議可行與不可行如與之中分其利便
軍人樂然從之方可行也二十五年八月十四日詔都
督府所置官莊並牛租可日下放免今後不得起理十
一月十九日敕文都督府所置官莊并牛租近降指揮

日下放免尚慮州縣守令別作名色依舊抑勒人戶送納有失朝廷寬恤本意仰諸路監司常切覺察十二月十三日戶部言都督府昨來所置官莊將州縣係官空闲田土拘籍所收課子官中與客戶中平均分近降指揮放免牛租所有撥田土產屋牛具今欲委轉運司拘集見數依舊令佃人承佃據元認納租課輸納除合應副大軍馬料外將其餘數目令所屬並行變糶價錢起發前來左藏庫送納從之同日戶部言都督府置官莊召客戶共種官給牛具所收課子官中與客戶中平均分近請降詔旨都督府所置官莊并有牛租可日下放免今後不得起理元降指揮更不施行本部除已行下

諸路轉運司契勘本路有管都督府所置官莊元撥田
土委轉運司拘籍見數依舊令見佃人承佃據元認租
課輸納除合應付大軍馬料外將其餘數目今所屬變
糶價錢起發行在送納若見佃人不願承佃即開具田
段坐落去處所納租課數目別行召人承佃其元撥莊
屋菜田牛具亦並權行給付見佃人免行收租從之二
十八年九月二十七日文林郎鄧昂言竊見闕外營田
行之有敘若不繼此增修將見弛廢兼紹興十三年創
始之初祇十分收五分所餘五分當盡舉而行之耕種
人力不給方且欲假以辦事欲望再行體量於寬田處
更與添人力漢中陸田少濕田多種木麻菽麥則為浸

濕所害因其卑濕修為水田種稻則所收可無虛歲矣
耕種田多是園莽間之老農耕不再則苗不盛耘不再
則穗不實苟不能革日前之弊而望多稼之田其可得
乎內田段多有未曾開墾宜委官躬親體量畝數行下
諸莊徧令開墾如內有費牛力多處令莊官具實以聞
今諸莊耕牛少又純養牝牛當買牡牛二分散養以資
蕃庶多以茅屋收頓租色在卑濕處乞命有司擇高燥
地別行建立詔令王剛中同李潤措置申尚書省其後
四川安撫制置使王剛中等言乞依紹興十五年四月
二十二日已降指揮欲自紹興三十一年為始每歲候
夏秋收成了畢從兩都統開坐諸頭項所種營田頃畝

土色高下元下種子所收斛斗數目并主管或提振營田官職位闕報四川安撫制置司并總領所同共參照通行比較賞罰於是戶部言欲下安撫制置司總領所候將禾每歲夏秋兩料收成了畢從兩都統開坐諸頭項所種營田頃畝收到斛斗數目開報逐處同共參照將提振營田官通行比較賞罰施行并劄下吳璘姚仲照會從之閏六月三日上諭輔臣曰昨降指揮諸軍揀汰使臣官給閑田假以牛種之費使之養老似為得策有司失職奉行弗虔至今未見申到次第大抵營田最是良法自古富國彊兵未有不先於此者豈苟可行於古而不可行於今者乎卿等宜令措置條具以聞湯思

退曰向來兩淮營田非不講究利害委官專領而卒不能成者豈惟有司弛慢之過亦是一時經畫未得其要今於召募之際倘能稍加勸賞不吝小費則亦何患其不成二十九年九月一日戶工部言諸路諸州軍營田官莊夏秋二料所收斛斗內除年例科撥副應馬料外其餘並係變糶價錢起赴行在送納緣諸軍歲用數多理今就免撥支使乞下提領營田官將合出糶福麥並起赴本路總領所交納支用仍令總領官拘催具椿到數目紐計合支價錢申部照會從之二月二十七日知蘄州宋曉言兩淮營田募民而耕之官給其種民輸其租始非不善應募者多是四方貧乏無一定之人而有

司拘種斛之數每遇逃移必均責隣里謂之附種近年以來逋亡者衆有司以舊數歲督其子利致子孫鄰里俱受其害牛十年之後則不堪耕今給於民者三十有三載矣一牛之斃則償於官况連歲牛疫而不免輸租收牛之家逋亡而責鄰里代輸望詔本路漕臣與守倅務從其實一切蠲除之詔令逐路帥臣漕臣取見數目開具以聞其後漕司龔濤等言舒蘄州一十縣多將虛數抑勒人戶給散官牛分科種子今於自己田內種蒔認納子利課之附種年數既深牛已死損而虛數不除又縣官希賞虛陞開墾數目却於人戶自行科納以致積年拖欠因而科擾實如宋曉所奏乞特與蠲除於是

戶部言今據淮南轉運安撫司取見前項違戾乞依所
降指揮特與蠲除所有人戶附種及虛認稻麥數目欲
下本路并下總領所照會從之九月五日戶部言淮西
管營田軍莊官請受若有料厯方合批勘如無自不合
批勘所有合得券食錢自合隨官序支破券錢并食錢
今欲下總領所將分差糧審院勘旁報江東轉運使應
副不許於大軍錢內支其主管官監轄使臣并蒔田軍
兵依元降指揮於諸軍所管人內差營田詔令戶部行
下淮西總領所將本路營田軍莊所差官等並依淮東
已得指揮差撥施行三十年十一月二十三日李顯忠
言乞令諸軍屯田上諭宰執曰朕思之甚詳蓋先當根

刷諸將留屯州分荒閑及官賣不盡田兼取見沿江所
在頃畝初年支給牛種三兩年間具盡與地利使之歲
入有得則不勸而自耕矣湯思退奏當先令取會根刷
別具奏聞上曰此事在今日誠可議但行之當有先後
之序應沿江屯駐所在自江以南更無閑田如淮甸近
江處若令諸軍不費錢仗往就耕種亦自無害但今當
先取見閑田頃畝多寡之數然後均撥給以耕牛糧種
每歲所收優以分数與之使其樂然願耕數年之後方
可計其所入以充軍食斯為盡善三十一年二月二十
四日上諭輔臣曰食者民之天百姓豈可闕食若屯田
就緒不惟可以裕民亦復助國家之經費朕觀漢文無

歲不為農田下詔則屯田可後可乎宰臣陳康伯奏曰
臣等見措別具奏聞五月七日中書門下省言兩淮諸
郡營田官莊佃戶數少因多荒廢州縣遂將營田稻子
分給於民秋成則計所給種子而收其實謂之附種歲
月既民業有陞降而其數不減詔令淮南轉運司行下
州縣相度營田官莊將措置成就去處依舊存留仍不
得依前抑勒附種如違許人戶越訴三十二年三月四
日臣僚言乞於淮甸立屯田之法以修兵備兵備修則
兵可以強二者最今日大務從之既而工部言欲下淮
甸轉運司淮南東西路安撫司總領所建康府鎮江府
御前都統參照前後已降指揮未盡未便事件即仰條

具以聞以憑看詳立法從之十六日尚書兵部侍郎陳俊卿言被旨措置淮東堡寨屯田等事乞以措置淮東堡寨屯田所為名仍乞下禮部關借即一面如有措置令與本路監司帥臣守臣及州縣當職官商議及合用壕寨知鄉道人欲乞就逐處差撥如有諳知淮東堡寨屯田等事等人乞於見任官內許徑行差委幹集事務今來往迴所至州縣乞免赴朝拜并出謁如有未盡未便續具申明詔並依內陳俊卿除給券外月給錢一百貫其後工部侍郎許尹淮西措置申明同此四月八日上諭輔臣曰士大夫言屯田事甚多然須先有定論用諸軍乎用民乎若論既定當先為治城壘廬舍使老少

有歸蓄積有歲然後可為宰臣陳康伯奏曰今淮西歸
正人願就耕者甚多已降牛種本錢又趙子漸所納抽
解木植亦分送淮上治屯人廬舍矣上曰如此甚好五
月八日權兵部侍郎陳俊卿言堡寨見別作措置今條
畫屯田利害耕熟佃戶未歸業者限自四月十一日為
始滿一周年如無田主識認許諸色人經官投狀指占
承佃印榜民間使之通知庶得來年趁時耕種其荒田
二三十年無人耕種皆為棄地今乞更與稍加優異若
諸色人不論土著流寓指占舊荒田耕種與免七年租
稅并諸般差役科配等事見今歸業之民朝廷憐其凋
殘之後少缺耕牛已令江浙常平司支錢買牛不若以

江浙買牛價錢發赴淮南常平司令州縣出榜招人販賣沿路與免商稅仍令州縣預先根刷下戶缺牛之人先次五家立為一堡籍定姓名候官買到牛依名次支給戶工部看詳欲依所乞事理施行并下兩浙東西路常平司并淮南東路堡寨屯田所轉運常平司提領營田官照會從之紹興三十二年九月孝宗已即位未改元江淮東西路宣撫司言兩淮自經兵火田萊多荒今歸正忠義之人往往願於淮上請射田土本司已行下兩浙帥臣提領屯田官將願請田耕種者結甲置籍據合標撥須畝借貸錢米牛具種糧仍逐一體訪利便條陳務要簡便可行不致徒為文具將來就緒所委官合行推賞從

之十一月二十九日參知政事督視湖北京西路軍馬
汪澈言荆鄂兩軍屯守襄漢糧斛浩瀚悉汴漢江霜降
水落舟膠不進所遣綱舡來自江西湖南率經年不得
還舟人遁逃官物耗散而軍食又不繼竊謂虜未退聽
調度尚煩或和或戰襄漢要必宿師而饋運乃如此可
不深慮臣今相視襄陽古有二渠長渠溉田七千頃木
渠溉田三千頃自兵火之後悉已堙廢今臣先築堰開
渠并合用牛具種糧就委湖北京西兩運司措置渠既
成或募民之在這者或取軍中之老弱者雜耕其中未
秋穀熟量度牧租以充軍儲既省饋運又可安集流亡
臣今乞以措置京西營田司為名令姚岳兼領合用錢

物臣已令湖北京西運司通融計置候事畢日具數申
朝廷所有幹辦官正可關臣約度一面選差與理為資
任吏破請給從之

宋會要 孝宗

隆興元年二月二日殿中侍御史胡沂言竊謂為今之計求守禦之利圖經遠之謀莫若令沿邊之郡行屯田之策況前歲淮上逃移之民散處阡陌未復舊業而頻年中原歸附之衆仰食庾廩未知所處因其曠土俾之就耕豈惟可以贍其室家抑亦足以寬吾饋餉然而行之亦有二說今土膏脈動東作方興宜及此時即為措置一也又慮敵人乘吾農時輒加驚擾宜於險隘之地聚兵以守防其侵軼二也去年朝廷指揮諸路收買耕牛農具州縣起發錢踵於道今耕牛農具當已不乏欲望亟賜行下沿邊諸路帥司疾速施行從之十三日御

史中丞辛次膺言去年淮南州縣例皆清野以防虜人之侵軼民多離徙寄泊異鄉失其常產類無生意今戎馬漸息種藝是時豈可使昔日膏腴鞠為草莽雖公上二時之賦或貲於征求而良民數口之家何從而養贍安得不亟行經畫招集流亡官為借給牛具種糧趁時耕布或令見屯田軍伍將荒閑之地從便營田俱免稅租實惠育元元足食足兵之良策也昔唐張全義為河南尹時東都經黃巢之亂戶不滿百野無耕耨者全義選麾下十八人詣十八縣故墟落中植旗張榜招懷流散勸之耕殖寬刑薄斂民歸如市時人謂張公見聲伎未嘗笑獨見佳麥良蕓則笑由是凶年不饑遂成富庶至

昭宗時郭禹為荆南劉後止存十有七家禹撫集凋殘
晚年及萬戶華州刺史韓建亦招撫流散勸課農桑民
富軍贍時號北韓南郭臣謂宜嚴責兩路守令以勸農
營田繫銜者毋為虛名力圖實効出入阡陌勸相勞來
務廣墾闢或將淮上控扼州郡改差循良武臣俾之綏
輯且耕且戰曠日持久為善後之圖從之十八日戶部
員外郎奉准兩淮馮方言臣至楚州犒設山東忠義軍
據本軍將雖蒙按旬支給錢糧緣各家老小累重食用
不全今與眾議除軍身教習武藝外其餘乞於三家或
四家同共開借官錢收買耕牛闕借子種踏逐堪耕地
土趁時布種今若因其所借給牛種糧食卽立規摹它

日可以逕旋增廣屯田之利檢准紹興三十一年十二月敕書內一項委江浙常平司官於本路支撥常平錢收買耕牛農具交付淮南常平司給借人戶耕種免納租課候及三年分限送納價錢令淮東提舉司從去年俵散耕牛之後尚有兩浙等路發到應副牛本錢四五千貫乞專委本司就用見在錢及通融本司錢及江浙等路合發未到錢添湊應副收買選擇清強知縣委付措置於江浙常平及義倉米內取撥借貸種糧多方存卹將來就緒優與推賞其忠義軍老小軍身非願佃之人乞自都督行府劄下本路提舉司分撥施行從之五月十七日臣寮言今日之急務莫若且休兵營田州郡

官以營田為名而無營田之實欲究其實有十說焉一
曰擇官必審昔魏武欲經畧四方苦食不足置營田以
任峻為典農司中郎將司馬懿謀伐吳乃使鄧艾廣田
蓄穀是也二曰募人必廣趙充國留他刑應募及吏私
從者合萬二百八十一人魏文帝時李彪請別立營官
取州郡戶十分之一充屯田人是也三曰穿渠必深趙
充國圖擊先零屯田於金城先浚漕渠鄧艾屯田於壽
春遂開河渠之利是也四曰鄉亭必修趙充國繕鄉亭
理湟陁是也五曰器用必備趙充國上器用簿是也六
曰田處必利漢昭屯田於張掖魏武屯田於許昌是也
七曰食用必充趙充國屯田萬二百八十一人用穀月

二萬七千三百六十三斛是也八曰耕具必足後魏文帝大統十一年李彪請以贖贖雜物市牛科給唐開元二十五年請屯田用牛耕墾土軟處每一頃五十畝配一牛強項處一頃二十畝一牛稻田每八十畝配一牛諸營田若五十頃外更有地剝配耕牛者所收斛斗皆准頃畝消除是也九曰定稅必輕東晉元帝太興中後將軍應詹上表屯田一年與百姓二年分稅三年計稅賦以使之公私兼濟李彪上表一夫之田歲責六十斛蠲其正課并征戍雜役是也十曰賞罰必行晉晉元帝督課農功二千碩長吏以入穀多少為殿最北齊武成帝河清中詔緣邊城守營田歲課其所入以論褒貶是

也凡此十者營田之制盡矣就其中莫難於募人猶莫難於耕具募人之要臣請李彪之策取州郡十分之一又加廣馬人戶能募三十人於淮南要害處營田三年有官人與轉兩官無官人與免二十年差役願補官資者聽選人與改合入官恩科人與免權入官能募二十人或十人者比例施行仍令州郡敦遣如此則人樂從矣不然徒徭吏及貧人不能自業者於寬地如崔實之政論或因罪徙於沿邊如仲長統之昌言斯亦可矣其耕具則請權住廣西馬綱三年專令市牛蓋廣西雷化等州牛多且賤臣頃在廣西知之詳矣工部勘當昨降指揮江淮州縣營田官莊將州縣係官空閑田土并無

主逃田並行拘籍見數每縣以十莊為則每五頃為一
莊召客戶結甲耕種官給牛具借貸錢本其客戶仍充
諸般差役科配每莊召募第三等以上土人充監莊先
次借補守闕進義副尉與免身丁依軍中則例支破券
錢候秋成日比較所收斛斗多寡如合推賞許申乞朝
廷補正及將初年收成課子除穡出次年種子外十分
為率官收四分客戶六分次年以後即均分竊詳諸路
營田雖承指揮措置召募耕種兼立定許補名目推賞
則例非不詳備緣逐路自來召到監莊之人往往並不
申到種過田土頃畝比較所收物斛多寡乞與補正以
致佃戶視為虛文不肯勸誘開耕今勘當欲下淮南路

轉運司兩漕江東京西提領營田官江西湖南北安撫
營田使依已降指揮將見管係官空闲田土督責所部
州縣多方名募可充監莊之人勸誘客戶廣行開墾先
次借補名目如果能用心協力措置耕種候秋成日比
較所收物斛多寡開具合推賞人姓名保明申朝廷補
正名目從之六月十八日宰執進呈軍人蕭德訢襄陽
屯田上曰此可罷陳康伯奏曰汪徽措置屯田頗就緒
但不當役戰士洪遵奏曰止合募人願耕者上曰指揮
更添入不得抑勒候秋成所得依舊與之七月四日樞
密使江淮東西路宣撫使魏國公張浚言總領所諸軍
營田官莊見占官兵人數稍多每歲所得不償所費欲

乞下有司取會立限措置將見營頃晦牛具種糧依官
中客戶所得子利分数召人耕種抵替官兵歸軍使喚
詔工部行下逐路總領措置十月十二日工部尚書張
闡言制置司已將營田諸屯見耕種人丁放令逐便仍
罷營田令工部看詳臣聞自古兩國相持勝負未決必
有師老財匱之患善制勝者欲省饋運之費莫不以屯
營田為急如趙充國屯於金城羊祜屯於襄陽任峻屯
於許下諸葛亮屯於渭南皆能藉以成功何古人之行之
為得策今日行之為有害耶抑害又復思之蓋荆襄之
地自靖康以來屢經兵火地廣人稀不患無田之可耕
常患耕民之不足居無事時勸之使耕積以歲月之久

僅能墾闢一二况舉事之始曾未朞月欲使盡無曠土
可乎臣謂今日荆襄之地屯田營田為有害者非田之
不可耕也無耕田之民也欲耕田而無田夫任使之入
慮其功之不就不免課之於游民游民不足不免抑勒
於百姓百姓受抑妄稱情願舍已熟田耕官私生田私
田既荒賦稅猶在或遠數百里追集以來或名為雙丁
役其强壮者占百姓之田以為官田奪民種之穀以為
為官穀老稚無養一方搔然有司知其不便申言於朝
廷罷之誠是也然臣竊謂自去歲舉事以至今日置耕
牛置農器修長木二渠費已十餘萬其間豈無已墾闢
之地乎豈無廬舍場圃尚可就以卒業乎一旦舉而棄

之不為勢力之家所占則是捐十萬緡於無用之地而
荆襄之田終不可耕也臣比見兩淮歸正之民源源不
絕動以萬計官給之食以半歲為期今已踰期矣官既
不能給斯民無所依老弱踣於飢餓强者轉而之地殊
失斯民向化之心兼亦有傷國體臣愚以為荆襄之田
尚有可承之規摹與其無民耕而棄之孰若使歸正之
民盡遣而使之耕非惟可免流離困苦之患庶使中原
之民知朝廷有處我不至失所率皆極負而至異日墾
闢既廣田疇既成然後取其餘者而輸之官寔為兩便
詔除見有人耕種依舊外餘令虞允文同王珣疾速措
置二年正月二十五日江淮都督府參贊軍事陳俊卿

言兩淮兵火之後前後議屯田其說紛然卒不能有立
蓋欲募民屯則非良守令出入什佰遲以數年何以見
効事既悠悠無肯任責者若使軍人營田事或易集前
此兵將官多難之近與鎮江都統制劉寶孰論欣然有
欲為國家出力率先諸將之意其說似有理欲只用不
披帶人分數十頭項擇見今係官荒田標旗立寨多買
牛犁縱耕其中田熟之日官不收課人有所得自然樂
從數年之後墾田必多米穀必賤所在有屯則村落可
無盜賊之憂軍食既足則饋餉可無運漕之勞此誠永
久守兩淮之上策第須久任其人責以成効若取効目
前又或憚其小擾則無時而成此說或可行乞下劉寶

條具施行詔令陳俊卿劉竇疾速同議條具聞奏其後
劉竇具到見管營田官莊四十二所田四百七十五頃
八十八畝官兵五百五人客戶二百六十五戶臣契勘
得營田軍係元不入隊內差撥即無堪充披甲出戰之
人歸正人已承都督府取問此係情願請佃所稱軍兵
費用錢米係是逐人身分合得請給即不是因營田別
有支破今看詳欲乞將本軍見管營田頃畝且今依舊
耕種竇又言淮東自經兵火凋殘之後荒田甚多若令
且耕且守醜虜奪之必不敢輕犯乞於楊楚高郵盱眙
天長諸路檢踏係官不係官應干荒田可以耕種者於
內雖有主未曾歸業亦許時暫種蒔候將來事定日撥

還其檢踏到頃畝悉置簿拘籍以憑斟酌分別人兵前去欲乞於八隊官兵內揀選請受低小元係莊農使臣五人例三人例及効用長行軍兵口累重大情願屯田者及忠義歸正人舊曾力田耕墾之人盡數集定數目以備分撥種蒔合用農具本軍自行置辦外其耕牛種糧蓋屋竹木並乞官中給降每十人為一甲斟量田畝多寡共成一寨於內差使臣一員管幹人數稍多即差部隊將一員監轄每一甸差將官一員詣逐寨看視時復差統制官點檢及寶不測前去提領一於衆蒔之擬令官兵時復閱習元來執色五藝免至廢墮至牧成畢農隙時却行抽回軍前以備防捍委淮東提領營田官

王弗同共措置今來揚州見椿管廢罷孳生馬監錢糧共四萬三千九百六十一貫文欲撥付總領所拘收專充措置營田種糧牛具等使用並從之三月十四日司農少卿總領淮東軍馬錢糧兼措置江淮等路營田王弗言自古屯田之制止用軍兵唯魏武於許下募民屯田積穀至數百萬然則軍民雖異而屯田期於積穀則一也國家軍興以來屢降詔旨太上皇帝親書趙光國傳賜諸大帥所以激勵諸將然終莫有能奉承德意以塞詔命者紹興五六年間置營田司講究利害而施行之臣嘗同領江淮等路營田公事經營二年初年官牧四分莊戶六分次年官與莊戶各牧五分省記紹興六

年官中所收約七十四萬石莊戶所分一同繼被旨結
局分隸諸軍漕司權領遂致人情觀望田政日削牛死
不補畝去不追耕熟之田認者輒與逋邇不振日就廢
壞今雖有存者所得無幾若再行招召愈更艱難魚游
民今皆著業往往不肯開墾荒田欲乞先於側近軍分
與主帥商議揀次等不堪出戰及知農務之人每軍以
十分為率差撥一二分列屯耕作其置莊買牛造農器
分課子並依昨差提領營田司已降指揮施行外有當
時募民官莊各乞下逐路取見已廢見存數目且據舊
來所管莊數目所闕客戶招召情願人戶補填所貴軍
民各有課程假之歲月以漸增廣從之七月二十八日

知復州張沂言本州景陵縣管下舊有營田官莊自紹興六七年間宣撫司營置今三十年矣名存而實亡歲久而害深當時耕牛歷年既多十無七八歲課之租盡成科抑逮於裝發人戶名下復有水脚之誅今以所給牛租一千七百斛之穀仰視國計之大如太山之一芒而一郡之民歲受其弊乞於揀汰使臣內差一二人董率揀汰之卒而營治之候三二年間耕種成熟別議增減委是公私兩濟詔令措置營田官王弗相度弗照得景陵縣營田經今二三十年耕種已就緒如有廢壞耕牛倒死少闕客戶自合依已降指揮補填若將揀汰之卒耕種竊緣揀汰軍兵皆係癯老病患不堪征役今相

度欲乞下荆湖北路營田使行下本州取見當來興置
營田幾莊若干頃畝耕牛農具客戶數目并見所管之
數如內有妄實科抑去處即行放散其退下田土却別
召情願人戶承佃若官莊廢壞耕牛少闕自合營田司
那融計置收買應副其所闕客戶亦抑照應已降指揮
召召情願人戶補填見闕之數從之十一月十五日詔
襄陽府營田官吏並罷止令京西轉運司官吏兼管更
不添請給

宋會要

乾道元年二月二十四日詔兩淮合行屯田以便軍食
昨來郭振於六合措置已見就緒今來已除鎮江府駐
劄御前諸軍都統制所有淮南東路屯田理合委官今
郭振同王弗周淙疾速措置其合用種種農具牛蓄等
一就條具奏聞其後王弗等條具下項一檢准紹興六
年十二月十九日指揮措置屯田乞以五十頃為一屯
作一莊差主管將領一員監轄使臣五員軍兵二百五
十人如次年地熟人力有餘願添田土聽從其便一近
取會到楊楚州高郵盱眙軍天長縣見管係官荒田共
五萬八千餘頃所用種本收買耕牛置辦農器修蓋廬

舍寨屋差撥軍兵屯耕作使臣管幹監轄雖蒙朝廷
降到銀絹止紐計錢五萬餘貫若下手措置此置半蓄蓋屋
之類大改數少欲望廣行支降錢本應副使用詔令淮
東總領所將寄收屯田錢五萬貫并見樁管都督府度
牒一百三十二道價錢撥充屯田使用三月十一日詔
已降指揮兩淮合行屯田昨來郭振於六合措置已見
就緒所有淮西湖北荆襄令沈介張松王炎楊侯王彥
趙搏王宣張師顏疾速措置五月十八日詔淮東西湖
廣總領淮南東西湖北京西帥漕臣並兼提領措置屯
田兩淮湖北京西諸路州軍守臣並兼管內屯田七月
五日權發遣滁州揚州由義言被詔措置屯田以便軍食

除已將鎮江府都統制撥到不入隊軍兵五百人標撥
荒廢田一百餘頃蓋造莊屋收買牛具近已分撥軍兵
前去逐莊居住趁時開耕布種二麥外契勘本州元管
營田七十頃緣營田與屯田不同屯田係使軍兵耕種
營田係召募百姓耕種逐年將收到子利依營田元降
指揮除種子外官中與佃客作四六分官得四分客
得六分本州近緣兩遭北軍侵犯牛畜農具不存營田
莊客衣食不繼星散逃移致所管營田多成荒廢今未
本州元管營田七十頃目今共有耕牛二頭佃客二十
七戶臣近申朝廷乞將今年營田二十七戶名下分到
係官子利盡給付本州接濟營田未蒙回降竊緣今未

措置營田一百餘頃已見次第欲下淮東提領營田司
覈定將今年營田子利盡與本州容臣措置牛具招集
莊客更就官莊側近踏逐良田三十頃湊成營田一百
頃葺理耕種從之八月三日敕文閣待制張子顏言朝
廷見今措置兩淮營田官莊臣於真州及盱眙軍境內
有水陸山田等地共一萬五千二百七十七畝謹以陳
獻詒價直令戶部紐計支降度牒給還繼而張完元以
真州已產二萬一千八百一十三畝楊存中以楚州寶
應縣田三萬九千六百四十畝并牛具船屋莊客等獻
納並從所請十二月三日知襄陽府路彬言乞將轉運
司營田一屯見有五十餘戶耕種歲收物斛不多乞委

本府宣城縣令尉兼行管幹其收到物料依舊轉運司
拘管所有營田司元置官屬効用并省罷從之十五日
詔兩淮湖北京西諸軍今年新開耕到屯田與免來年
夏秋兩料應干租課本軍不得別作名色妄行科取二
十二日宰執進呈張之綱繳奏蘇磻論屯田之兵與農
民雜處民間恣不安居多有移徙者上曰今郭振劉源
將總領所支到屯田軍兵寨屋錢各於田畷相近處如
法修成營寨不得與居民相雜乾道二年正月十六日
宰執進呈周淙龍大淵相度郭振乞於楊子橋置屯田
侵占民間田土不便上曰郭振如何妄有奏陳可并畫
到圖子劄令具耕先是郭振言揚州南十五里地名楊

子橋南岸一帶乞置屯田一所并牧馬官莊不與民間
交雜遂詔周淙龍大淵同共相度至是周淙等相度上
上故有是命二十四日詔鄂州駐劄御前都統司副將
武經郎侯汶特降兩官勒罷令本軍自効以本司都統
制趙搏言本司措置屯田差發官兵二千人前去德安
鄧隨州標撥荒閑田土措置開墾其部轄官踏白軍第
二十六副將武經郎侯汶自到德安府將屯田官兵並
不存恤至今年十一月終共逃竄過七十三人并耕牛
亦不如法養餵致倒死二百五十餘頭又所耕田土大
段數少顯是故不用心措置若不懲戒深恐屯甲卒難
就緒故有是命二月十三日總領淮東軍馬錢糧所奏

已降指揮兩淮湖北京西諸路軍今年新開耕到屯田
與免來年夏秋兩料應干租課本軍不得別作名目妄
行科取本所除已牒鎮江府提舉措置屯田郭振遵依
施行外所有淮東路諸州軍亦有鎮江府諸軍新開屯
田并楊存中等獻納田土即未審合與不合遵用上件
指揮詔新開耕屯田自合照應已降指揮施行其逐處
獻納官莊即非新開田不合放免租課三月六日宰執
進呈荆南駐劄御前諸軍都統制兼提舉措置營田王
宣劄子近得湖北運判程逖書報陞辭之日面奉聖訓
令本軍屯田且據目下不得增葺仍具已墾數目及施
行事體聞奏竊緣當時制置司備奉指揮行下日臣曾

具利害申聞謂從軍之人率皆游手不樂耕稼若不誘之以利未易即工遂條具分收事宜初開荒年所收全給次年依鄉例主客減半輸官是十分止收二分半第三年方依主客例分收務要從寬期於集事悉蒙俯從所陳今來屯田官兵室廬皆已就緒耕鑿亦已安業麥種以下千五百石但自冬及春牛疫為災今漕臣既有建白謹當遵稟洪造等曰荆襄屯田行之多年已成次第深恐因程邀宣旨却致荒廢上曰朕意本不如此可明以諭之造等奏曰且令王宣將見屯田官兵依時耕種上曰然六月五日詔淮東屯田令鎮江府駐劄御前都統制戚方提舉六日新除淮南路轉運判官王之奇

朝辭奏事上宣諭曰淮上屯田已令有司將今年所收
盡數給種人卿到彼點檢如有奉行減裂去處便與理
會務要實惠及人二十五日建康府駐劄御前諸軍都
統制兼提舉措置屯田劉源言伏覲指揮將永豐圩開
掘見管租戶數多若一旦放散所所歸着便見失所今
來本軍差軍兵在和州巢縣屯田竊恐於內却有不諳
田土之人今相度欲候開掘永豐圩將放散租戶內取
問情願屯田之人撥換所差屯田軍兵歸軍所有合用
糧食乞令總領所支借應副委是兩利詔令江東轉運
司先次取問租戶如有願耕屯田之人候至十一月候
遣前去仍關報總領所支借糧食八月三日詔武鋒軍

已撥隸步軍司可就令錢卓將帶所部人前去六合縣
措置屯田須管限一季了畢十八日詔錢卓罷知高郵
軍依舊武鋒軍統制六合縣駐劄措置屯田九月十五
日湖北轉運司言已降指揮湖北京西路帥漕臣並兼
提領措置屯田諸州軍守臣兼管內屯田事照得德安
府隨州鄖州三處即目各有鄂州都統司軍馬屯戍乞
於逐處措置屯田外其餘州軍無屯戍軍馬難以措置
屯田竊慮難以虛帶屯田職事詔湖北轉運司既止有
德安府一處屯田免行干預其餘州軍別無屯田去處
自合免帶三年二月八日武鋒軍正將總轄楚州寶應
縣屯田事務賈懷恩言本莊除隸本軍所管外有高郵

軍及淮東安撫司總領所淮南轉運司鎮江府都統制
司並帶屯田職事逐處不時行移取索委是文字繁冗
供報不前詔寶應等縣屯田莊除隸屬步軍司并淮東
總領所外其餘官司並免管轄十三日總領淮東軍馬
錢糧所言淮東州軍措置新開耕屯田乾道二年收到
夏秋兩料物斛除椿留次年種子外其餘依當年正月
內御筆處分盡給耕種軍兵了當所有乾道三年分夏
秋兩料并已後年分收到物斛數目即未審合赴是何
去處送納詔將本路州軍屯田今年并已後年分所收
物斛除椿出次年種子客戶等分給外依營田例大麥
稻穀充馬料令戶部除豁支降馬料數目小麥雜豆

等本所拘收出糶價錢起赴行在左藏南庫送納其淮
西荆湖北屯田准此措置三月二十七日知隨州周冲
翼朝見進對上宣諭曰隨州極邊應營田屯田卿可躬
親提檢應所種多少所得多少先次奏來要知其數六
月十三日太府寺丞總領淮西江東軍馬錢糧兼提領
措置營田葉衡言本所有營田五軍莊計田二百七頃
六十五畝歲收夏料大麥四千一石小麥一千三百餘
碩秋料水稻一萬八千一百餘石充馬料以時價估計
共可值錢三萬貫省而所差使臣軍人各五百八十四
人掌管歲請錢四萬七千七百餘貫米六千五百碩絹
二千二百餘匹綿三千四百餘兩紐約用錢七萬五千

餘費所得不能償所費之半。無差去使臣軍人皆是癯老及官職稍高之人。占破身後若依近降指揮揀汰。又緣諸州軍揀汰人數至多。竊恐諸州難以應辦。詔都統制劉源將諸軍莊監莊使臣并軍客揀委實癯老之人。依舊存留營田所看管。減半支破。請給內若有堪充披帶人數。即行拘收歸軍教閱。所有逐人名下耕種田土。從本所召募農人耕種。七月十四日鎮江府駐劄御前諸軍都統制。魚提舉措置屯田。咸方言面奉聖訓。令措置招召百姓客戶抵替淮東營田屯田官兵歸軍教閱。契勘淮東營田并揚州滁州屯田三項共占官兵一千五百一十二人。今以去年所牧物斛組計價錢九萬一

百餘貫將官兵一年合請錢米衣賜共約計錢二十萬
六千八百餘貫比之收到物斛錢大請過官中錢一十
一萬六千七百餘貫臣今於前項官兵只乞存留主管
監轄官并曹司等一百二十二人依舊在莊部轄使喚
外有力耕軍兵一千三百九十人委是虛占枉費今若
從臣所請拘收歸軍不獨省減財賦於官中課利亦無
虧損又得逐時教閱乞下逐處守臣不得將前項屯田
官兵巧作緣故占吝所有營田臣乞依舊與淮東總領
所同共提領措置詔令戚方將少壯堪披帶人拘收歸
軍其老弱人且令依舊免行揀汰十二月六日權發遣
知州胡昉奏事繳納屯田軍兵圖冊劄子上曰屯田子

弟已兩次御筆行下令發歸本莊可籍訖仍不得刺手
面四年六月二十四日鄂州都統制提舉措置屯田趙
樽等言昨恭依指揮差發官軍前去安郛屯田以便軍
食去歲夏秋兩料收五萬餘石其黑豆餵牛大麥稻穀
充馬料所有小麥粟穀雜豆糶發價錢赴左藏南庫送
納所有逋處屯成軍馬合用糧料係總領所逋時移運
應副支遣今來安郛兩城修築堅固欲乞將已後屯田
所收大麥粟稻置倉播頓五年之間可積數十萬斛以
備邊陲有警應期支遣從之十一月八日詔差知無為
軍徐子寅前去淮南措置官田利害仍以措置官田所
為名徐子寅每月添支特給錢七十貫於所在批支五

年五月十七日徐子寅言今往楚州界內相視到空閑水陸官田敦請到歸正頭目人傳唱等勸諭歸正人王宗等四百二名情願結申從官中借給耕牛農具屋宇種糧請田耕種今措置條具下項據楚州具到寶應山陽鹽城淮陰四縣空閑水陸官田共計七千二百七十八頃一十四畝一角三十四步內淮陰縣係沿海極邊鹽城縣係沿海難以令歸正官於逐處種田外所有寶應縣孝義村艾塘村白馬村侯村共有空閑水陸官田二百餘頃係南近高郵高界山陽縣大溪村有空閑水陸官田三百餘頃係在楚州之南臣同傅昌等相視其田各堪耕種今措置欲每名給田一頃五家結為一甲

內一名為甲頭並就種田去處隨其頃畝人數多寡置
為一莊每種田人二名給借耕牛一頭犁耙各一副鋤
鍬鍤鎌刀各一件每牛三頭用開荒鑿刀一副每一甲
用踏水車一部石轆軸二條木勒澤一具每一家用草
屋二間兩牛用草屋一間每種田人一名借種糧錢一
十貫文省趙二月初一日開墾使用乃委知縣置籍每
一季親詣勸諭耕種其田給為已業通計滿十年日起
納稅賦仍令寶應山陽知縣紐計元置造農具屋宇及
元買耕牛價直并所借種糧錢均作五年拘還其所收
錢每年從楚州類聚解納行在左藏南庫樞管仍令差
元勸諭頭目人進武校尉添差淮東安撫司緝捕盜賊

不釐務傳昌守闕進義副尉添差常州聽候使喚不釐
務韓禮並許帶見任差遣前來部轄進義校尉王真守
闕進義副尉謝彪永免文解顧知古借補成忠郎叢汝
為借補承信郎徐悅借補承信郎王榮並充部轄乞下
淮東安撫司將頭目人八名各先次加借轉一官資內
顧知古係永免文解與借補進義副尉候耕種及二年
令楚州保明繳納元借轉官文帖申三省樞密院如係
真命人與換給轉一官資若係借補人乞斟酌補正日
後更有歸正願請田人欲乞並依今來措置到事理施
行詔令徐子寅措置十九日徐子寅言被旨措置兩淮
官田乞先往楚州催督守令置造農具屋宇給散耕牛

種糧錢趁二月內開墾俟措置一州畢日即往以次諸州軍所有諸州軍合具空閑官田數目乞從本所先次行下依所立日限開具申供所有置買牛具等合用錢物乞每料支降會子二萬貫俟支用一料將盡乞給降一料接續支用如有官吏違慢去處其人吏乞從本所杖一百斷罷畜職官取旨乞重賜施行從之三月二十七日知樞密院事四川宣撫使虞允文言利州路諸州營田向緣兵火之後田土荒閑無人耕佃前宣撫使鄭剛中措置差撥官軍耕種將每歲收到租米斛斗更相兌易到減成都府路對糴米一十二萬石應副贍軍臣昨入蜀境體訪積年既久弊倖不一軍兵與齊民雜處

於村疇之間恃強侵漁百端搔擾又於數百里外差科
百姓保甲指教耕佃間有二三年不得替者民甚苦之
其租米斛斛歲豐則利歸莊官水旱則保甲均認兼所
收之租不償請給之數謂如興元府歲役租九千六百
七十三碩一年却支種田官兵請受計一萬一千四百
四十五石之類知興元府晁公武措置以三年內所收
租課取最高一年為額等第均敷召人請佃發遣官兵
歸將擇少壯者教閱老弱者揀汰已據興元府鳳州召
人承佃自去年秋料為頭理納所承之租并階利興州
已係人戶租佃外有西和成洋州打量到見管田畝臣
已行下總領查勘差屬官一員前去逐州同知通措置

召人請佃發遣軍兵歸將放散保甲依舊歸元來去處
防托邊面從之八月十七日詔鎮江都統司及武鋒軍
見管三處屯田官兵並拘收入隊教閱其屯田并耕牛
農具等令逐諸軍交收日下出榜召人請佃只認軍中
所認租額九月六日知楊州莫濛言准指揮鎮江都統
司及武鋒軍見管屯田官兵並拘收入隊教閱其屯田
耕牛農具等令逐州軍交收日下召人請佃只認軍中
租額濛照應上件屯田今來已是開成熟田若依所降
指揮召人請佃只認納租額若租額稍輕往往盡為有
力之家所佃若或租額稍重未必有人請佃一年之後
復為荒田今來淮甸民戶復業者衆皆謀生計如揚州

逐時人戶交易田土投買契書及爭訟界至無日無之
今乞令逐州軍將所管屯田先次估定價錢開坐田畝
出榜召人實封投狀增價承買給付價高之人理充已
業耕牛農具亦令逐州軍各行變賣所有目今田土青
苗亦乞委縣官措置收刈變轉同賣田價錢今項椿管
以備朝廷取撥支用詔逐州軍將所管屯田目今以成
苗稼且令官兵收刈候收成了日以租額輕重比近品
搭均一依已降指揮召人請佃十一月十日大理正兼
權駕部郎中措置兩淮官田徐子寅言近降指揮武鋒
軍見管三處屯田官兵拘收入隊教閱其屯田耕牛并
農具等今逐州軍交收召人請佃今竊見所罷屯田莊

數內楚州寶應縣一莊有田一百三十二頃一莊有田
五百頃乞將二莊所管耕牛農具屋宇種糧等盡數撥
付官田所勸諭歸正人耕種仍乞就差賁懷恩王知彰
管轄所有課予乞依官田所例蠲免候至十年納賦稅
詔依所收課予與免五年六年正月二十五日建康府
駐劄御前諸軍都統制郭振言已降指揮令振同淮西
總領所相度揀選屯田堪披帶人充入披帶不堪披帶
人且令依舊屯田於新得予利內量度支給養贍却召
募少壯人補填籍契勘屯田官兵共約三千餘人其每
年所收物斛大段數少若將不堪披帶官兵止於所得
予利內支給養贍委是不給乞將屯田諸莊內除集縣

界柘臯莊依已降指揮召歸正人耕作外其和州界屯田並行廢罷將見占官兵拘收歸軍詔其田令和州召人租佃如無人即估價召人承買二月十一日建康府駐劄御前諸軍都統制兼知廬州郭振言承務郎薛康中措置廬州屯田事件令振相度今條具下項一耕田合用莊丁四千人軍兵一千人建康諸軍所管屯田已依近降指揮並行廢罷其見占官兵拘收歸軍今來若行差撥有礙前項指揮且廬州見管戶口人丁累經兵火蹂踐凋零今欲乞召募情願人戶耕蒔或無歸貧乏之人與免科役官給牛具借貸種糧付與耕作其所收子利除樁出借貸種糧外以十分為率官與力耕人中

分一乞先次蓋造住屋二千間收買耕牛五百頭並令
淮西轉運司應副候將來耕種稍成次第一面關報本
司接續蓋屋買牛一稻種借糧乞據合用數目關報淮
西總領所借撥應副使用候收成日却行椿收所有薛
康中乞差撥提領屯田所幹辦官從之二十八日詔建
康府都統司退下淮西屯田專委淮南轉運判官呂企
中措置召人耕種企中條具下項一今來建康府統領
司退下知州管下并無為軍拓舉鎮屯田數內拓舉鎮
莊依已降指揮委郭振招召沿淮歸正人耕作外有和
州屯田元係五百頃諸軍耕種今召人耕種欲多出文
榜勸諭召募一屯田元是軍人開墾官給種子等所收

花利主客中半分受今召人耕種即與向來軍人耕種
不同竊緣當來營田係是四六分官收四分客戶六分
蓋欲優異人戶今來欲乞除種子外依營田例四六分
數官私分受欲乞令知縣縣尉依營田法階街上各帶
主管屯田每遇支種子委自知縣躬親到地頭當面支
散知通令尉仍乞依營田例添支職田一今來屯田雖
是成熟竊緣承事之初合行優恤將來收成欲合免第
一年花利次年為頭方行分數官私收受一遇有人戶
前來承認耕種乞就逐縣實封投狀請佃畫時出給公
據一今來屯田不許見任官及僧寺道觀公吏等人託
名冒佃許諸色人告論如有違犯申取朝廷指揮外自

餘不拘西北流寓及兩淮居民以至江浙等處客戶並
許不以多少量力踏逐承佃仍令實封賚狀赴逐縣投
陳別置簿籍立定字號畫時給據付人戶收執耕作一
見椿管原係屯田牛具犁耙莊屋遇有人戶前來耕種
欲乞一面給散一所召到人戶並不得州縣差使騷擾
仍乞令逐州軍守臣常加覺察一給田之後若遇水旱
委自令尉躬親到地頭依實檢覆一據許子中先踏逐
差到進義副尉袁亨忠胡郎李彥忠說諭到歸正林本
等一行八十二人各情願受田種蒔乞依許子中申獲
指揮每種佃人一名借種糧錢一十貫文省一許子中
已申差李彥忠袁亨充措置兩淮官田所聽候差使今

欲乞存留逐人措置屯田使復仍以借置屯田所備准
差遣人為名從之四月十二日詔揚州滁州屯田依和州
已降指揮七年九月十一日戶部郎中總領湖北京西
軍馬錢糧兼提領措置屯田呂游問言本所所牧管營
田屯田內官兵闕人耕種之處乞依元舊頃畝出榜召
百姓依元額承佃從之祖課令本所拘收八年三月九
日宰執進呈知楚州陳敏奏城東有古壽河四十餘
里自兵火以來壅塞不通欲開堰取水灌溉田疇先措
置一莊已成倫理後於壽河一帶措置十莊開闢田土
官兵力田之暇不妨教習武藝為且耕且戰之計上曰
與趙充國時屯田不同漢以強治弱兵有餘力今日士

卒欲臨大敵不可責以農事七月十四日知廬州趙善俊言朝廷分兵屯田誠為至計然屯駐諸軍願耕者不得遣所遣者不願耕軍司並緣為姦當遣者僥倖苟免得遣者驕情不率此不可一也且以廬州合肥一縣言之五軍七莊共一千五百餘人止軍歲支錢一十四萬五千四百餘貫米一萬三千九百餘石歲下稻麥種僅千石所收才得五千石之數若計其支遣所收只可充兩月請給之費又未免取辦於縣官此不可一也朝廷以兵數不足召募新名今乃令屯田蓄三二千習熟之兵驕惰於田野之間緩急將安用之此不可三也臣謂罷屯田則有三利習熟戰鬪之兵得歸行伍從事於教

聞一利也無張官置吏坐靡廩稍無買牛散種以費官
物二利也屯田之田悉皆膏腴牛犁屋廬無一不具以
歸正人使之安居三利也取其三利而去其三不可在
今日誠不可緩詔廬州見差建康官兵屯田並行廢罷
其田畝牛具等令趙善俊盡數拘收許歸正人請佃據
撥給付如歸正人數少即一面募人租種仍委善俊將
屯田官兵親行揀點具堪入隊不入隊及老弱病患姓
名人數申樞密院並先次發遣歸軍既而善俊言屯田
並係膏腴之地既許人請佃竊慮官員秀才公吏冒名
前來承佃不得專一應副歸正流移等人乞下廬州禁
止從之九月三日湖廣總領所言比准指揮令相度荆

鄂兩軍營屯田利害近據鄂隨鄖州申乞依舊令官兵耕種本所照得逐州退下營田屯田其間往往皆是瘠薄田畝又多與本軍見耕田土參雜若且令營屯田官兵相兼耕作委是經久利便所有荆南軍元退下屯田二百二頃五十五畝半並係官兵累年開墾熟田除耕種過一百二十一頃五十八畝計用種一千一百一十五石七斗五升一切了畢務得歲計稻穀增羨今來荆鄂兩軍見退下空閑熟田乞依荆南軍屯田依舊令官兵耕種詔李安國疾速措置差官主管招募客戶耕種毋令荒閑田土仍盡數拘收莊屋農具給付客戶居住使用將收藝到子利照年例分隸同日照准南運判高

禹將屯田官兵退下田畝并今來寬剩之數疾速盡行
招召客戶耕種毋令少有荒閑仍令蔡洸依已降指揮
差官主管拘收莊屋農具應付客戶居住收到子利照
應年例分隸施行旬具招到客人耕種頃畝以聞先是
高禹言鎮江諸軍屯田為民之害積年已久專委屬官
顧孝閔同高郵江都兩縣主簿密切遍詣諸莊覲約頃
肥瘠荒熟之數除戶部圖籍四百七十餘頃之外約計
寬剩尚近千頃內除瘠薄之地三百餘頃猶有膏腴
七百餘頃欲自今歲為始本司抱認上供諸司課子并
分給客戶種糧正行撥隸淮東運司故有是命九年五
月七日建康府駐劄御前諸軍都統制郭剛言太平州

營田官莊客戶一百餘家所占官兵二百四十餘人一
歲所收除種子分給力田人外共得稻三千餘石麥二
百餘石共準餘三千四百餘貫官兵歲約請給計錢三
萬八千餘貫校之不及官中所支官兵兩月請給委是
大段虧損官課乞將太平州營田官兵依趙善俊措置
廬州屯田事理委總領所逐一點揀強壯人收充入隊
帶甲使喚其老弱病患人依揀汰人吏發遣所有成熟
田畝牛具屋宇等令太平州盡行撥付見管客戶耕作
如尚少闕招召無歸之人請佃種蒔轉納租課且本莊
官兵積習舊弊多有承佃之人以其不係本司兵額無
緣根括亦乞下總領所乘此揀點一就取見詣實改正

內有職名人承貸官資依已降指揮敦減一半支破合
得分数請給施行從之淳熙二年正月九日詔逐路將
人戶已買警田並與消豁稻麥依本州縣體例照肥瘠
高下起理二稅不得高價重叠科折如有違戾許民越
訴從淮東總領錢良臣請也三年正月十八日總領所言人戶歸業
雖有紹興二十五年給還指揮往往戶是計囑公吏妄
稱本戶子孫陳乞官即信憑給還官莊已耕熟警田以
或人戶見佃田以此詞訟不已欲下諸州如日後有似
此乞還業之人即告示令踏逐官田對本戶真契畝數
撥還庶草前弊從之四年十一月八日詔淮東安撫司
將昨應募力田指使內不願開耕繳納付身人未還納

借支錢井口食稻子一千七百二十四石四斗並與除
撥五年閏六月六日興州駐劄御前諸軍都統制吳挺
言自昔營田之積穀實邊本以為使今階成西和鳳州
并長舉縣營田乃反不同以三年計之所得統四萬九
千餘緡而所費乃一十七萬餘緡乞令所屬州縣召民
戶請佃却將軍兵抽還歸軍趁赴教閱從之七年二月
二十二日詔四川有營田州軍依江淮例令知通縣令
衙內帶營田二字

從四川總領
李昌國請也

十年五月十三日詔湖

廣京西轉運司將都統司具到頃畝先次行下襄陽德
安府邛州契勘如於民田無侵犯即依運司條具事理
施行候將來招到佃戶人數并所收課子數目每歲開

具聞奏以湖廣趙汝誼等言鄧州江陵府都都統制岳建壽軍襄陽德安府郢州根括積年荒田九十餘頃與屯田見耕田土參接令若許令本司從營田體例招置佃戶官給牛具種子與免官司差役耕種所得租課分收入官庶幾荒閑之地漸所得田奉旨令都統司同總領所京西湖北轉運司措置條具聞奏臣等今條具下項乞從營田體例招置佃戶每頃以三人為率約當三百餘人今欲將置到佃戶依做保伍法團結有犯從本屯及地分官司照條斟量輕重施行一官給牛具種子每畝種一斗共用種九百餘石欲於逐處屯田見橋斛斗內支撥所有耕牛每頃用牛二頭共用一百八十餘

頭并農具於營屯所錢內通融支撥牧買仍佃戶每家
官給草屋三間內住屋二間牛屋一間今就本屯官兵
計置起蓋一與免佃戶本名下丁身差科及免充本都
內煙火保甲差使一招置到佃戶每名欲權借穀三五
石以至十石應副食用候至秋成日拘收一開墾之初
與免初年分收課穀一料至次年除留官種外將收到
予課官客均分故有是詔

宋會要 寧宗

開禧二年五月二十二日臣寮言乞下有司契勘見今
荆襄兩淮應干營田去處所管官兵令主帥揀選彊壯
勇敢之人撥歸元來軍分袂同差出軍前驅使其犒之
類令總領所見今椿管錢內支破或截撥上供綱運支
遣其有不堪披帶者分隸輜重老弱殘疾者聽仍舊營
田之後所有已揀去官兵營田闕額之數却令總領所
告示逐處總首多有佃客而無田與耕者或出榜招募
流移之民及當處民戶無產業者及有產業而尚有餘
力者聽其從便入狀權行承佃人限以若干畝官給牛
種計其所食日各給以若干為庸雇之直或只會其田

若干止納若干租課候成熟日照所認輸納庶使鄉民
各所所處而無失所之憂官軍各效所長而無鬱鬱之
歎從之嘉定七年四月二十四日隨州言近准指揮為
京西轉運司備據元忠良申請將各州屯田官兵撥歸
營寨以閱武事將屯田地改牛隻器具照營田之法招
勸客戶耕種送納官課劄付本州一體措置除已遵稟
牒委隨縣知縣前去根括官兵所種田畝的實數目後
據申親詣地所丈量到官兵見種田土計百二十四頃
三十二畝一分比屯田帳內所申數目計根括丈量出
田二頃九十二畝一分即無隱漏保明申乞施行州司
已將根括到屯田的實畝數撥作營田見出榜招召客

戶佃種一依元忠良所陳體例施行外所是今屯田官并見管牛隻農具係隸鄂州都統司差置在本屯耕作乞下鄂州都統司將屯田官兵盡數抽回營寨牛隻農具撥付本州籍定付佃戶耕種施行詔依所申仰疾速措置具申尚書省八月二十六日知濠州應純之等言昨準省劄委同措置將官買到荒田并拘收賊人鄒世良荒田開墾作營田官莊純之等遵稟措置今已招到莊客三百一十九丁開墾水陸田一萬六千一百一十八畝於澧州收買到水牛一百五十三頭又於本州自買到黃水牛共二十頭並已給付莊家見今耕作但照得未墾田數尚多合在秋成之後照已成規模買牛招

客接續開墾且以三百二十丁為率合用牛一百六十頭百色支用錢二萬八貫七百餘已見今於公使等庫常賦之外博節措辦撥入營田庫應副支用外所有買牛錢本州實無所出欲望朝廷支降錢五千八百貫文并前項劉從善侵支過本州營運錢四百九十三貫八伯文早賜支降乞下京湖制置司令澧州同共收買庶幾秋冬之交可到本州得以趁時開墾詔令江淮制置司於樞管會內取撥五千五百貫文應副濠州收買耕牛使用仍令濠州日下差人前去請領并具已買到牛隻及支用數目帳狀保明申及將已借支過營運錢內銷豁仍仰本州須管趁此秋成疾速措置招收客戶耕

墾務要種徧頃畝毋得荒廢 十三年七月十四日四
川宣撫使安丙摠領財賦任處厚言臣等契勘蜀口營
田成規總所雖經焚蕩而蜀紳所藏編類成籍可考不
誣階成西和天水沔鳳渠洋利九郡逃移荒閑有主無
力田土措置開墾始於吳璘成於鄭剛中至紹興十五
年遂州墾田共二千六百五十餘頃夏秋兩料納官細
色計一十四萬一千四十九石用充所屯將兵支遣却
與民戶罷免和糴并對充成都府路對糴三分之一為
利可謂博矣乾道四年以後屯戍漸撤將兵各歸軍教
閱營田亦廢下諸州募民承佃遂致租利走失驕將豪
民乘時占據墾墾淳熙紹興間田畝雖增至七千七百餘

頃而所牧細色却止許九萬八千六百五十餘石近年
所入又不及四五萬石其弊不可槩舉今豪強移徙田
土荒闕正當拘收耕種之秋合自總領所與宣撫司同
共措置置局討究先來金州及梁洋等九州係官營田
取見紹興以來畝日分妄清強官吏覈實隱漏數定租
數終見次第即將拋荒無主之田照吳璘鄭剛中體例
分撥官兵各選部下輜重火頭不入隊人隨分屯地分
官給牛種耕種俟收割了當除元下種子外計畝所收
之數高下分給內有民戶冒耕種已施工力之田即聽
其就佃復以舊額輸租入官則可以為久駐之資可以
省餽運之費軍民兩利外有逃絕田土欲行措置則闕

內外兵火之後亦多有之今為豪民無賴之徒冒作命
繼計會州縣給據冒認并寺觀戶絕之田其數亦不貲
此二者為利亦不在營田之下除已一面分差官吏前
去措置并下逐州軍行下應管營田縣分討充元額及
後來增減則目見管田畝租利并將見荒或人戶冒占
逃移戶絕無主之田一面併行盡寔根括具帳開申乞
從所請施行從之十一月二十六日詔秦司準備差遣
利州府安撫司準備差遣并幹辦公事三員並行省罷
令四川宣撫司差置營田司幹辦公事一員從本司選
擇有才力通練人奏差俸給照宣撫司幹官體例自總
領所幫勘以宣撫使安丙言修復營田講求之初必須

專置屬官乃克有濟乞廢三關以倣荆湖例置宣幹辦
營田公事一員故有是命 十五年七月十八日臣僚
言竊以營田之制於今最為急務而非一日可成紹興
間嘗專降江淮營田指揮若鄭剛中則行之關陝若岳
飛則行之荆襄若王權李顯忠則行之江淮咸有規畫
歲收萬計今田之在州縣間者猶屬營田案雖歲久或
為豪強包占猶可覆也方今殘虜游魂時闕我遺遺民
慕義方仰我食忠義之來歸者日益衆既難盡拒可不
思所以養之若營田就緒豈惟可以養兵亦可以養流
民也臣向者備數應城見本縣營田殆數千畝且一縣
若此推廣而計之一郡一路其數必多乞下江淮荆襄

四蜀制守監司令各隨風土之所宜事體之所便條畫
申上朝廷立為各路各州專行營田之法行下修浚營
屯以為悠久之圖以立富強之勢可以飽屯戍之兵贍
來歸之衆兼照得蘄黃二州田素膏腴去春兵火之餘
民丁轉徙目今耕種未能十之二三尤當先經理其他
曾被兵處閒田必多不特營田舊額也乞下相度經理
務在詳實從之 十七年正月二十六日詔准東西湖
北轉運專一提督措置營屯田事繫銜遵照節次已行
下事理嚴督所部州軍多方措置召募耕墾見管營屯
并將無力耕種之田一面充支有管官錢照價收買務
要田土浸闢不致拋荒仍每歲徇權州軍所收稻麥從

寔橋管具八月帳毋令侵移失陷

從中書州下省請也

三月二十

八日詔淮東西提督措置營屯田司各置準備差遣一

員仍令逐司選擇經任有舉主無過犯選人充

止

宋會要農田雜錄

農田 太建隆三年正月賜諸州詔曰生民在勤所實惟

穀先王之明訓也永念農桑之業是為衣食之源今陽和在辰播種資始慮彼鄉閭之內或多游惰之民苟春作之不勤則歲功之何望卿任居守土職在頒條宜勸諭耕耘收功穗莢勉思共理別俟陟明九月詔如聞百姓有伐桑棗為薪者其令州縣禁止之 乾德二年正月詔諭諸州長吏曰朕以農為政本食乃民天必務告以勸分庶家給而人足今土膏將起陽氣方升苟播種失時則豐登何有卿任隆分土化洽編氓所宜課東作之勤副西成之望使地無遺利歲有餘糧勉行敦勸之

方體我憂勤之意 四年閏八月詔所在長吏告諭百姓有能廣植桑棗開墾荒田者並只納舊租永不通檢令佐能招復逋逃勸課栽植歲減一選者加一階 太宗太平興國七年二月詔曰東畿近年以來蝗旱相繼流民甚衆曠土頗多蓋為吏者失於撫綏使至於是天災所及隱匿而不以聞歲調既興循常而不得免編戶遂或於轉徙大田乃至於污萊深用疚懷不遑寧處俾伸惻隱別示招携宜令本府設法招誘並令復業只計每歲所墾田畝桑棗輸稅至五年復舊舊所逋欠悉從除免限詔到百日許令歸復違者桑土許他人承佃為永業歲輸稅調亦始復業之制仍於要害處粉壁揭詔

書而示之五月詔開封府管內膏澤沾足宜令民及時
種藝未泰道路泥甚輸租者當俟晴霽吏無得督責閭
十二月詔諸路州民戶或有欲勤稼穡而乏子種與土
田者或有土田而少男丁與牛力者許衆戶推一人詣
會種植者州縣給帖補為農師除二稅外並免諸雜差
徭凡穀麥麻豆桑棗果實蔬菜之類但堪濟人可以轉
教衆多者令農師與本鄉里正村耆相度且述土地所
宜及其家見有種子某戶見有閤丁某人見有剝牛然
後分給曠土召集餘夫明立要契舉借粮種及時種蒔
俟收成依契約分無致爭訟官司每歲較量所課種植
功績如農師有不能勤力者代之墮農務為飲博者里

按太平興
國無九年

胥與農師謹切教誨之不率教者州縣依法科罰 九
年以其煩擾罷之淳化元年九月詔江浙等路李昱錢
俶曰民多流亡棄其地遂為曠土宜令諸州籍其隴畝
之數均其租每歲十分減其三以為定制仍給復五年
召游民勸其耕種厚慰撫之以稱務農敦本之意 四
年二月詔嶺南諸縣令勸民種四種豆及黍粟大麥蕎
麥以備水旱官給種與之仍免其稅內乏種者以官倉
新貯粟麥黍豆貸與之 五年三月以宋亳陳潁州民
無牛畜者自挽犁而耕因令逐處人戶團甲每一牛官
借錢三千令自於江浙市之又命直史館陳堯叟先賡
踏犁數千具往宋州委本處鑄造以賜人戶先是太子

中允武允成常進踏犁至是令搜訪其制猶存因命鑄造賜焉堯叟還奏踏犁之用可代牛耕之功半比鑿耕之功則倍至道元年六月詔曰近年以來天災相繼民多轉徙田卒汚萊雖招誘甚勤而逋逃未復宜申勸課之旨更示蠲復之恩應諸州管內曠土並許民請佃便為永業仍免三年租調三年外輸稅十之三應州縣官吏勸課居民墾田多少並書印紙以俟旌賞十二月詔勸農種藝素有定規如聞近來多不舉職非所以副宰字之寄厚衣食之源宜令諸路州府各據本縣所管人戶分為等第依元定桑棗株數依時栽種如欲廣謀栽種者亦聽其無田土及孤老殘疾女戶無男丁力者

不在此限如將來增添桑土所納稅課並依元額更不
增加每春初曉示令佐能設法勸課得替日批歷為課
三年七月詔應天下荒田許人戶經官請射開耕不許
歲年末議科稅直候人戶開耕事力勝任起稅即於十
分之內定二分永遠為額 真宗咸平二年二月詔曰
前許民戶請佃荒田未定稅賦如聞拋棄本業一向請
射荒田宜令兩京諸路榜壁曉示應從來無田稅者方
許請射係官荒土及遠年落額荒田候及五年官中依
前敕於十分內定稅二分永遠為額如見在莊田土窄
願於側近請射及舊有莊產後來迁移已被別人請佃
礙敕無路歸業者亦許請射州縣纔有請射狀疾速給

付別置籍抄上逐季聞奏其官中放收要用土地及係
帳逃戶莊園有主荒田不得悞有給付長吏常切安撫
廣務耕種隨土所宜趁時栽種不得輒有攪擾長吏批
上印厯理為勞績如拋本業抱稅東西改易姓名妄求
請射此色之人即押歸本貫勘斷 三年六月著作佐
郎胡則言請課河北州縣種榆柳以備材用從之十一
月以刑部員外郎直史館陳靖為京畿均田使令自擇
京朝官分下諸縣 六年三月大理寺丞黃宗旦上言
潁州陂塘荒地凡千五百頃可募民耕植即遣宗旦馳
往經度部民應召者三百餘戶詔令未出租賦免其徭
役又命宗旦通判潁州使終其事 景德二年正月內

出踏犁式付河北轉運令詢於民間如可用則官造給之時以河朔戎寇之後耕具頗闕牛多疫死淮楚間民踏犁凡四五人力可比牛一具故有是命 大中祥符二年八月詔澶州自今民以耕牛過河者勿禁時河朔牛疫河南民以牛往貿易者甚衆而澶州浮梁主吏輒邀留之故詔諭焉 五年五月遣使福建州取占城稻三萬斛分給江淮兩浙三路轉運使并出種法令擇民田之高仰者分給種之 其法曰南方地暖二月中下旬至三月上旬用好竹籠周以稻稈置此稻於中外及五斗以上又以稻稈覆之入池浸三日出置宇下伺其微熟如甲坼狀則布於淨地俟其萌與穀等即用寬竹

器貯之於耕了平細田停水深二寸許布之經三日次其水至五日視苗長二寸許即復引水浸之一日乃可種蒔如淮南地稍寒則酌其節候下種至八月熟是稻即旱稻也 真宗以三路微旱則稻悉不登故以為賜仍揭榜示民 六年六月監察御史張廓上言天下曠土甚多望依唐宇文融條約差官檢估帝曰此事未可遽行然人言天下稅賦不均豪富形勢者田多而稅少貧弱地薄而稅重由是富者益富貧者益貧王旦曰田賦不等誠如進旨但須漸謀改定或命近臣專司之委其擇人且自一州一縣條約之則民不擾其事集矣七月詔自今農器並免收稅先是知濱州呂夷簡奏乞免

河北諸州收稅農器帝曰務穡勸農古之道也豈止河北耶故有是詔 七年三月詔自今典賣田宅其隣至內如有已將田業隣至即依隣至次第施行先是京兆奏民有訟田以典到地為隣至者法無明文故條約六月詔諸州典業與人而戶絕沒官者並納官檢估詣實明立簿籍許典限外半年以本錢收贖如經三十年無文契及雖有文契難辨真偽者不在收贖之限初三司以舊無條制請頒定式狀下法寺故不命條約焉八月詔以諸道牛疫民有買賣耕牛者免稅 九年八月詔曰數收之畜農耕所資盜殺之禁素嚴阜藩之期是望或罹宰割深可憫傷自今屠耕牛及盜殺牛罪有不

至死者並繫獄以聞當從重杖時中使自洛迴言道逢
繫牛囚者甚衆慮不逞輩因緣屠宰故戒之明年江南
范應辰杭州薛顏越州楊侃並上言江浙之間犯禁者
衆悉以上聞即刑獄淹繫遂罷此詔止如舊救施行

天禧元年八月詔諸州賣買耕牛稅錢更放一年三司
不須比較十月萊州上言州民願以舊麥一斗易官倉
新麥為田種從之仍令京東轉運遍諭諸州許依此制
二年二月梓州黃昭益遂州滕世寧言川界多爭論
追贖遠年典賣莊土及至勘詰皆於業主生前以錢典
市及業主戶絕本人不經官自陳便為已業直至隣里
爭訟方始承伏出錢估買望自今每戶絕如有曾典得

物業人並須具事白官或隱匿註誤事發即決罰訖勿
許復買詔法寺叅議且請自今應以田宅與人上而業
主戶絕者與限一年許見佃人具事白官估直召人收
市限滿不告論如法莊宅納官從之六月詔民有訴理
田地非是相侵奪者並依舊制俟務閒日理決先是河
北提點刑獄上言民有詣闕訴田者詔令本州依理施
行官司被詔雖在農務即追理之顧妨農業故命條約
三年七月詔戶絕莊田自今纔有申報即差官詣地
檢視其沃壤園林水碓止令官司召人租佃及開闢疆
界數目附籍收條其硯瘠田產即聽估直出市時有言
官司以戶絕田肥沃者市於人而以瘠土租課故有是

詔十月詔廣南自天禧元年正月一日已前民有私鬻
有分田產券契分明為有分骨肉論理者即以所鬻價
直均分之田產付見佃 四年四月福建路轉運使方
仲荀上言福州官莊千二百十五頃自來給與人戶主
佃每年只納稅米乞差官估價令見佃人次買與限二
年送納事下三司請如所請詔福州官莊更不出賣差
屯田員外郎張希顏與轉運使同共依漳泉州例均定
租課聞奏八月二十二日詔國家每念蒸黎常輕賦歛
豈令遠俗重此均輸宜特示於推恩俾並從於舊貫其
福建佃官莊戶依舊佃時更不均定租課天聖三年希
顏又奏先往福建均定官莊租課已定租米六萬五千

碩相度福建八州皆不官莊七州各納租課惟福州只依私產納稅復免差徭顯是俸民乞相均米數依州價拆納見錢銅錢中半從之是日利州路轉運使李昉上言近覩敕命就差提點刑獄官充勸農使以見國家務農之道臣三紀外任每見州縣之民多不諳會播種覽四時纂要齊民要術並是古書備陳耕耨栽植之法又覩先降農田牧條貫甚精蓋止約於刑禁顯諸程式復置常平倉亦慮其乏絕今請取此二書雕印頒付諸路勸農司委轉運勸農使副每遇巡歷州縣常加提舉勸農詔令館閣校勘雕印賜與諸處是月兩浙路勸農使言人戶自括田均稅已後多耘耕官荒田今成熟土歲

月已久今不即首露者慮隣人多奪望聽元佃人首罪
收稅復給佃者從之 五年四月詔曰朕茂紹慶靈撫
寧區宇方厲勤於稼穡思洽詠於倉箱今以膏澤應時
大田興役冀臻上瑞實荷高穹猶慮罄寓之間力農之
室覩資儲之盈羨忘播植之艱難或縱棄捐怠於收歛
俾行戒諭用示軫懷宜令州縣告諭人戶不得枉有費
用棄擲食物違者量罪科責六月司勳員外郎趙賀言
川界戶絕田土昨准敕除二稅外悉定租課召人請佃
切慮租賦稍重望且許依舊估直貨鬻從之十月詔河
北民有請佃落北蕃戶莊土園林而輒典質者止勒典
質本主佃蒔俟本主自北界至即時給付其元質緡錢

勿復理納先是景德二年勅落北界人莊田園林請佃
輒有毀鬻者許人陳訴依法科罪至是知趙州高志寧
言部民投牒訴者五百八十餘戶蓋始以蝗旱不濟因
貿易其園今方歲稔即互有論告若受而理之恐成滋
蔓望賜條約故有是詔 乾興元年十二月

仁宗已即位未改元

上封者言自開國已來天下承平六十餘載然而民間
無積蓄倉廩未陳腐稍或饑歉立致流移蓋差役賦歛
之未均形勢豪強所侵擾也又若山海之利歲月所增
莫不籠盡提封萬里商旅往來邊食常難物價騰湧匹
帛金銀比舊價倍斛食糧草所在增貴復有推酤尤為
糜瀆不立禁約只務創添為害滋深取利何極至如川

遠所產雖富般運實多收買折科織造染練其費不一
所有四害今當縷陳伏見勸課農桑曲盡修目然鄉閭
之弊無由得知朝廷惠澤雖優豪勢侵陵罔暇遂使單
貧小戶力役靡供仍歲豐登稍能自給或時水旱流轉
無從戶籍雖有增添農民日自減少以臣愚見且以三
千戶之邑五等分算中等已上可任差遣者約千戶官
員形勢衙前將吏不啻一二百戶並免差遣州縣鄉村
諸色役人又不啻一二百戶如此則二三年內已總遍
差纔得歸農即復應役直至破盡家業方得休閑所以
人戶懼見稍有田產典賣與形勢之家以避徭役因為
浮浪或恣墮游更有諸般惡倖隱占門戶田土稍多便

作佃戶名目若不禁止則天下田疇半為形勢所占復請應自今見任食祿人同居骨肉及衙前將吏各免戶役者除見莊業外不得更典賣田土如違許人陳告典賣田土沒官自然減農田之弊均差遣之勞免致力役不禁因循失業其罷俸罷任前資官元無田者許置五頃為限乞差近上明幹吏檢會茶鹽體例條制出自宸斷裁擇施行詔三司委衆官限五日內定奪三司言准農田救應鄉村有莊田物力者多苟免差徭虛報逃移與形勢戶同情啟倖却於名下作客影庇差徭全種自己田產今與一月自首放罪限滿不首許人告論依法斷遣又賞又准天禧四年救應以田產虛立契典賣與

形勢豪強戶下隱庇差役者與限百日經官首罪改正
戶名限滿不首許人陳告命官使臣除名公人百姓決
配令準臣僚奏請衆官定奪欲應臣僚不以見任罷任
所置莊田定三十頃為限衙前將吏合免戶役者定十
五頃為限所典買田只得於一州內典賣數目如有祖
父遷葬若令隨莊卜葬必恐別無墜地選擇方所令除
前所定頃數許更置墳地五頃為限如經條貫從輒敢
違犯許人陳告命官使臣科違制罪公人永不收充職
役田產給告事人若地有崖嶺不通步量刀耕火種之
處所定頃畝委逐路轉運使別為條制具詣實申奏又
按農田教買置及拆居歸業佃過戶未併入本戶者各

出戶帖供輸令臣僚所請並須割入一戶下令欲申明
舊勅令於逐縣門榜壁曉示人戶與限百日許令陳首
改正限滿不首及今後更敢違犯許人陳告如公然作
弊顯是影占他人差役所犯人嚴斷仍據欺弊田三分
給一與告事人充賞從之

宋會要

仁宗天聖元年六月江西勸農使朱正辭上言昨知饒州據鄱陽縣佃戶吳智等經縣請射崇德鄉佃戶田產今主人有狀經縣不許請射逃田遂送法司大中祥符六年勅江南逃田如有人請射先勘會本家舊業不得過三分之一其吳智等無田抵當更不給付以臣愚見若舊業田有三分方給一分則是貧民常無田業請射唯物力戶方有抵當欲乞特降勅命應管逃田不問有無田業欲並許請射事不法寧與三司定奪三司言江南逃田若須令有田之戶以舊業三分請射一分則無土貧民無由請佃荒閑益多又有田業人挑段請射今

欲應管逃田許不問戶下有無田業並令全戶除墳塋
外請射充屯田佃種依例納夏秋租課永不起稅若一
戶無力全佃許衆戶同狀分請一戶逃移勒同請人均
輸並從之七月殿中丞齊嵩上言檢會大中祥符八年
勅戶絕田並不均與近親賣錢入官肥沃者不賣除二
稅外召人承佃出納租課變易舊條無所稽據深成煩
擾欲請自今後如不依戶令均與近親即立限許無產
業及中等已下戶不以肥瘠全戶請射如須沒納入官
即乞許全戶不分肥瘠召人承佃又國子博士張愿上
言累有百姓陳狀稱為自來官中定年深戶絕租課積
累物數已多送納不前蓋是元差到官務欲數多望成

勞績定租重大累蒙校料攤配在隣人戶下送納不辦
遂至逃移官中更均攤在以次逃戶隣人名下起惹詞
訟國家富有萬方三司是聚斂之臣必慮不能蠲免乞
不下三司定奪事下三司與法寺議定聞奏令衆詳應
戶絕戶合納官田設或兌下瘠田已遠無人請買荒廢
虧失稅額欲乞勘會戶絕田勒令佐打量地步什物估
計錢數申州州選幕職官再行覆檢印榜示見佃戶依
估納錢買充永業不得更將肥田請佃兌下瘠薄若見
佃戶無力收買即問地隣地隣不要方許中等已下戶
全戶收買其錢限一年內送納如一戶承買不盡許衆
戶共狀收買如同情款俸小估虧官許知次第人論告

並當嚴斷仍以元買田價十分給三分賞告事人從之

二年正月開封府提點縣鎮李識言請下開封府委令佐勸誘人戶栽植桑棗榆柳如栽種萬數倍多委提點司保明聞奏各與陞差使從之 三年五月深州董

希願上言準景德二年正月敕河北沒蕃戶莊田林木本主未歸無人佃者委逐縣官遍往點檢實數置籍管係常切檢校不得毀斫候本主歸給付如本主未到許房親請佃如無房親即召主戶佃時其年七月詔河北全家沒蕃戶莊田須親房召隣保五七人方得請佃如無許主戶請佃據一物已上縣立帳給付州縣拘轄不得斫伐破賣候主歸依數還之至天禧五年敕用知趙

州高志寧言據已破賣沒蕃人戶主田且勸典質主佃
時候歸給付已經勘斷者更不為理臣祥元敕未和好
以前沒蕃之人朝廷矜憫慮有廢土伐木折屋致本主
歸無所投遂降勅不得斫伐破賣今緣和好已久自雍
熙後至景德前能歸復者盡已歸復至今未歸之人
多是從初殺戮或在北已亡縱在蕃中其存者亦少其
莊田舊已率救給與房隣佃蒔或已有請佃戶又多尊
長亡沒目下子孫相承佃蒔已成營葺屋宇損壞不敢
修換桑棗枯朽不敢剪除見今園林多是後來栽植河
朔之地少近山谷每官中科木或制農具若不採斫園
林即木無所出偶然修換或採取一株便為游墮之民

陳告即奪給告者却使元佃戶全家越出不唯惠被姦民實亦有傷和氣近有頻準轉運司差官推勘多是陳告比類公事竊慮不逞之人競起訟端端祇不遂安居刑獄無由清簡今請應河北人戶請佃沒蕃莊田者除將莊田典賣毀伐桑棗即依舊條所有屋舍家事園林菓木任便脩採更不坐罪不許陳告亦不給田充賞從之九月戶部郎中知制誥夏竦上言諸州例多曠土臣曾詢問鄉耆皆稱舊日逃田許氏挑段請佃候耕墾稍熟牛具有力即於疆畔接續添請是以人戶甚便官中又得稅賦自有條貫湏全戶請射後來例無大段事力之人一起請佃今若許挑段請領之時亦不乞減於料

次情願更添稅賦其餘荒田漸次接連請射欲乞今日
已前應係田及係官荒田經三年以上者許挑段請射
於所請田元額稅加十分之二便於次年起稅納仍先
許中等已下戶請射如有餘者方許毫勢請佃即不得
轉將典賣州縣別作簿書主簿逐年具數申奏又恐議
者以為百姓揀却沃土久遠拋下官中瘠田不肯夾帶
請佃且即令逃田二三十年荒廢肥瘠之地空長草萊
上無一粒黍稷入官下無一粒菽麥濟民未知空守舊
章畢有何益利害之際黑白甚明又慮議者以為民擇
得美田即棄見佃瘠土且國家養民惟恐不富若令百
姓盡得良田供得賦稅衣食稍足此合帝王愛民之心

利害相萬較然可知從之十月提點開封府界縣鎮張
君平言州縣戶絕沒官莊田官司雖檢估召人承買時
佃其有經隔歲月無人承當蓋檢估之時當職官吏準
防已後詞訟多高起估錢以致年深倒塌荒蕪陷失租
稅望降敕選官重估實價召人承買自今須子細看估
不得高起估錢虛係帳籍事下三司相度三司言按天
聖元年七月勅戶絕田令佐畫時打量地段估計屋舍
動使申州委同判幕職再行覆檢出榜曉示見佃戶納
錢竭產收買只依元額納稅不納租課不得挑段請佃
或見佃戶無力即問地隣地隣不要方許中等已下戶
收買價錢限一年納官又九月勅三司言舊假欠官物

估納抵當產業入官除已標充職田收地不許收贖外如十五年内本主或子孫親的骨肉却要元納莊許依元估價錢收贖如十五年外見有人住佃者不令收贖今詳年限稍遠欲乞限十年内許本主或親的子孫骨肉收贖限滿不贖郭下廓店物業外鄉村庄田舍屋水碓委令佐打量估計結罪申州州差同判或幕職再行檢估出榜許人收買如小估虧官許知次第人論告並科違制之罪公人決配其元價沒官奏可今看詳張君平所請已有上件敕命令欲舉明前勅施行從之十一月淮南制置發運使方仲荀言福州官莊與人戶私產田一例止納二稅中田畝錢四文米八升下田畝錢三

文七分米七升四勺若只依例別定租課增起升斗經
久輸納不易兼從初給帖明言官中却要不得占吞臣
欲乞以本處最下田價賣與見佃戶今准詔為知福州
胡則乞放免官莊租課令臣分拆利害伏緣事理明白
望早施行詔屯田員外郎辛惟慶乘遞馬往彼與本州
出賣不得虧損官司 四年六月辛惟慶還言臣與本
州體量閩侯官十二縣共管官莊一百四熟田千三百
七十五頃八十四畝佃戶二萬二千三百人於太平興
國五年准勅差朝臣均定二稅給帖收執內七縣田中
下相半五縣田色低下尋滕州估價及具單貧人數按
見耕種熟田千三百七十五頃共估錢三十五萬貫已

牒福州出賣送納見錢或金銀依價折納其元管荒田園有後來請墾佃者五十四頃九畝見今未有人佃已牒福州估價召人請佃臣尚慮狡猾之輩別啟情倖於名下田園揀選肥濃稅輕者請買却退瘠地別致虧官已牒福州並須全業收買依勅限三年納錢不收牙稅如佃戶不買却告示鄰人鄰人不買即召諸邑人仍令令佐將帳簿根究數目如日前曾將肥土輕稅田與豪富人今止瘠地即指揮見佃戶全業收買割過戶籍若佃戶不買即將元却肥田一處出賣又按佃戶名亦有僧戶元條僧人不得買田已牒州出榜告示許主收買或僧人元有官田已却別戶承佃者敢爭執妄生詞說

即嚴加勘斷事下三司詳定三司言若依惟慶估定價錢三十五萬餘貫今作三年送納恐見佃戶除二稅外更納田價錢數多欲乞特與減放分數却添年限計許隨稅將見錢并但堪供軍金銀紬絹依市價折納如願一併納足價錢亦聽從便仍令州縣置籍拘管紐定逐年合拘納錢數隨稅追催封椿收附候及數目計綱上京不得別將支破候納錢足給戶帖與買田人執為永業應副差徭勅三司據估到錢三分減一分限三年納足其合應副差徭亦候三年外監察御史朱諫上言福州屯田耕田歲久雖有屯田之名父子相承以為己業伏望量定租課罷行估賣詔如見佃戶內單貧戶承買

者令別立寬限惟慶言所紉田錢內單貧戶欲更展限
一年從之 五年六月三司言準陝西轉運使杜詹言
緣邊屯田軍馬支費甚多所入課利全然不足伏見沒
納欠拆戶絕莊田不少自來州縣形勢鄉村有力食祿
之家假名占佃量出租課臣體量上件鄉村莊田人願
收買耕佃如有見佃人戶多豪倖之輩只計轄下州軍
約得二十八萬貫已來若將重減却虛擡數必是併有
承買欲望許選清幹官估計實直價例召人承買已可
其三司奏欲乞上件條貫徧下逐路將天聖四年已前
戶絕莊田依陝西例估計實價召人承佃從之十一月
詔江淮兩浙荊湖福建廣南州軍舊條私下分田客非

時不得起移如主人發遣給與憑由方許別主多被主人折勒不放起移自今後客戶起移更不取主人憑由須每田收田畢日商量去住各取穩便即不得非時衷私起移如是主人非理欄占許經縣論詳 六年九月河北轉運使楊嶠言真定民杜簡等狀稱近年水旱蝗災被豪富之家將生利斛斗倚質桑土事下法寺請應委實災傷倚質者令放債主立便交換桑土與業主佃蒔其所取錢斛候豐熟日交還如拖欠不還本錢官中催理利息任自私斷自今後更不得準前因舉取倚質桑土貴抑兼并永絕詞訟從之 七年三月詔如聞比來饑民有在沿邊別無親屬莊產可依仰轉運使體量

救恤不令失所或發遣往唐鄧襄汝撥與係官田土牛種安泊仁宗曰比日北邊荒歉流民過來沿邊饑饉至甚雖外境之人然溥天率土皆朕赤子也當與多方賑濟五月龍圖閣學士知密州蔡齊言三司牒戶絕莊田錢未足合納租課者勒令送納直候納足價錢開破若未有人買者官定租課令請射戶供輸本州自大中祥符八年後戶絕莊七十七戶只有六戶未戶絕已前出課撲佃自後依舊納課餘皆荒閑準天聖四年七月五日敕召人請射只納二稅更不紐課未及一年準天聖五年六月十五日敕差官估計召人承買若未有承買且令見佃人出稅後來本州估賣有四十八戶承買尚

有二十九戶未有承買三司累牒催納價錢未足且納租課伏緣人戶請射之初田各荒廢繞入佃蒔未及一年續許承買催納價錢並是買牛破產竭力送納未足又更勒納租課一年之內催納三重臣未敢緊行理納兼慮諸處承買莊田錢未足更納租課者亦乞遍下諸處事下三司相度三司言諸處所管戶絕莊田不少今若不候錢足便除租課切慮承買戶故為拖滯不納價錢欲乞自今據未納足錢并未有人承買一依估價召人承買限一年內錢足仍將估價及見納租紐作十分如納錢一分即除落一分租課直候納足方與全免從之十一月詔州縣逃田經十年已上無人歸業見今荒

開者今出榜曉示限百日令本主歸業限滿不來許人
請射耕佃其歸業并請射人戶並不得立定稅額及今
應副差徭後及五年於舊額稅賦上特減八分永為定
額其月中書門下言切慮止件逃田荒閑年深見有人
戶侵耕冒佃將來有人歸請別致爭訟及見有稅屋人
為見寬恩拋棄已田却求請佃逃田欲令三司告示如
有侵耕者與限百日陳首更不問罪據陳首後耕到熟
田頃畝於元稅額上令納五分如本主限內歸認給付
本戶依此納稅若輒棄已田妄作逃移請射逃田許諸
色人論告科違制罪押歸舊貫鄉耆不切覺察致有違
犯並從違制斷遣 八年八月七日審刑院言河北天

聖八年四月己前值災傷逐急典賣與人其四隣逐熟
在外不曾會問者如見執文契印稅分明其隣人不曾
着字却有論認者官司不得為理並依元契為主從之
十二月知坊州楊及言民馬固狀典得馬延順田計錢
六千後添栽木三百元契每根贖日理三十錢臣詳顯
是有力百姓將此栽木厄塞貧民占據地土豈可元典
六千贖田之日却理錢十千從祖作偉邀勒貧苦永不
收贖如不止絕恐豪滑人戶轉侵孤弱競生詞訟自今
後如無典地栽木年滿收贖之時兩家商量要即交還
價直不要取便斫伐業主不得占吝 慶厯四年正月
二十八日詔自今在官有能興水利課農桑闢田疇增

戶口凡有利於農者當議量功績大小比附優劣與改轉或升陟差遣或循資家便等第酬獎即須設法勸課不得却致擾民其或陂池不修桑棗不植戶口流亡之處亦當檢察別行降黜仍令轉運使提點刑獄常切糾舉無自曠慢至於省徭役寬賦歛使百姓而樂於務農亦所以廣勸民之道也仍令逐處臣僚今後舉奏見任知州通判知縣令佐者並先言有何勸課勞績方與依條理為舉主施行其提點刑獄朝臣并轉運判官今後並帶兼本路勸農一興水利謂陂塘汙田之類及逐處隄堰河渠可備水患者或能創置開決或久來廢壞堙塞復能興修或前人已興功未成後來接續了畢者仰

逐處勘會功績大小所利廣狹聞奏一植桑棗令文勸課栽植自有等第數目如地土有所不宜則不必桑棗但榆柳之類隨地所宜可為民利如官員能自相度民力設法勸課不須執守令文內數目並令逐處具本官任內栽種詣實聞奏一增戶口部內有逃戶却能招誘復業或有天荒田能招人開種創立戶貫皆為勞績即不得差人追捕歸業亦不得強抑人戶開耕以為己功令逐處勘會增添到戶數及開耕到地土頃畝聞奏已上勸課功績並於得替日出給解由仍令本屬保明以聞外并給與公據自贖赴闕八月命叅知政事賈昌朝領天下農田有利害其悉條上之初叅知政事范仲淹

援唐故事請以輔臣分總其務雖常降勅然其後亦弗果行 皇祐元年四月二十六日左司諫錢彥遠言農桑者生民大事國家急務所以順天養財御水旱制蠻夷之原本也本朝自祖宗以來留意尤切故諸路轉運使提點刑獄臣僚知州通判皆帶勸農職名授勅誥御政在督課而近歲徒有虛文初無勸導之實汙萊不闢事失因循今欲乞應天下諸州軍於長吏聽各置勸農司以知州為長官判官為佐官舉部內幕職州縣清強官一員兼充判官量抽吏人先將部內諸縣今日已前見管墾田頃畝戶口數目陂塘山澤桑棗溝洫都大之數著為帳籍仍開析見有多少逃移人戶賦稅荒廢田

畝古之水利後來殘毀者委自勸農官司多方設法勸課招誘安其生業去其大害興其大利候至年終農隙轉運司通行比較委是增得墾田戶口數目或流人自占或逃移復業陂塘灌溉有利桑果廣植溝洫開闢增多賦稅丁口蕃息明著板籍不至煩擾者保明舉奏特與就賜章服增其秩祿如一任終始悉有顯効令轉運司批上厯子到闕委所司磨勘超擢任使其判官亦特與磨勘引見其轉運使等每巡厯州軍先須點檢勸農司訖方得照檢諸事如長吏已下因循違慢職業無聞人戶逃移至多墾田之數日削並乞除授散官監當判官亦同降黜所貴天下本農生氏富給為萬世之基望

詔三司檢舉舊貫當罰施行 二年九月詔三司唐鄧

汝州多曠土其令寬立稅限募人墾種之 至和元年

三月詔京西民飢其荒田如人占耕及七年起稅二分

逃田及五年減舊稅三分因災傷逃移而復業者免支

移拆變二年非因災傷者免一年 二年十一月三日

詔荆湖廣南路溪洞人戶爭論田土雖在務月須理斷

了當 治平四年九月二日 神宗已即位未改元 江南東路轉運

司言三司奏池州多逃產年深元額稅重人戶不敢請

射欲乞其逃田如三十年以上於元稅額上減放四分

四十年以上減放七分如此候十年其田已成次第即

依編勅十分內減三分立為永額其三年以下十年以

上者自依編敕令三司依此施行本司看詳本路及天下似此逃田不少乞施行諸路令人請佃詔並從之仍候請佃及十年並令納五分稅及二十年即依編勅納七分稅永為定額十一月三司請出賣京東等路戶絕沒納莊田詔內有租佃戶及五十年者如自收買與於十分價錢內減於三分仍限二年納足餘依所請 熙寧元年六月十五日京西提刑徐億言知唐州光祿卿高賦招兩河流民及本州客戶開墾荒田招到外州軍及不州人戶請過逃田又興修過陂堰望加恩獎有詔 褒諭十二月四日權京西轉運使謝景溫言本管汝州戶口至少田土多荒龍興魯山梁華四縣最為凋弊自

來請佃人戶雖有條貫五年內免諸般科役而客戶尚不免諸色役既請田不過一二年便為舊戶糾決湏至充役雖有條制諸縣不能遵守民亦不以為信以此逃竄者多占田者少今欲乞置墾田務舉官一員專領籍四縣荒田召人請射其請田人須勘會係汝州界不走移者方得收管更不隸諸縣版籍逐縣既不能統攝則無由差科候五年滿日據地界撥還逐縣應副科役其所舉官如招及千戶以上乞優與酬獎仍許再任其解字只就龍興縣安置如此則為利甚博所費者寡人戶漸可招誘田畝足以墾闢詔不置務餘依所請 二年八月十九日中書言黃河北流今已淤斷所有恩冀以

下州軍黃河退背田土頃畝不少深慮權豪之家與民爭占及有元舊地主因水荒出外未知歸請詔河北轉運司應今來北流閉斷後黃河退背田土並未得容人請射及識認指占聽候朝廷專差朝官往彼與本處當職官同行探定乞收接請狀紐定租稅定租稅均行給受十一月十三日置制三司條例司言乞降農田利害條約付諸路應官吏諸色人有能知土地所宜種植之法及可以完復陂湖河港或不可興復只可召人耕佃或元無陂塘圩埤堰溝洫而即今可以敕修或水利可及衆而為之占擅或田土去衆用河港不遠為人地界所隔可以相度均濟疏通者但干農田水利事件並

許經管勾官或所屬州縣陳述管勾官與本路提刑或轉運商量或委官按視如是利便即付州縣施行有礙條貫及計工浩大或事關數州即奏取旨其言事人並籍姓名事件候施行乞隨功利大小酬獎其興利至大者當議量材錄用內有意在利實人不希恩澤者聽從其便應逐縣各令具本管內有若干荒廢田土仍須體問荒廢所因約度逐段頃畝數目指說著望去處仍具今來合如何擘畫立法可以糾合興修召募墾闢各述所見具為圖籍申送本州本州看詳如有不盡事理即別委官覆檢各具利害開說牒送管勾官應逐縣並令具管內大川溝瀆行流所歸有無淺塞合要濬導及所

管陂塘堰埭之類可以取水灌漑者有無廢壞合要興修及有無可以增廣輒興之處如有即計度所用工料多少合如何出辦若係衆戶即官中作何條約興糾率衆不足即如何摩畫假貸助其闕乏所有大川流水阻節去處接連別州縣地界即如何節次尋究施行各述所見具為圖籍申送本州本州看詳如有不盡事理即別委官覆檢各具利害牒送主管官應逐縣田土邊迫大川數經水害或地勢汙下所積聚雨潦湏合修築圩埧堤防之類以障水患或開導溝洫歸之大川通泄積水並計度闊狹高厚深淺各若干工料立定期限令逐年官為提舉人戶量力修築開濬上下相接已上亦先

具圖籍申送本州本州看詳如有不盡事即別委官覆
檢各具利害牒送管勾官所有州縣攢寫都大圖籍合
用書筆或添雇人書許於不係省頭子錢內支給諸色
公人如敢緣此起動人户乞免錢並從違制科罪其贓
重者自從重法應據州縣具到圖籍并所陳事狀並委
管勾官與提刑或轉運商量差官覆檢若事體稍大即
管勾官躬親相度如委實便民仍相度其知縣縣令實
有才能可使辦集即付與施行若一縣不能獨了即委
本州差官或別選往彼協力了當若計工浩大或事闊
數州即奏取旨其有合興水利及墾廢田用工至多縣
分若知縣縣令不能施行即許申奏對換或別舉官或

督下官仍別與合入差遣若本縣事務煩劇兼所興功
利浩大合添丞佐去處即依今年二月中所降添員指
揮別具間奏應有開墾廢田興修水利建立隄防修貼
圩垸之類工段浩大民力不能給者許受利人戶於常
平廣惠倉係官錢斛內連狀借貸支用仍依青苗錢例
作兩限或三限送納如是係官錢斛支借不足亦許州
縣勸諭物力人出錢借貸依例出息官為置簿及催理
諸色人能出財力糾率衆戶創修興復農田水利經久
便民當議隨功利多少酬獎其出財頗多興利至大者
即量才錄用應逐縣計度管下合開溝洫工料及興修
陂塘圩垸堤堰斗門之類事關衆戶却有人戶不依元

限開修及出備名下人工物料有違約束者並官為催
理外仍許量事理大小科罰錢斛其錢斛官為置簿拘
管收充本鄉衆戶工役支用所有科罰等第令管勾官
與逐路提刑司以逐處衆戶見行科罰條約共同參酌
奏請施行應知縣縣令能用新法興修本縣農田水利
已見次第令管勾官及提刑或轉運使本州長吏保明
聞奏乞朝廷量力績大小與轉官或升任減年磨勘循
資或賜金帛令再任或選差知自來陂塘圩埧堤堰溝
洫田土埋廢最多縣分或充知州通判令提舉部內興
修農田水利資淺者且令權入其非本縣令佐為本路
監司管勾官差委擘畫興修如能了當亦量功利大小

比類酬獎詔並從之

三年二月管勾秦鳳路經畧司

機宜文字王韶言渭源城下至秦川沿河五六百里良田不耕者何啻萬頃但自來無錢作本故不能致利欲每歲常於秦州和糴場預借錢三五萬貫作本擇田之膏腴者量地一頃約用錢三十千歲收不下三百石千頃之田三萬貫收三十萬碩以十萬為人牛糧用外歲尚完二十一萬碩詔秦鳳路經畧司借支封樁錢三萬貫委王韶募人耕種仍預行標撥荒閑地土不得侵擾蕃部如封樁錢已係轉運司支借收糴斛斗亦仰先次撥還

四年六月二十四日詔應已行新法縣分所根究到荒廢田土約若干頃畝大川大港計若干道陂塘

圩垸堤堰之類計若干所先料開濬修築都計若干工
每令佐得替月並令具任內擘畫召募墾闢催督開修
過若干數目牒與替官令取圖籍抽摘交點得實方得
保明申州出給解由如有偽妄增加隱落事狀並從違
制分故失科罪不在去官及赦原之限其知州通判令
提刑轉運常切體究量任內能與不能用心勤督候得
替日具的實事件申奏常議量功罪賞罰內有能擘畫
興修功利大者乞朝廷優與升擢其管內官提刑轉運
及本州長吏等如明見管內官吏百姓所陳農田利害
可以興除妄有沮廢及妄冒保明功績朝廷差官察訪
得實並重行降黜亦不在去官及赦原之限十月提舉

京東常平倉王子淵言臣職事之中在農田尤為先務如本路濟州有南李堰濮州有馬陵泊等處久為積水所占昨已疏治修復良田約四千二百餘頃昨來夏秋民間耕種所取穀麥約三二百萬餘碩此乃於常歲之外所獲之物散在公私以備饑歲又修導過曹單等九州一十三處溝洫河道疏決畿內已來諸處逐年夏秋積潦東入清河等處遂入於海無橫流之虞欲乞下諸路提舉司宜以農田水利為首務送司農寺寺司勘會近令遍牒諸路相度檢計應係農田水利溝洫河道堤岸斗門之類如係人戶自備功力起農隙日合行興修去處依時檢計催督興修若合差人夫並依元料夫工

合聽朝旨差撥春夫者具事狀以聞仍各具將來合行
修著望緊慢去處并的確利害事狀圖籍申寺繞候下
手日逐一供報赴寺從之 五年重修定方田法 八
年二月二十八日中書門下言諸畸零不成片段田土
難以召給役人者依出賣戶絕田產法召人承買 元
豐元年四月十九日詔開廢田興水利建立隄防修貼
圩埤之類民力不能給役者聽受利民戶具應用之類
貸常平錢穀限二年兩料輸足歲出息一分 三年五
月七日詔止蔡州客戶請射田追收已給闕子以權提
點京西北路刑獄張復禮奏根枯民契外地及奪下戶
閑田募客戶自占境內搔擾也 五年十一月九日都

水使者范子淵言自大名抵乾寧跨十五州河徙地凡
七十頃乞募人耕租從之十二月二日詔前察訪荆湖
路常平等事司幹當公事段詢減磨勘三年賞根枯水
陸田四千一百餘頃也 六年九月十一日知瓊州劉
威信言朱崖軍土脈肥沃欲乞委本軍除舊係黎人地
不許請射外括誘客戶請係官曠土住家耕作仍立賞
格激勵從之 八年十月二十五日詔罷方田 哲宗
元祐三年三月一日詔諸路經畧司講求護耕之策勿
令賊計得行致失春事復命鄜延路經畧使趙鼎等審
量賊計按實以聞以夏賊屯集境上陝西河東並遣居
民往往不得耕種有妨春事故也 四年二月十三日

詔自今應瀕河州縣積水占田處在任官能為民經畫溝畝疏導退出良田一百頃已上者並委所屬保明以聞到部日與升半年名次每增一百頃各遞升半年名次及一千頃已上者比類取旨酬賞功利大者仍取特旨從刑部侍郎范伯祿請也 六年九月二十五日詔河東路提刑司將麟府豐州曾經西賊劫掠耕牛人戶特許於常平錢內借錢買牛其所借錢漸次催納 紹聖二年三月三日工部言諸黃河棄隄退灘地土堪耕種者召人戶歸業限滿不來立定租稅召土居五等人戶結保通家業地相委保承佃每戶不得過二頃論如盜耕退復田法追理欺隱稅租外其地並給告人仍給

賞從之 七月二十八日提點京西北路刑獄徐君平

言提點官與監司舊常勸農者亡據所部分巡州縣括其地之不墾闢周知頃畝縣為圖籍詢究其墾之所在為救之之術從之同日知鄭州李湜言興修農田水利乞送詳定重修勅令所看詳編修從之 徽宗崇寧三

年十一月詔新差權發遣廣南東路轉運判官公事王

覺遷一官以墾闢農田幾及萬頃故也 四年二月十

六日復頒方田法

詳見方田門

大觀三年二月十二日提舉

廣南西路常平等事洪彦昇言廣西郡縣地廣人希原隰沃壤甚有可耕之處加之蠻夷附順疆土斥遠倉廩儲峙尤資經畫以致充羨欲乞募民給地使耕係官若

私舉行借貸應副開墾俟其就緒三年而後量起稅租
漸賞宿貨彼將安土樂業可使地無遺利亦募民實邊
之意從之 四年三月二十八日詔宣州太平州圩田
並近年所作多是上等及官戶借力假人名籍請射修
園今已成田認納租稅多為姦猾告訐因而成訟可令
本路提舉司下所屬州縣將應有假名人並許自陳特
與改正充本戶永業其租稅等並依額送納四月二十
七日詔自春以來併得膏澤方今孟夏天氣晴和田蚕
穀麥衆務方興農民竭力田疇一歲之功併在此時深
慮州縣之吏拘以微文按其細罪追呼證辯株連枝蔓
或興不急工作或起未償久負拘繫監錮致妨一時耕

作而失終歲之功宜遍委諸監司明加申勅州縣官各
仰省事息民無奪其時以稱愛民厚農之意如違監司
走馬舉劾以聞 政和元年三月七日詔監司勸率守
令督責編戶植桑柘廣蚕利以豐織紉基本任滿比較
賞罰四月四日臣僚言近歲諸路監司列郡守臣每於
中夏農事方興纔見雨澤應時則未足言足未種言種
便指為禾稼豐穰秋成可望願立法禁詔諸路州郡守
臣各務勸農之實不得預言豐登之欺從之五日詔士
大夫與民爭利多占膏腴之地已有令文令監司常切
檢舉二十四日臣僚言郡守通判轉運使副提點刑獄
繫銜必帶勸農事近制又并縣令亦以管勾勸農公事

為御考課之法復有農桑墾植之最而官吏不能上體
愛民之意其所急者特在於催科賦入簿書獄訟而已
欲責守令職事以勸農為先務春則耕桑視風土氣候
之早晚以督課之中下之民種食不足則依常平放稅
七分之法借貸以補之秋則視歲入之豐儉察其播殖
貸助亦如上法轉運使副提點刑獄即巡歷所至察守
令勸農之勤怠歲取三數人最優劣以聞重行升黜如
此則莫敢苟簡以副陛下封植基本之意詔可詳據所
陳精密立法以責實勅五月二十二日詔耕桑乃衣食
之源所伐桑柘未有法禁宜立約束施行二十七日臣
僚言天下係官田產在常平司有出賣法如折納抵當

戶絕之類是也在轉運司有請佃法天荒逃田有莊之類是也自餘閑田名類非一往往荒廢不耕雖間有出賣請佃之人又為豪右之侵冒輸官稅賦十無一二欺獎百出理難齊一其請佃人戶又以經係官田不加墾聞遂使民無永業官失主戶公私利害所繫非輕亡命官總領條畫以聞詔范坦總領措置六月六日戶部侍郎范坦奏奉詔總領措置出賣係官田產欲差提舉常平或提刑官專切提舉管勾出賣凡應副河坊沿邊召募弓箭手或屯田之類並存留凡市易抵當折納籍沒常平戶絕天荒省莊廢官職田江漲沙田棄堤退灘瀾江河湖海自生蘆葦荻場圩埤湖田之類並出賣從之

七月二十日臣僚言私荒田法聽典賣與觀寺多以膏
腴田土指作荒廢官司不察而民田水旱歲一不登人
力不繼即至荒廢觀寺得之無復更入民間為農者受
其弊欲除官荒田許觀寺請佃外餘並不許典賣從之
九月十二日戶部言欲自今應命官或諸色人陳述農
田水利令本州日下開具中部從本部置籍如可興修
令所屬依紹聖條法一面興條提舉官因巡歷所至詢
訪講究施行所賣地無遺利從之十四日總領措置官
田所奏檢會熙寧二年十一月二十日朝旨制置三司
條例司奏出賣廣惠倉田土其所委逐項提舉官催趣
出賣如一年內賣及三萬貫減一年七萬貫減二年十

萬貫減三年磨勘欲比類熙寧年指揮所委監司官一路州縣合賣田舍價錢數目如於一年內賣及七分與轉一官六分減三年磨勘五分減二年磨勘其出賣不及五分之處亦依已降指揮從本所奏初磨勘有以激勸詔諸路係官田舍平日多為豪右侵冒有虧邦計今來出賣頃欲間緣萬數不少所委官吏若不明勸賞則無以激勸使能吏悉力幹辦可並依所奏施行十月二十日總領措置官田所言提舉河北西路常平王觀奏相州見估賣官田內有元係白地因人戶承佃後來栽種到桑棗菓木之類地段並合酬佃人功力估價出賣看詳欲人戶見承佃合賣官田如內有種植材木並令

估官體究詣實別作一項估價與所賣田土一處依法
召人承買候出賣了當將來本值錢給還元裁人戶若
係見佃人承買即立納買地價錢從之二十二日總領
措置官田所言元奏請存留屯田為河北陝西河東事
干邊防利害去處不可出賣若自餘路分雖有屯田之
名從來止是令人戶出租佃蒔顯與其他名色官田事
體一般即非事干邊防亦合出賣從之十二月六日手
詔應京畿諸路按察官於所部守臣於倚郭縣令於境
內歲終耕歛並須親詣田疇勸沮勤惰以為力耕之倡
其土地闢賦入登民無流移者為考課之最仍令尚書
省檢校具祖宗故事頒降 二年四月十七日詔祖宗

以來田之在公者為屯田為官莊養民兵居熟戶於以
欣助經費藩衛邊鄙神考置常平之官修水土之政方
天下之田以正經界庶幾乎復古矣續而成之以紹先
烈實在今日迺者有司建言係官田宅一切賣鬻苟目
前之利廢長久之策厚賞滋姦民以煩擾豪強兼并佃
戶失業東南關於上供瘠薄棄而不售以義理財豈謂
是歟昨宋坦所上賣官田宅畫一可更不施行總領指
置官吏並罷已賣田宅並給還元納價直其田宅却拘
收入官元佃賃人戶願依舊佃賃者聽餘並遵化元豐
令施行二十二日臣僚言伏聞已降指揮罷賣係官田
宅若不事為之制却恐重有侵漁其間如已交業之家

見已布種或以修蓋舍屋理當逐一措置行下詔舍屋
已經改更但諫利虧祖額者與免仍舊修蓋官田已作
墓地安葬保者驗實申官許令據合用步收賣買與免
遷徙 政和六年五月二十九日尚書省言新授鄧州
司戶曹事畢昂奏切見自來諸處圩岸多是所屬尋常
不切照管到水漲之時常有決溢公私被害不細縣官
任滿別無疎虞雖許免試一次緣賞典尚輕及未有決
溢斷罪之法欲望重立賞罰仍於逐縣令佐銜內添入
專切管幹圩岸字其隣圩去處亦乞並禁樵採以固隄
防詔令尚書省立法今擬立下條管幹圩岸團岸官任
內修葺牢固不致墮損堙塞者三年任滿承務郎以上

減磨勘一年承直郎以下占射差遣一次二年以上移
替年承務郎以上與家便差遣承直郎以下陞一年名
次從之 八年四月五日權淮南江浙荆制湖置發運
使任諒奏逃田不耕除閭稅賦情弊多端其間有人戶
冒佃而不納稅租者有雖供稅而冒佃不出租者亦有
逃戶雖已歸業而尚不供輸者亦有荒蕪無人耕種者
高郵軍計有逃田四百四十六頃楚州有九百七十四
頃泰州有五百二十七頃平江府有四百九十七頃以
六路計之何可勝數欲諸縣專選官一員按籍根括限
一季許首並與免罪收入帳簿依舊輸納稅租限滿不
首即許人告賞錢一百貫以犯事家財充其荒蕪無人

耕佃者即多方招誘逃戶歸業及依條召人請蒔檢量
頃畝立定四至給付仍取隣田中等稅數減半為額與
免一料催科所責逃田無不耕種詔逃田可再委縣丞
無縣丞處委他官餘並從之 宣和元年八月二十四
日農田所奏應浙西州縣因今來積水減退露出田土
乞每縣選委水利司諳曉農田文武官同與知佐分詣
鄉村檢視標記除出人戶已業外其餘逐年逃田天荒
田草葑茭蕩及湖澤退灘沙塗等地並打量步畝立四
至坐落著望鄉村每圍以十字文為號置簿拘籍以田
隣見納租課比撲量減分数出榜限一百日召人實封
投狀添租請佃限滿拆封給租多之人每戶給戶帖一

紙開具所佃色步畝四至著望應納租課如將來典賣
聽依條籍田法請買印契書填交易從之 二年二月
二十六日臣僚言太平日久民有惰心為監司守令者
雖有勸農之名而不考其實為提舉常平縣丞者雖有
農田水利之職而不舉其事以未嘗覈其實而已覈實
之道在於四證所謂四證者按田萊荒治之跡較戶產
登降之籍驗米穀貴賤之價考租賦盈虧之數以覈勸
課與不勸課之實制詔天下縣以農時分輪令丞行田
野有荒而不治者罰及隣保郎以農時分輪守貳行縣
有荒而不治者罰及令丞監司以農時因巡歷行郎有
荒而不治者罰及守貳以覈田萊荒治之實又詔監司

每歲終取州縣戶產登降米穀貴賤租稅盈虧之數同具奏聞內參酌最優劣兩處具守貳令丞乞加賞罰尚書省類天下奏較最優劣兩路取旨以為監司賞罰以覈三者之實詔中書省勘當取旨 三年二月一日詔趙州鑑湖明州廣德湖自措置為田下流湮塞有妨灌溉致失陷常賦又請佃人多是親舊權勢之家廣占頃畝公肆請求兩州被害民戶例多流徙仰陳亨伯體究詣實如所納租稅過重即相度減免立為中制應妨下流灌溉處並當施以予民令條畫圖上取旨毋得觀望減裂 閏五月十三日詔盜起二浙延及江東內被焚劫民戶租佃私田如係於掌業人處借貸種糧牛具之

類者止合量減二分疾速申明行下十月二日詔江東
新置圩田如上流興築閉塞水源致向下民田無以灌
溉或雍遏發泄使鄰近者反被水患令所屬監司按視
改正十二月河北轉運副使呂頤浩言近奉詔學事司
應管州縣田土及房廊並委臣拘催租賦課利每年共
收錢斛等約二十餘萬貫碩匹未佃田土一路共二千
一十一頃除不住催督召人承佃外若非逐縣令佐協
力幹辦則上件地土空閑虧失租課契勘濱州招安縣
見今空閑八百六十五頃東鹿縣空閑四百九十二頃
尋奏請乞特降睿旨處分將招安東鹿縣令佐許臣踏
逐有心力人奏差一次內京朝官替見任人成資閑選

人替年滿闕從之十二月二十四日詔罷方田 七年
八月七日前兩浙路提點刑獄胡遂奏二浙向緣草寇
驚劫溫台處婁等州各有逃絕戶拋下田土賊平之後
皆為有力之家請射欲乞令百姓實封投狀請射限一
月開拆給與租課最多之人於公實利便從之高宗建
炎元年五月一日赦人戶置買耕牛權免稅錢一年
二年三月二十六日臣僚言伏讀國史竊見太宗朝宋
亳等州耕牛闕乏太子中允武成獻踏犁式用四五人
可以耕稼至真宗景德中因河北耕牛不足又降此式
付轉運司頒行緣不曾盡載制度止云自尚方造樣宋
州冶鑄給散今來州縣正闕耕牛乞下諸路轉運司詢

訪講求舊制施行詔令諸路轉運取索以聞 紹興元

年九月十八日赦民間耕牛累年以來屢遭兵火宰殺

殆盡應曾經殘破州縣人戶典買耕牛特與免納稅錢

一年其客旅興販經由去處依此二年九月四日四年

九月十五日赦同此制 二年三月二十二日詔昨招

誘淮東八郡人戶佃田並免二年稅租將來合行催納

之歲可止據當年已種頃畝計數徵納其後逐年添展

墾闢到田畝亦據實數添納庶得人戶曉然易以安業

如或州縣過數催納並科違制之罪仍許人戶越訴四

月十日秘書少監傅崧卿言昨承指揮於權貨務支降

見錢五萬貫充淮東人戶借貸收買牛具緣本路牛畜

價高欲分遣官前去兩浙江路收買從之五月二十六日臣僚言浙西水災乞戒飭被水州縣長吏以勸農為急令及時車戽積水扶植稻苗或貧富相資再行布種詔差刑部郎官張宗臣前去措置六月十八日江南東路安撫大使李先言廣德縣見管逃田八百餘頃方措置勸誘人戶分戶佃種緣常賦比他處已為差重若更依建炎四年十月七日佃戶法候秋成日除納官拘收外止給五分委實為便於民深慮無人請佃轉見荒閑欲將應承佃閑田及歸業之人將見納租稅先免本年秋料一料自次年為始依請佃法別免一料催科只理正稅庶寬民力有人承佃從之七月十七日樞密院計

議官薛徽言被旨體問得明州廣德湖田元分三等計
管五百七十五頃九十九畝每畝納租米三斗二升通
計一萬八千四百三十一碩六斗八升緣開墾之初不
問肥瘠高仰深葑一等亡租其上中二等皆權勢之家
請佃下等多是不曾耕種所得不足輸官往往抑勒貧
民承認分種歲久為害除中等租課更不增損外內上
等別無二稅和買委是太優今欲每畝量增八升其下
等合納租欲令豁退所增上等田米其餘乞委官相視
內低田即廢為湖濶依舊積水灌溉其遶湖深葑可以
植茨即為茨地量立租錢其間尚有堪種田畝却立為
下等將豁退不盡米四百六十四碩六斗四升拘收補

足元數乞施行尚書省劄送知明年陳戩與本路提刑
司同共子細措置戩等言相度到逐項事理委是經久
利便從之十二月二十一日權發遣太平州許端夫言
招誘人戶歸業起時布種收到苗米九萬四千餘碩詔
轉運司覈實取旨推賞 三年二月二十八日詔應有
官圩田州縣通判於御位帶兼提舉圩田知縣帶兼主
管圩田每歲不得使有荒閑委監司以舊額立定租稅
碩斗盡收以充軍儲四月二十二日工部侍郎李擢言
今東北之民流徙者衆東南棄田疇者多平江有湖浸
相連勝岸久廢近或十年遠或二十年未嘗有人疏導
者有地力素薄廢為草萊漲潦之餘常若沮洳未嘗有

人耕墾者悉號逃田委通判與縣令同往相視召問父老為水所居可以疏導若干卑薄之地可以耕墾若干各開具某處及頃畝多寡揭榜以招誘東北流徙之民入狀請射縣給種本與免三歲之租仍別立租額以寬之仍委監司覆按除其舊額從之十月七日江南東西路宣諭劉大中言欲將江東西路應干閑田立三等租課上等每畝令納米一斗五升中等一斗下等七升更不須臨時增減但令州縣開具已籍定田色召人請佃據佃頃畝等第出給公據如係未經籍定田土限當日勘給承佃免兩料催科外自起催日令納租課更不別納二稅詔下戶部本部欲下轉運司參酌所立租課比

較夏秋兩料稅額別無虧損即依逐等所定數目召人承佃若於稅額却有減損即依舊來稅額輸納從之十一月九日吏部員外郎劉大中言所乞將江南兩路應干閑田立三等租課令民承佃已蒙下本路轉運司參酌比較若於稅額却有減損即依舊來稅額輸納逃絕閑田在法自合立租召人請佃緣江南累經兵火田多荒閑有人戶元因稅重或曾經典賣田產虛抱推割未盡稅苗輸納不前遂至拋棄田業逃移在外今若令依舊來稅額輸納全不減損委是無人願佃愈見失臨時財賦詔令江南東西路轉運司自今降指揮到日將應未佃閑田依劉大中立定三等租課召人請佃候滿三年

即依元稅額送納所有開田元地主積次稅租即不得於佃人名下催理其日後逃開田土依今年十月七日指揮照應稅額輸納四年二月十三日通判建康府吳若言本府管下水豐圩舊管田九百五十餘頃以前之事不可悉數且以紹興二年客戶熟田計之有二百九十七頃而去年却止有二百六十餘頃去年合增而反減者蓋緣此圩舊例止是令客戶納穀在倉官自糶賣變轉自去年都督府差官須要民戶春變苗米又勒客戶甲頭等起發故客戶有逃田者所以墾田減少此圩四至相去皆五六十里今止有兩員使臣監管如得更差文臣兩員湊作四人分為四管遞相鈐束立為此

較則歲所增入自當有餘望以此圩專付本府依舊例措置都省勘會紹興三年七月九日已降指揮永豐圩田並撥隸建康府聽一面措置每年止以米三萬碩為額仍自來年為始認起熟田米二萬碩內生荒田係執行開耕與免一年自紹興五年依額起發詔永豐圩田客戶納穀官自糶賣變轉仰依舊例施行餘並依所乞是歲四月三十日詔永豐圩撥隸本路提刑司監官從朝廷於京朝官內選差二十五日權知泗州徐宗誠言淮南兩路兵火之後蒙恩寬卹如民戶置耕牛並限一年免納稅錢近來復業之民方能較那錢物往江南收買而限已滿乞下諸路更與免納稅錢一年從之三月

六日詔淮南租稅與量展理納年限戶部言淮南佃田
人戶依紹興二年二月十五日指揮每畝逐年出納課
子五升仍自承佃後免納二年并歸業自佃已田之人
依紹興二年二月十七日指揮亦與免納稅租二年令
欲下本路轉運司將人戶稅租更與免納一年從之六
月二日新差權發遣廬州仇忿言乞支降錢專充買牛
借與歸宗人戶責限還本庶幾接濟貧民以廣耕殖詔
借支錢一萬貫六年十二月德壽春府及濠州定
遠縣一帶曾經賊馬蹂踐民間種牛多被殺虜已降指
揮令營田司廣行支撥委自守令借給人民耕種免納
租課候收成日分作五年還納價錢竊慮州縣給散邀

阻不及買下人戶或巧作名目別有掊歛仰本路營田使嚴行覺察如有違犯按劾聞奏 七年正月七日詔

淮南復業人戶並令守令安輯撫養躬勸農桑不得輒有科敷搔擾如違仰帥臣并提照淮南兩路公事按劾聞奏 十年二月十七日臣僚言淮南諸州累經兵火賊馬屯泊良田為曠土桑柘為薪樵比歲民稍歸業漸復耕墾惟是桑柘全未栽植緣無賞罰守令視為餘事願詔守令勸誘農民栽種桑柘仍乞示賞罰以勸懲之詔依仍仰本路監司每歲具最多最少以去處取旨賞罰 十一年三月七日詔壽春府廬州濠州和舒州無為軍曾經賊馬民間耕牛多被殺虜可委江浙常平司

支撥常平等錢收買耕牛交付淮南常平司給與州縣
借給人戶耕種免納租課候及三年外分限還納價錢
內貧乏之戶不能自存者依常平法賑給一季其闕乏
種糧之家亦與借貸分寬限還納其合用種糧就近於
江浙常平司支撥應副具數以聞 十二年九月十三
日敕累降指揮禁殺耕牛州縣或不奉行從令宰殺或
撞併到官審驗因緣搔擾仰今後只依舊法勒耆保驗
實申官不得追呼致妨農務又今歲緣牛疫民間少闕
耕牛應人戶典賣耕牛特與免納稅錢一年客旅興販
處准此廣西湖南福建江浙起發耕牛偶因暑月疫病
致死可令所屬勘驗如有官司干照見得別無欺弊者

保明特與除放 十五年閏十一月十三日司農寺主簿宋敦朴言州縣守令民之師帥雖有勸農之名而因循曠廢望令州縣守令以來春耕籍之後親出郊外召近郊父老勞以飲酒諭以天子親耕勸率之誠俾四方萬里之外曉然知陛下之德意仍乞申戒每歲之春常修舉勸農職事如或奉承弗虔因而搔擾仰監司按劾以示懲戒焉上宣諭曰農者天下之本守令有勸農之名而無勸農之實徒為文具何益於事可依所奏以風四方 十六年八月十八日利州觀察使知成州王彥言本州自兵火之後荒田多是召人請射耕墾其佃戶於所給頃畝之外往往侵耕無賴之徒經官告訴將所

侵給與告人充賞仍追理累年冒佃之數致使効力之人因而失所欲望將人戶侵占立限經所屬自陳差官審實添租改正仍免追理冒佃租稅如限滿不肯許人告從之 十九年七月二十四日權知漢陽軍趙達之言湖北荒田令逐州軍召人租佃貧者借種糧許依人戶復業之制寬免稅役候料次足日取旨量行輸納仍乞嚴禁官吏不得擅有差役擾擾庶安俗樂業有勸耕之漸詔令戶部行下本部卿監司同共措置 二十六年三月二十八日戶部言京西淮南係官閑田多係膏腴之地蓋為人戶初年開墾費用浩大又放免課子年限不遠是致少人請佃今欲轉運司行下所部州縣

多出文榜招誘不以有無拘礙之人並許踏逐指射請佃不限頃畝給先投狀之人其租課依紹興七年十一月指揮送納自承佃後沿邊州縣與免租課十年近裏次邊州縣與放免五年仍依已降指揮候承佃及三年與充已業許行典賣及令州縣將本州官錢買牛具種糧應副佃人三年之外每年還納價直二分入官又四川州縣地狹人稠欲令制買司行下逐路轉運司多出文榜曉諭如願往京西請佃開墾官田即時給據津發前去其放免租課等並準此施行上曰如此甚善但窮民下戶乍來請佃荒田如何便得牛具并種糧若不從官中借貸恐未免為虛文終是開墾稀少今後並令官

中假貸可行下諸處相度於合支錢內支破沈該曰陛下恤民無所不用其至臣等敢不遵依行下四月十七日祕書少監楊椿言乞詔湖北一路凡字民之官以招誘戶口開墾田疇立為課最歲終州保明申監司監司保明申省部取其能者賞之其不職者罰之上曰已令勸誘四川農民至湖外耕鑿官給牛具若賞罰自不可廢椿對曰誠如聖諭二十七年五月十一日中書門下省言軍中揀退人或死亡州軍不支請給其妻其子遂為窮民已許指射荒閑田耕種支與一年請給令買牛種免租稅丁役使為永業令欲淮東淮西江東江西湖北京西下逐州委知通知縣及逐路委常平提舉

官括責形勢戶及民戶見任官占據沒官逃移等田已
未耕墾各若干頃畝限半月開具申尚書省遇有指射
荒田請佃人州縣日下標撥并合支請給於常平錢內
併支令州縣量度資給及農具亦仰借助仍官為修蓋
草席屋應副居止以便耕種其見任差遣者除所支一
年請給外其未滿月日令與接續批勘已任滿人布種
之後如闕食用令州縣於常平米內量度借支候收成
日分限還納若將來耕種就緒願增添請射者聽若所
委官及州縣措置有方請佃數多去處取旨陞擢從之
七月十四日中書省言淮東等處有揀汰軍人願請佃
荒田開耕人數各已標撥及支破請給畢詔令諸路遇

有請佃人依淮東事理施行優加存恤十二月三月戶部言揀汰離軍人許指射荒田恐係初離軍人遽罷請給所以存恤其累經任人不合一創借支欲下諸州軍照會將小使臣以下初離軍人指揮借支請給修武郎以上及經任人止聽許指射更不借支請給其請給今後並於條省錢米內支撥不得借支常平錢米兼元降指揮止許射荒田即不得將已耕佃熟田一例指射從之同日權發遣兩浙路轉運副使趙子瀟言被旨措置鎮江府沙田已選委官檢踏打量取見的實頃畝數目措置各隨田地肥瘠高下輕立租課就令見租火客耕種專委知縣樁拘收樁管如形勢之家尚敢占吞不即

交割即具名聞奏取旨施行所有已前違法占種人戶收過租課合盡行追納入官詔依內人戶冒佃積年收過租課特免追納其田疾速拘收措置施行二十八年正月二十二日王謂輔臣曰江淮沙田為人冒占所失官課至多然議者謂拘收入官固有目前之利數年之後恐更費力不若令見占人且行管佃淨認租課為便又沿江蘆場遺利亦不少從來官司有失檢察宜於行在差官同逐路漕臣措置施行於是詔差戶部郎中莫濠同逐路漕臣檢踏申尚書省取旨二月二十二日詔已差莫濠同三路漕臣措置沙田蘆場止為形勢之家詭名冒占其第三等以下人戶即不合一例根括如內

有元無契要及侵占之數合要逐州縣官取見著實候收成了日運司別行差官打量審覆施行五月十一日詔打量到沙田蘆場內淮東路人戶檢尋契要未備可令轉運司行下通太真楊州民限半年齋契要公據赴縣點對開具保明申州州中轉運司覆實具申尚書省當與除豁其租稅且令依舊額送納候覆實畢取旨立額如限內不齋契要公據到官不在除豁之數十八日詔淮東路沙田蘆場已降指揮立半年限照契覆實竊慮本路人戶安業未久可持與放免並令依舊六月二十六日詔三路沙田蘆場盡係官地已降指揮打量立租課內淮東路人戶為恐復業未久已行放免朝廷

措置之意本以寬民浙西江東民戶亦宜一體優卹其官戶形勢之家違法占田頃畝過多者即難以一槩於免可將三路官戶自一千畝以下民戶自二千畝以下並特與放免餘並依元降指揮添納租課內淮南路自來年秋料起催九月二十四日知鼎州周檣言諸軍揀罷離軍使臣許請佃官田借支一年請受收買耕牛農具又招置客戶等已是優卹自當以時耕種如聞多將所請錢別作他用恐失歲計更致狼狽詔依令戶部行下諸路監司守令勸諭約束仍常切覺察如日後更不耕種即將元請佃官田拘收并追索借過錢入官其逃竄人立賞告捉以所請過官錢計贓斷罪施行十月七

日直敷文閣知臨安府張偁言江浙之間耕植既廣畝畝相連高下不一必積陂塘以備灌溉導溝洫以防壅浸比衆共之利而豪勢之家侵奪占據奄為已有欲望中飭州縣凡有似此之類官為檢察有妨灌溉疏導處悉行禁約從之 二十九年十一月二十三日領御前諸軍都統制職事充利州西路安撫使判興州吳璘總領四川財賦軍馬錢糧許尹言階州高山不堪耕種田土增起租斛欲乞除免却將續拘收到係官空閑田土召人立租請佃拘催租課入官可以補填從之十二月二十六日知漳州魏良臣言本州人戶昨因兵火歸業將本戶產業供作荒田今二十餘年私下耕熟不納官

課令措置令十餘家結為一甲從實供具已耕田畝輸納二稅自紹興三十年為始所有日前隱匿熟田漏納苗稅並免追納如所供不實即令諸色人告首以所告田充賞外仍每畝支賞錢五貫文至一百貫文止於犯人名下追理仍追理連年所隱苗稅如本戶實有荒田無力耕種即曉示人戶令實封投狀承買給與價高之人湖北江西等路亦合依此於是戶部言田產既係人戶已業緣非冒占官產即無條法許行出賣若依已降指揮遞增稅賦年限已滿自合據本戶實管田畝起理稅賦已將已耕田土結甲從實供具起納二稅欲令本州立限百日許人戶自首如限滿不首或首不盡許人

陳告依匿稅法施行從之

三十年二月二十七日權

知廬州兼主管淮南西路安撫司公事劉剛言被旨與
逐路帥漕同共講究兩淮荆襄使無曠土以聞近日淮
西運判張祁遷民於近江和州無為軍修補圩岸濬浩
港清起蓋屋宇置辦牛具分田給種使之就耕見招募
游手之人欲立地分相繼開墾若行之經久必有成效
兼淮東運副魏安行所乞募民種田修立賞格與張祁
措置事體相類亦與前後力田等及州縣召人請佃之
法俱不相妨欲望將魏安行等措置事理與見行召人
請佃及力田等舊法通同參酌各從民欲施行其本路
州縣鄉村日後應有歸復本業及請佃田土之人每至

歲終即行根括便於本地分總首團甲下收附姓名詔
依令同張祁叅酌措置季具勸誘增廣數目中尚書省
二十八日戶部言欲乞下淮南京西荆湖北路轉運司
除土著逃亡歸業人戶自合依條等第年限放免稅賦
外其請佃官荒閑田如有逃亡於他處別行請佃之人
令本縣籍記姓名只許一次歸業外餘並依再逃亡不
許歸業條法施行如限滿依前冒濫及通同作弊立賞
許人陳告犯人重行斷遣仍將免過稅租並行追理入
官詔令逐路帥漕司曉諭三月四日權發遣淮南路計
度轉運副使魏安行言被旨詔誘人戶開耕淮東條官
閑田緣今來勸耕之初荒田數目浩瀚欲依鄉原體例

創開水陸田每縣支撥一萬貫文本路七州軍二十縣
欲望將本路合起發上供經總制等錢內應副詔於淮
東茶鹽司樁管錢內支撥一十萬應副十二月二十二
日上謂輔臣曰朕比屢諭卿等湏是先立規摹如一夫
合受田多少以諸路括到荒閑田元佃耕牛若干於何
地招置中賣下至農具糧種廬舍之類當令悉有條理
規摹既定方可行下茲大事也經始勿止庶毋後來更
改之弊不可以一夫獻言便遽行出要當博采物議作
事謀始尤宜審詳陳康伯奏曰臣等當遵聖訓候諸路
申到頃畝數目別條具奏陳上曰甚善三十一年正
月五日臣僚言軍中揀汰使臣軍員最為冗濫州軍應

副請給動以萬計若歸吏部等待闕次亦是人衆今欲行下諸州契勘本處揀汰使臣軍員各若干人數計請給若干將本州賣不盡應干言田約計請給多寡撥田畝付逐人為業許指射養之終身更不支破請給亦不更注授差遣如本人身故許子孫接續承佃並依人戶承佃條法詔令兵部同共措置條具以聞其後戶部言添差揀汰使臣并校副尉下班祇應養老軍員今欲遍下諸州軍許指射官田仍委守倅取見賣不盡應干沒官田產從輕估價家同標撥以一年衣糧請給紐計價數合得頃畝給付為業若後來本人身故給與子孫承佃逐路專委漕臣一員催促標撥置籍限今年歲終須

管標撥盡絕仍開具已標撥過職位姓名田畝開報常
平司依常平法借貸種粮牛具或有州軍員多田少去
處即行開具以聞其逐州軍所撥田土須管將鄉村比
近田段品格肥濃瘠連高下以千字文為號每一百畝
作一號號尾排定注籍訖從上撥與先到州軍公叅籍
定之人如合給田三十畝已上即行拆號標撥五十畝
如合給七十畝已上令撥一百畝若標撥給田便行住
罷請給切慮因而失所今欲令諸路軍州且行按月支
破請給候所給田土耕種收成子利及一年住支所借
種粮候及三年隨料帶納淮南京西湖北等路及後來
添差揀汰使臣亦合依此如軍州內有率先標撥了當

去處仰本路轉運司保明推賞若一路首先操撥其轉
運司亦當推賞或有未便未盡事節即從本州軍申漕
司條具申請施行今欲下兩浙江東西福建廣東西湖
南北京西淮南東西路轉運提刑提舉常平司并逐路
州軍依今來措置到事理施行詔令中書門下後省官
同臺諫詳議聞奏給事中黃祖舜中書舍人虞允文殿
中侍御史杜莘老右司諫梁仲敏議曰諸郡常入之賦
歲有定名諸軍揀汰之兵歲有增數以定名之賦給增
數之兵歲月益深財力日以屈而兵之仰食者有時而
不贍矣若如議者所揀紐其衣糧請給計其價而給之
田所贍養者不過數十人其坐而仰衣糧者尚千餘人

也不獨事體不一勞逸又不均謂宜下有司將具不盡
條官田戶絕及寺觀無主田并僧道違法田盡行拘收
又將日後沒官田歲行抄籍以待兵田之數相當而後
施行可無不足不均之患詔令吏兵部長貳叅酌給舍
臺諫所議事理重別措置條具以聞 三十二年二月
二十二日臣僚言乞下寬大之詔立時月之期俾民間
見耕之田有出於元請之數者皆得自叅酌以與之其
積年之租一切蠲免止候其陳訴之田定輸賦之額非
獨小民免侵奪之患彼豪強姦肆者所侵耕之田亦不
敢欺詔令戶部看詳其後戶部言今看詳湖北荆湖南
京西運司行下所部州縣將人戶請佃包占隱匿過田

畝依湖北已得指揮立限一季許行自陳與免追理積
年租稅及免斷罪如限滿不首許人陳告官與檢量將
包占數給與告人充賞仍追積年租稅斷罪所有今來
湖北路人戶已是限滿切慮其間有未曾陳首之人并
下湖北路轉運司再立限一季依已降指揮陳首施行
從之 孝宗隆興二年十二月十六日德音楚滁濠廬
光州盱眙光化軍管內并楊成西和州襄陽德安府信
陽高郵軍勘會歸業人戶內有貧乏之人闕少牛具種
糧恐妨農務可令監司帥臣同常平司量度借貸免納
租課後及三年分作兩料帶納不得格息 乾道元年
正月二十一日詔兩淮民戶並已復業宜先勸課農桑

若不稍憂其賞竊慮無緣就緒應縣令丞於本縣界內
種桑及三萬株承務郎以上減磨勘二年承直郎以下
循資六萬株承務郎以上減磨勘四年承直郎以下循
兩資並與占射守倅勸課部內植二十萬株以上轉一
官種及一年許民戶租佃五年後量立租課不得科擾
應守倅令承賞格任滿本路轉運司覈實聞奏既而三
省言已降指揮兩淮民戶令監司帥臣督責守倅令承
勸課農桑竊慮民戶恐輸納租課未肯用心種植有失
勸農之意詔令兩淮監司帥守遵依已降指揮督責守
倅令丞多方勸諭民戶廣行種植依已定年限免納稅
租如栽種及格即保明推賞施行上宣諭宰職曰嘗降

指揮令淮南栽植桑柘並不曾奏來洪适等曰近有臣僚言淮南州縣稅桑菓木已嘗行下約束容檢一宗文字進呈上曰正要勸令栽桑何得更稅也於是樞密院差使臣二員分往兩淮安撫司守等取索州縣已栽過的實數目申尚書省其後會到諸州已栽種過桑株數目上曰亦可見得的實否洪适奏曰州縣既知陛下留意聞皆使人於浙西買桑栽去上曰更數年後須成次第可剗下兩淮更多為栽種二月十七日忠州團練使知濠州劉光時言濠州復業之民皆無牛耕若或失時秋亦無望乞支撥錢五萬貫貼借人民收買耕牛種子庶幾趁時營種不致失所詔令淮西總領所支錢二萬

貫專充收買耕牛七月十九日臣僚言浙西江東淮東
路沙田蘆場多係官戶形勢之家請買租佃未立稅額
今朝廷軍食用廣每歲和糴乞將官民請買到沙田園
埤成田見今布種比附平田及蘆場頃畝並令立稅其
經官請佃之數覈實頃畝別行立租如不願租佃者所
屬拘收申取朝廷指揮詔差高州刺史幹辦皇城司梁
俊彥與楊傑張津同共措置九月三十日措置浙西江
東淮東路官田所條具諸州縣沙田蘆場有見行法起
理稅租止緣官戶侵耕冒佃見占頃畝致失常賦及租
佃人戶計屬州縣從輕立租昨雖紹興二十八年委官
措置緣督令嚴速開具不實所立租數不照鄉原體例

一等施行詞訟不已致有衝改今來除已立式行下州縣開具四至取赤契砧基照驗如已經經界立定二稅即依舊拘催內沙田若園埤成田已經成熟即依平田立稅其官民戶有侵占寬剩頃畝及有經官請佃數並合取見詣實照色額肥瘠比見立稅上添立租課乃許見占田人限一月自首如限滿不首許諸色人陳告取賞將所告之數全給告人承佃戶部契勘官民戶侵占請佃添租事合照前項已降指揮起理施行餘依所乞本所又言人戶請買田產內有寬剩畝角及侵占田段如違限不首即合委官抽摘戶數打量覈實戶部契勘人戶寬剩冒占田段不首如無陳告即將犯人追賞及

拘田入官本所又言州縣官吏若有不擾率先辦集保
明乞賜優賞如奉行不度或稽滯騷擾及容情蓋庇具
名申朝廷人吏重行斷配戶部契勘欲依所乞本所又
言官民戶請佃沙田蘆場別立租如不願租佃即行拘
收或作官莊或召人請佃隨宜處置所立租額未審自
何年分為始戶部契勘人戶請佃拘收入官之田召人
租佃者其租稅合於來年秋起理本所又言沙田見令
起催小麥禾絲沙地起催豆麥絲麻蘆場起催柴茭見
錢若以逐色立額竊慮州縣折變錢米因而為姦致失
時賦乞將時來立定租數沙田上並起米斛或折料馬料稿子聽
朝廷沙地並納大麥蘆場並紐拆見錢庶幾免折變之

契本部契勘欲依內折科馬料稻子人戶願輸者聽從
便本所又言侯措置詳定許申取朝廷指揮分管或通
委本路轉運司戶部契勘見措置係浙西江東淮東三
路沙田蘆場今欲淮東浙西委趙公稱江東委楊侯同
逐路轉運主管內梁俊彥通行措置本所又言紹興二
十八年指揮官戶一千畝民戶二千畝以下並特免放
立租今降指揮却作官戶二千畝民戶一千畝以下依
等拘稅前後參照差互不同兼已秋成難從今歲起理
乞與其餘沙田蘆場立定租數目一就起催施行戶部
契勘今來官民戶請買請佃沙田蘆場並合照今降指
揮不限田畝多寡起立租稅所有起理租數合依本部

令來第四項勘當施行從之二十四日臣僚言已降指揮應占佃沙田蘆場並立租稅乞將昨來已立租稅及官戶二千畝民戶千畝以下亦等第均立稅額其已立額候秋成依見額拘催餘族覈實與編氓均輸從之

五年七月二十八日戶部尚書曾懷等言浙西江東淮東三路有沙田蘆場草場等多係有力之家占佃包裹寬餘畝步未曾起納租稅累經打量各有寬剩乞委逐路漕臣措置將昨來人戶自供出數參照比近等則估紐價直令占佃人承買仍照逐等色額起理稅賦詔戶部將昨來人戶自供出寬剩并包裹及占佃實數聞奏九月十四日戶部侍郎楊使言江南東路州縣有常平

轉運司圩田見今人戶出納租稅佃種遇有退佃往往私做民田擅立價例用錢交兌取會到建康寧國府太平池州所管圩田共七十九萬餘畝皆係耕種成熟乞下江南東路提舉常平司選官躬詣地頭照鄰比田則估價召人實封投狀增錢承買限滿拆封以最高錢數問見佃人與減二分價承買若不願即給價高人為業除納稅依舊外其見納租者並以三分為率與減一分仍不作等差役及諸般科配詔圩田更不出賣今建康寧國府太平池州將每歲收到圩田租苗米並起發赴總領所大軍倉送納充支遣太軍糧米其餘故也 六
年二月一日詔浙西江東淮東諸處沙田蘆場二百八

十餘萬畝除人戶已請佃及包占外其餘並行估價出賣所有已請佃及包占數目可立定等則增立租課八
臣僚言浙西江東淮東路諸處沙田蘆場多係有力之家請佃及有包占寬剩畝步昨來措置括責人戶自供到二百八十餘萬畝其間請佃或已充已業之數雖有稅課並各多寡不一及包占寬剩數目未曾起理租課詔令蔡洸同梁俊彥專一於行在置司措置申尚書省俊彥等言今來所立租稅自六年為始依秋料有限送納其人戶自行供到寬剩數目亦合依本所已立租佃例輸納其立定沙田蘆場就租外並與免納二稅和買役錢之類人戶日前曾有立定所租田地比今來等

第已高者合依舊數送納其舊額低於新立者租稅即合依新立乞行下諸縣照所供帳式限一月紐計逐戶合納稅租之數類聚置籍供申如尚有未實及有未到數并有陞改新漲復沙田地並限一月陳首如限滿不首許諸色人陳告追賞將所告田地並給告人承佃其所納米斛如願糴子以糴子二碩折米一碩如願折錢以米一斗折錢三百小麥每斗折錢一百五十今來租稅係將田地所得花利紐立不許於租佃人戶內抑勒均輸應有坍走田地從實申官依條減落租稅如有新漲復沙地新生沙田許人戶據實畝步請佃並與免十料限滿依已立租稅等則紐就輸官所有合納租稅許

令就便於本州縣送納其受納官司不得增收加耗如
將來諸司申乞除豁舊稅合取赤歷照實收數及分撥
發納去處除豁仍先於籍內立項開說供申本所並從
之閏五月二十五日中書門下省言江東諸州圩田近
因雨水衝損圩岸若候修築動經歲月圩上人戶既無
田可耕竊慮失所其淮西未耕墾田甚多見行召募人
戶請佃理宜措置詔令張松多方勸諭如有願往淮西
耕田之人津發前去候到令已企中據撥田段借給種
糧及屋宇牛具七月五日司農少卿張津等言被旨專
一措置浙西江東淮東路諸處沙田蘆場立定租稅今
已就緒昨來措置租稅並將乾道元年二年人戶自供

戶式帳狀內田地畝步所收花利立定等則分數并舊
稅州縣紐計數目共管租錢六十萬七千七十餘貫日
後無可改易乞依催科月分省限委官照數拘催起發
赴左藏南庫交納詔租錢令梁俊彥拘催一年 七年
二月四日詔令知揚州晁公武知廬州趙善俊行下所
部州軍子細契勘所種二麥具實數申尚書省於是晁
公武具到真揚通泰楚滁州高郵盱眙軍人戶所種麥
田除先種二千五百八十七頃一十八畝外續勸諭增
種二百九十六頃五十畝有奇趙善俊具到廬州濠舒
州無為安豐軍乾道五年六年所種二麥田畝數目詔
淮東路差太府寺主簿趙恩淮西差軍器監主簿張權

賈實未幾張權賈實到淮西麥田數畝元文奏曰張權
言定遠鍾離兩縣於元數外增種過二百七十頃則淮
西所種必廣矣梁元家奏曰廬州荒田不少今歲所收
尚有四萬餘斛他可知矣上曰然其後趙思又劾實到
淮東二麥上問曰比是公武數增虧如何元文等奏曰
其數同上曰守令當定殿最以行賞罰元文等曰趙思
正論此事謂兩淮多已耕耒藉之田州縣取其已耕者
號為增種其實未嘗勸課不如先括見今荒田頃畝然
後責令勸耕他日用此以詔賞罰乃得其實上曰此說
甚有理上又曰前日遣官覈實欲定守臣殿最以行賞
罰耳恐淮人不知將謂增立賦租可併割下張權趙思

曉諭百姓令人人知朕此意十四日冊皇太子赦江東
圩田去年被水衝決去處官圩已令修築外民間私圩
已降指揮以田畝十分為率借種一分尚慮興工所借
分數不足抑提舉官遂州守令量增分數一面及時增
修具已增分數限半月具實數並申尚書省沙田蘆場
昨降指揮令見佃人依戶式親行書押管認頃畝花利
起立租稅竊慮官吏奉行減裂誤將租產一例作佃產
分數立租致興詞仰訴實係租產之人齎契書及經界砵
基簿赴官陳理當議覈實改正十月五日詔江東西湖
南北帥漕臣日下措置官為借種責守令勸諭招誘大
姓假貸農民與依賑糶賑濟賞格推恩赴時廣行種麥

仍開具已種頃畝數目申尚書省當議取旨殿最賞罰
先是宰執進呈臣僚言今歲江西湖南諸州郡例皆旱
傷且去秋未遑宜令逐路守令因而勸種二麥上曰冬
月得雨便可種麥不知江西湖南入冬得雨否虞允文
奏曰臣僚所言正欲趁冬種麥以為來春接濟之計上
曰甚好今去秋成日月尚遠不爾民何以為食可剋下
兩路帥漕廣行勸諭備貸種糧令民布種故降是詔
八年三月三日權知安豐軍張士元言本軍責屬縣令
佐勸諭人戶栽種桑柘緣一歲之內止自十一月至二
月可以栽種乞下雨淮州軍過可栽種責令佐多方勸
諭具實數供申從之七月七日臣僚言淮南江東浙西

沿江沙田蘆場所立新租大為民害向來臣僚起請止
為有力之家侵耕冒佃今却將應干人戶組產已業一
舉打量所立新租數倍舊日往往盡地利所得不足輸
官迭移紛紛禍及鄰保甚則州縣為之陪納乞將提領
官田司後來所立新租參酌施行詔人戶已業蘆場草
地所納稅租與減五釐租佃與減一分餘並依舊仍將
提令官田所住罷併歸戶部掌管八月二日知安豐軍
高夢言近有歸正人陳乞據撥田土及稱已請到田土
而無牛具耕墾乞借支官錢今欲將未有營生之人每
戶給田五十畝牛一頭犂耙牛具之屬其已請田之人
無牛具者一例給之乞降錢會二萬貫措置從之九月

六日中書門下言江西湖南去歲旱傷人戶多無儲積
以致流移詔令運路監司守臣勸諭人戶廣種二麥以
備水旱 九年六月二十八日詔曰朕惟天下之本在
乎務農故自即位以來罷游畋却供獻蠲不給之費省
無名之賦凡山林川澤之禁悉弛以便民庶幾富而教
之躋二帝三王之盛而志勤劬淺十有二年于茲度地
非益廣而耕者不足於力度民非益蕃而貧者不足於
食間遇水旱散財發粟而猶以病告豈吏之不良政之
不平奪吾民時歟抑從事於末者衆而游手仰給者多
歟朕聞昔之為詩者曰饁彼南畝田畯至喜又曰星言
夙駕說于桑田其勸戒成就之如此今吾詔書數下勸

民種藝而功未興賞有任其責者比覽舊章守令監司
實勸農之官歲終稽其勤惰來上而賞罰之令諸道或
城連十數而縣又數倍曠歲無有以一人應令者是吏
奉詔不虔而勸民不至也將何以助朕脩耕織之政而
豐衣食之原乎繼自今其悉乃心共乃服出入阡陌勸
課農桑視吾新書從事以殖財阜民則賞不汝遺厥或
怠惰自如邦有常刑必罰無赦播告中外諭朕意焉繼
有旨令諸路監司郡守恪意尊行限次年正月終各保
奏聞升任毋致違戾九月十日知紹興府錢端禮言浙
東州縣旱傷至廣朝廷倚閣殘零稅賦差官檢放及借
本勸諭種麥非不嚴備令官中欠員既已寬卹其出債

之家比之豐年收索愈急雖欲趁時布種二麥往往不能安業乞將浙東旱傷州縣下三等戶所欠私債並與倚問候來春歲豐熟依元約理還從之十二日錢端禮言奉御筆令臣督責守令多方勸誘廣種二麥見今屬縣縣官躬行阡陌分行勸誘其間有高仰可種麥田空閑未種處委是無力欲以官中收糴種子量酌借貸候至來年成熟催理還官其諸縣諸鄉富貴之家有質當過二麥種子恐闕錢取贖乞從本州行下州縣並令貸借及時布種候二麥收成依鄉原例交還本錢從之

續會要

孝宗淳熙元年二月七日中書門下省言江東西湖南
北京西兩浙東西路帥臣委官覈實部內州縣所種二
麥務要開廣比較當職官勤惰即非增加稅賦切慮人
戶未知因依詔令諸路印榜速行下州縣曉諭仍遵依
已降指揮疾速從實開具即不得因而希賞虛增數目
歲具增種頃畝之數結罪保明以聞自後逐年檢舉亦如之二年
三月十六日詔近來雨澤霑足浙間種蒔已見次第可
令江東淮南漕臣開具管下州縣得雨日辰及布種禾
稼分數以聞淮南運判趙思言天長軍天長縣因修築
石梁高湖堤有浸漕過人戶田土已承指揮將營屯田

及係官田土倍數撥還如有願認元浸滄田之人經官自陳照契依數給還却將倍撥田拘收入官司若止願種倍撥田即拘收元滄田入官務要兩從民便從之四年十二月九日臣僚言農田之有務假始於仲春之初終於季秋之晦法所明載州縣不知守法農夫當耕耘之時而罹追逮之擾此其害農一也公事之追鄰保州縣所不能免然事有輕重鄰有遠近苟證佐明止及近鄰足矣今則不然每遇鄉村一事追呼干連多至數十人動經旬月吏輩不得其所欲則未肯釋放此其害農者二也丁夫工役之事正宜先及游手古者所謂夫家之征是也今則不然凡有科差州縣下之里胥里胥

之所能令者農夫而已修橋道造館舍則驅農以為之
工役遠官經由鑒司巡歷則驅農以為之丁夫使之備
裹糧以應州縣之命而坐困其力此其害農者三也有
田者不耕而耕者無田農夫之所以甘心焉者猶曰賦
歛不及也其如富民之無賴者不肯輸納有司均其數
於租戶胥吏喜於舍疆就弱又從而攘肥及胥是則耕
者雖無田而其實亦合有賦歛之擾此其害農者四也
巡尉捕盜胥吏催科所至村疇雞犬為空農夫坐視而
不敢較此其害農者五也詔令州縣長吏常切加意毋
致有妨農務 八年五月三日詔曰朕身處法公心乎
衣食之原迺者得天之時蠶麥既登及命近甸取而視

之則岐秀而穠短繭成而絲薄非種植風化之功有所
未至歟夫七月陳王業之詩也其辭乃專在乎農桑亦
惟人事是勉然後可以收全功凡爾監司守令其謹諭
朕意孜孜於勸課使五畝之宅植之以桑百畝之田勿
奪其時則吾黎民不飢不寒而王政成矣朕將稽奉行
之勤怠詔賞罰焉十一月十八日詔江浙旱傷州縣中
下等人戶田疇雖已耕犁間闕麥種慮恐過時仰監司
疾速行下所部州縣多出文榜勸諭人戶趁時布種如
闕種之家於常平麥內支給仍具已勸諭多寡以聞從
臣僚請也 九年正月十九日詔江浙兩淮州縣去歲
旱傷之處貧民下戶并流移歸業之人艱得稻種令逐

路轉運提舉司多方措置給借務令及時布種候豐熟却行拘還仍多出文榜曉諭具已借支數目以聞四月五日詔令兩淮帥臣監司將本路州軍見今二麥將熟及雨水分數詳具以聞五月十一日詔諸路帥漕提舉常平司疾速行下所部州縣多出文榜勸諭人戶趁時廣種二麥如無麥種之家即將常平麥日下支給若無見管以錢折支毋令種布失時先具知稟以聞十五日詔令江浙兩淮福建湖南北京西路帥漕司令後逐年自四月一日為始至九月終每半月四川二廣帥漕司每一月各將所部州軍得雨分數及麥禾次第詳具以聞

光宗紹熙四年八月十六日臣僚言昨降指揮括

責戶絕田產出賣其豬水之地并城壕岸城脚地脚街
道河岸及江河山野陂澤湖塘池漑之利與衆共者及
戶絕田地內有墳墓者在法並不許請佃承受當來官
司失於契勘更不分豁是致州縣豪疆之家貪求厚利
不顧法令乘此責田指揮並緣計會州縣公吏承買其
間更有將溪河湖泖灘塗承買在戶築壘圍聚成田成
地以遏衆戶水勢並是違法又第四第五等貧乏民戶
元佃田地施工日久官賦無虧亦為豪疆之家乘此責
田指揮計較逼迫割買誠為可憐乞令諸路提舉司各
行下所部州軍將來準任責沒官田產指揮以前人戶
承買前項違法地段限一月自陳改正給還元納價錢

如限滿許人告首所買田產拘沒入官仍依條斷罪內
有墳墓之地如戶絕無人承認許本宗及有服親自陳
勘驗詣實許行承佃紹業如已出賣者並與改正所有
第四第五等民戶元佃官田官地為豪彊剗買者並依
舊給元佃人為業仍給還元錢仰監司常切覺察毋致
違戾從之 寧宗嘉泰三年十一月十一日南郊敕文
諸路州縣鄉村間有豪橫之人強占鄰人田產侵擾界
至田畝其本戶租稅又不送納多是催科保長為之代
輸每有辭訴今後如有似此去處仰監司常切覺察及
行下所屬州縣重立賞榜許被擾人越訴

自後郊祀明
堂敕亦如之